
第四編

. 74 .



第四編

歴史・地理簿

晚明民變

靖難史事考證稿

明

明 甲申三百年祭 史纂修考

李文治編

李晉華著

上唇言店

王崇武著

郭沫若著

********* * 有 所 權 版 * * 有 所 權 版 * * % 必 印 酮 * * * ******					中華民國三十七年一	
發 行 所	印 刷 所	發 行 人	著作者	定 恒 國	研究所專刊之二十五 明青文中央研究院歷史語 19604	月初版
商 務各 印 書	印商務	朱 上 海河南中	王	另加 亚登	難史事考證稿一1)	
館	版館	農	武		册	

本許據商務印書館1948年版影印

目 次

第一章	敍言	· 1
第二章	明代官書所記之靖難事變	. 6
第三章	惠帝史事之傳說	28
第四章	史事考證	.43
(一)太祖	且之死····································	43
(二)燕王	E入朝······	46
(三)靖難	作戰役之推測	-53
(甲)包	園與突圍	58
(乙)電	战略之改變	74
(丙)那	疾師取南京······	·8 0
(丁)城	战守與援兵·······	84
(四)不剩	设权父韶	92
(五)周召	〉輔成王說····································	9 6
(六)七國	图叛漢故事	.00
第五章	皇明祖訓與成祖繼統1	.03
第六章	惠帝與朝鮮	24
第七章	漢王高煦之變與惠帝史書之推測 1	35

第一章 敍言

明代政治制度之鉅變以靖難一役為分野:如太祖痛抑宦官,惠帝管東光嚴,迨燕兵逼江北,內臣輸朝廷虛實,成祖以為忠於己,而狗兒輩復以軍功得幸,遂開宦寺專權之漸矣。太祖分封寧遼諸王,意在鞏固邊防,向外發展,成祖鑒於封建太侈,諸王難制,因移寧王於南昌(原封大學),遼王於荆州(原封廣學),谷王於長沙(原封宣府),韓王於平凉(原封照原,王松水榮五年薨,未之國,子中懷進封平凉。),藩王於潞州(原封廣陽,未之國。),自是東北之藩籬盡撤,非復太祖拓邊之原意矣。明初藩王得領兵備邊,服制僅下天子一等,公侯大臣無政與抗禮者,迨成祖篡位,恐他藩效尤,因削各王兵柄,寝假而二王不准相見,出城省墓,亦須奏請,食祿而不治事,遼成國家之發疣矣。洪武間以治錦衣衛獄者多非法陵人,乃焚其刑具,出繫囚送刑部審錄,成祖即位復其舊,並開設東啟,刺朝臣向背,遂啓廢衛治獄之厲階矣。然則所謂靖難事變者不僅關係朱氏叔姪之王位繼承,抑且為一代制度之改革關鍵,固讀史之人所不容忽視者也。

惟研究靖難之資料極貧乏,奉天靖難記肆洪武三十五年(即進文四年,成祖即位,為除建文年號)。六月丁丑記:

上得羣臣所上允炆谋策,即命焚之,有請上觀者,上曰:「一時之言,不必觀。」(明太宗實錄作「當時受其職,食其聯,亦所當書,何必觀。」 蒼實錄纂修在境難記後,故修改原交,意尤婉曲。)

叉太宗實錄是年七月壬午即位詔:

建文年間,上書陳言,有干犯之詞绪,悉皆勿論,所出一應榜文條例,並皆除毀。

又八月丙寅條:

上於宮中得建文時華臣所上封事千餘通,披覽一二有干犯者,命翰林院侍讀解籍等偏閱,關係軍馬錢糧數目則留,餘有干犯者悉 焚之。

據此,建文朝之榜文奏疏,亦即所謂直接史料者,榜文條例除毀,奏疏 除軍馬錢糧以外,餘均燔棄,考史者自為之茫昧矣。

明太祖實錄所載燕王事,應為研究靖難初起之重要資料,然成配以建文間所修本「遺逸既多,兼有失實」,又謂「建文中,任用方孝孺等纂修實錄,任其私見,或乖詳略之宜,或昧是非之正」,(見典武三十五年十月太宗實錄)因勅儒臣改寫,而於前此纂修之本盡加焚燉,修史諸臣亦獲重罪,如鄭曉吾學編遜國臣記柒葉砥傳載:

建文元年……召為翰林,編修國史。(案明代無圖史,大臣事蹟附載於實緣之中。此所謂國史者,當門太祖實錄。)……永樂初,坐修史書靖難多徽辭,被逮,籍其家,惟薄田廬,故書數篋,事白,仍與史事。

又沈德符野獲編壹「監修實錄」條記:

文皇新即位,以前任知府<u>集惠仲</u>等修太祖實錄指斥靖難君臣為 逆黨,論死籍沒。

實錄中直書指斥之詞,蓋皆成祖之所謂「私見」「失賢」之筆,後開館重修, 史臣懷戒於罹獄論死之禍, 自應大加删除矣。惟第二次纂修, 以時間匆遽, (自建文四年十月至永樂元年六月) 删改之處雖多, 而增附之文或少, 且其時之監修官為曹國公李景隆, 景隆本惠帝降將, 為其自身迴謙, 亦容有删除未盡處, 此始即太宗實錄所舐為「心術不正」者乎?故在永樂九年十月, 又開館重修, 迨十六年五月成書, 已歷時六報餘, 經此長期之 删改增益後, 其分量骤增加, 據解給進實錄表, 再修本一百八十三卷, 繕寫成一百二十册, 而夏原吉進三修本實錄為二百五十七卷, 二百零五 册。內府本實錄每冊之行款字數, 應相去不遠, 以此較之, 則今傳三修之本始增前倍蓰矣。其中粉飾之辭及預為靖難作伏筆處必甚多, 宜成祖閱之, 謂「少副除心」也。 夫初修本既經成祖焚燬, 再修本又久已失傳, (順亭林登湯則豐惠, 相傳再修本大學宗正朱睦潔有其書, 後遭流寇決河之雖, 毀於水。) 僅據三修粉飾之文,何以考求史事眞相乎?

至建文間同時人之記載,政府亦加嚴禁,明史壹柒壹楊善傳載,永樂問,藏方孝孺文集者,罪至死:

(永樂元年),其為(鴻臚寺)序班,坐事與庶吉士章樸同繫獄,久之相狎,時方窮治方孝孺黨,樸言家有孝孺集未及煅,善從借觀,密奏之,樸以是誅死,而善得復官。

又同書壹肆壹方孝孺傳:

永樂中, 藏孝孺文者罪至死, 門人王發潛錄爲侯城集, 故後得 行於世。

笨方集初由其門人鄭楷輯錄成四、五册,復經王發搜集補充,宣德以後, 始渐行於世。據余所知者,其較早之刻本凡四: (一)天順七年,臨海趙 洪輯本,(二)成化十六年,太平謝鐸輯本,(三)正德十五年,蘇州顧璘輯 本,(四)嘉靖四十年,范惟一復綜合三本彙刊之。范本甄採雖廣,然去孝 孺之死,已百六十年,且當時對清難史事、猶有禁諱(解禁在萬曆以後),故 集中一方面既濫收他人詩文,(如卷貳貳有俞金嘉表,王釋文樂及明文衡皆載之,實 爲韓作。卷貳叁有勉學詩二十四首,陸容菽園雜記謂爲元末蘇陳謙作,而錢謙益列朝詩集以 爲「爲李九江作」「爲齊黃輩作」「傷時政作」,則失檢矣。又都穆帝濂詩話更指漁樵一首 爲楊孟載作,牧牛圖一絕爲元人作。)一方面又不載達礙文字,靖難記謂惠帝詔 檄多出自孝孺手,故方集亦應為研究靖難事蹟之重要文獻,而今傳之 本,全不收载,以此例彼,當時人之記載失傳者,蓋亦多矣。官書曲解史 實,野史漫無根據,皆非信史,故自明末王世貞、錢謙益,以迄清初徐乾 學、朱彝尊、王鴻緒輩,皆思於此段史事,有所考索,而其實甚少發明者, 誠以史料缺乏故也。

以余見聞之陋,自更不足語此,茲稿之所欲提供者,不過擬於前賢討論以外,別排假設,求一可能之解釋而已。又靖難史事關涉甚廣,本書僅就其尚可考知者,試作推論,凡舊史記載已明、及箇人知解未審者,很不牽入。故所論列諸事,未必全關重要,且所論問題之內涵,亦非盡具於此。 抗戰以還,求書不易,其參考之未周與證解之愚關,亦半因環境所限,而

事这所無可如何者也。

中華民國三十四年六月二十八日王崇武自識於四川南溪李莊。

第二章 明代官書所記之靖難事變

即官書記靖難史事之較為完備者有奉天靖難記。書中稱成祖為「令上」,撰者自係永樂問人,又稱仁宗為「太子」、稱即王高煦高燧等為「漢王」「趙王」其與太祖實錄偶同之處,持相參校,知較實錄為早。 然則此書之著作年月最早不能踰永樂二年四月立太子、封諸王以前,最晚亦不應在十六年五月太祖實錄纂成之後,蓋記靖難事蹟之較早者也。 此書於成祖行事每曲為迴護,於惠帝方面則醜詞相加,共詆毀最甚者,如:

(太祖崩), 允炆矯遺詔嗣位,忘哀,樂作,用巫覡以桃刻被除宮禁,以硫磺水徧灑殿壁,燒諸穢物,以辟鬼神。梓宮發引,與弟允熥各仗劍立宮門,指斥梓宮曰:「今復能言否?復能督責我否?」言訖皆笑,略無戚容。(卷一)

又云:

允炆日益縣縱, 焚太祖高皇帝孝慈高皇后御容,拆毀後宮,掘地五尺,大與土木,怨嗟盈路,淫佚放恣,靡所不為,遣宦者四出,選擇女子,充滿後宮,通夕飲食,劇戲歌舞,嬖幸者任其所高,謂其羊不肥美,輒殺羊以厭一婦之欲。又作奇技淫巧,媚悅婦人,窮奢極侈,暴殄天物。甚至要衣皆飾以珠玉錦繡,各王府宮人有色者皆選留與通。常服藥,藥燥性發,血氣狂亂,御數老婚不足,更續

化羊母豬與交。荒耽酒色,畫夜無度。及臨朝,精神昏暗,俯首憑案,唯唯數事而已。宮中起大覺殿,於內置輪巖,出公主與尼為徒,敬禮桑門,狎侮宗廟,皆置一女子於盒以為戲,謂為時物,舁入奉先殿薦新,盒開聚觀,大笑而散。倚信閹豎,與決大事,凡進退大臣,參掌兵馬,皆得專之。凌辱衣冠,毒虐良善,御史皆被箠撻,紀綱壞亂,搆成大禍。自是災異疊見,恬不自省。夜宴,張燈熒煌,忽不見人。寢宮初成,見男子提一人頭,血氣模糊,直入宮內,隨索之,寂無所有。狐狸滿室,變怪萬狀,徧置龐犬,亦不能止。他如日赤無光,星辰無度,彗掃軍門,熒惑守心犯斗,飛蝗蔽天,山崩地震,水旱疫癘,連年不息,錦衣衞火,武庫自焚,文華殿燬,承天門災,雖變異多端,而酬樂自如。(卷一)

果如上述,是惠帝之失德,甚於桀紂幽厲。及細審其實,知皆誣辭。野史 記惠帝之美德善政者,吾人亦以其無稽, 姑不取,茲擇舉其較可徵信者 兩則以為反證。太宗實錄永樂五年六月乙未干達傳載:

又朝鮮太宗李芳遠實錄捌,四年(永樂二年)九月已酉:

召成石璘趙浚李茂趙英茂李稷權近等議事,上曰:「大抵人心懷 於有仁,(言人心懷念有仁德之人,朝鮮文義如是。)建文寬仁而亡,永樂多 行刑殺而與,何也?」浚對曰:「徒知寬仁而紀綱不立故也。」上 然之。

案達傳出自官書,而云建文君可與為善。朝鮮國王以旁觀地位,亦稱建 文寬仁、永樂刑殺,更足以分判兩者之是非。又惠帝任用方孝孺等,尊 崇儒術,似不至於佞佛,而成祖迎西域胡僧,求朝鮮舍利,適與其所武毀 惠帝者相類。至惠帝抑制宦官,其遺赴朝鮮市馬者皆監生,而成祖所遺 之使多宦者,更彰彰可考。故靖難記之謾駡方式,雖足稱快於一時,實難 徵信於後世,後來纂修太宗實錄,雖因襲是書,然頗多改動,而於此等處 則十九删除,誠不為無見也。

由於官書之前後改動上,可以考見兩事:其一為改動愈晚之文,說理亦愈為圓滿,其二為在後來改寫文中,亦偶可透露史實,茲分述如下:

考燕王令旨及姜清秘史均载有燕王上惠帝書及移檄天下文,燕王上書,靖難記及太宗實錄亦载之,惟令旨秘史所载者,或為當時之原件, 靖難記成於永樂間,太宗實錄成於宣德時,三者時代不同,文字互異, 茲考其內容先後改動之故,列表對照以說明之。

燕王令旨所載燕王上惠帝書 (注文用豫章叢書本懿史引文校)	<u> </u>	太宗寅錄卷四所載燕王
燕王棣謹奏: 為報父仇事。臣稽		臣聞至明者無遠而不
首頓音百拜,昧死言:		照,至藏者無遠而不格,
臣聞天下至尊而大,莫君與親也。	盖聞天下之至尊至大者,君	陛下嗣承大統,爲臣民
故臣之於君,子之於父(較史父	與親也。故臣之於君 ,子之於	主,蓋天下仰望 如日月
下有母字),必當盡其禮而已爾,	父,必當盡其禮者,蓋不忘其	之明也。臣棣叨奉宗藩,
盡其禮者,不敢忘其大本大恩也。	大本大恩也。故臣之於君則	比者見惠權姦,橫加大
大本大區之所以不敢忘者,亦理	壶其忠,子之於父則盡其事,	惠,特魚內其一家,臣之

之當然也。故臣之於君、則止乎 息,子之於父,則止乎孝,如臣不 思於君,子不孝於父者,是定大本 大恩也,此豈入之類也歟? 若然, 則君親之大本大恩,爲臣子者,旣 不可以不强,則君親之仇,爲臣 子者,其可不與君親報乎? 禮曰: 「父之仇不共載天、兄弟之仇不反 兵」,今我太齟高皇帝、臣之君也。 父也, 君积之仇, 其可以不報矣 平?

爲臣而不忠於君, 爲子而不! 孝於親者,是忘大本大恩也, 此豈人類也敷?若然,則君親 之大本大慰,爲臣子者不可 以不報,君親之隱,又豈可不 報乎?禮曰:「君父之隱不共」罪不已,是臣雖有至誠, 戴天,兄弟之讎不反兵。」 今 不能上格, 陛下雖有至 我太祖高皇帝子也,君親之 键,可不翻乎?

案此文較上文簡潔,上文 是必欲置臣父子一家於 **猛自稱「臣」,此文則盡「死地不**宥也。死非難,但 削去矣。

我父皇存日, 因春秋高, 故每歲 宣播屏緒王或一度或兩度赴京朝 觀,父皇體衆王(以上十五字祕史 脫)曰:「香之所以每歲喚爾諸子 或一度或兩度(以上六字畝史無) 來者,何也(二字祕史無)?我年 老,盧病有不測而去,則不能見頌 量,往來當勞動也。」(以上十五字 **越史無)父皇健日尚如此,父息**| 既病久,焉得不來宣我諸子見也? 不知父皇果何(祕史作有)病也? 亦不知用何藥而弗效,以致於此 大故也? 禮曰:「君有疾飮藥,臣」 先嘗之,父有疾飲藥,子先嘗之。」

恒念父皇存日, 因春秋高, 故 死, 此為難耳。儿人宛告 每歲召諸王或一度或兩度入 朝,父皇謂衆王曰:「我之所」 以每該喚爾諸子或一度或兩 度來見者何也?我年老,蘆蔚 有不測,弗能見爾鱉也,豊不 知聞號往來匍匐之 勞 勤!! 父皇康健之目尚如此,矧氏 病久,焉虚不來召我諸子莧。 也?不知父皇果何病也?亦不 知服何藥而不瘳,以至於大 故也? 禮曰:「君有疾飮藥,臣」 先嘗之,親有疾飮藥,子先嘗! 之。」今忝爲父皇親子,分封「多少數置不拘數目。」 《臣忝爲父皇親子,分封於燕,去 | 於燕,去京三千里之遠,每疏 | 當時各王府皆然,非皇

無辜,天地鬼神,共所昭 變。前場肝腑,上數自陳, 蓋出於危急迫切 之 誠, 可謂至矣。今歷三月,未 沐垂察,而叠發大兵,討 明,不照幽遠矣。竊聞朝 廷論臣有不軌之 事 八, 無罪而被極惡之名以 | 則呼天,謹陳其八事之 戬,惟陛下垂疾。其一謂 臣三護衛官,有輪類數 者。今臣三護衞指揮不 及二十員,比職黨內員 **額尙不足,鎮撫百月於** 常額亦缺,千戶不過五 十員。比額雖多三五員。 然片墨考隐御時,朝廷 除授者,非臣所敢自置。 蓋臘쀐職制條有云:「王 府指揮司官并屬官隨軍〕

京三千里之遠,每歲朝觀,馬行不一朝觀,馬行不過七日,父皇氏一考獨厚臣樣,此義臣之 過七日抵京,父皇病已久,如何不一病久,如何不令人來報,俾得一枉臣也。其二謂臣不當 令人來報,得見父皇一面,知何一一見父皇,知何病。用何藥, 病,用何藥,盡人子之禮也。焉有一 父病而不令子知者? 焉有髯子而 不知父病者? 天下豈有無父子之 | 知父病者? 天下豈有無父子 | 國也? 使其無父子,決非人之類 | 之國也耶? 無父子之禮者則 | 也!(以上一百二十一字秘史脫)。

父皇五月初十日亥時屬,寅時卽「況父皇閏五月初 十 日 未 時「後,臣居喪且病 足跡未 發,不知何爲如此之速也?轉曰:「崩,寅時即發,不知何爲如此」皆出外庭,而護衡軍士, **『三日而豫,俟其復生也。』今父**! **皇不一日而殮,禮爭非禮爭(三**] 字談史無)?

古今天下(四字祕史無),自天 古今天下,自天子至於庶人, 此義臣之枉臣也。其三 子至於庶人,焉有父死而不報子 知者?焉有父死而不得奔丧者也? | 何故父墓實天一月穐景詔令親王 天下百姓知之?如此,則我親子與 庶人同也,禮乎非禮乎(三字祕) ⊭無)?

(以上十三字越史無)?臺曰:「天 夢?不知何爲如此之速也?禮 條有云: 「凡王府武官 子七月而葬」,今父皇七日即葬,一曰:「天子七月而葬」,今七一千月百月從王於所部軍 不知何爲如此之速也? 臣以此禮 日即霧,禮平?今見韶內言 [] 職內還用,開具各人姓 不知出於何臭,今見韶內(蔣史|燕庶人父子」,豈孝父皇以庶|名實跡,王親署奏本,不

蠢人子之禮也。焉有父病而 不合子知者? 焉有爲子而不 非人類也。

案此文及上文告懷疑太祖|遍數不拘」。非臣敢擅 之死以攻致惠帝罪。

之速也?禮曰:「三日而殮,候」兵部數數調遺懶邊,存 其復生,」今不一日而殮,禮一者僅半,而教練久發,北 \$7.7

爲有父死而不報子知者? 焉」謂臣不當於各衞遷用軍 有父死而子不得奔喪者也?!官,自陛下嗣位以來,臣 及踰一月,方詔親王及天下。未嘗言及兵事,亦未嘗 知之,如此則我親子與庶民 间也。

义不知父皇停棺何所,七日即葬 | 义不知父皇梓宫何以七日而 | 外衞選用,蓋祖訓職制

無事操練軍馬,此事亦 在皇考臨御之時有之。 蓋醌跏兵衞條有云:「凡 王教練軍士,一月十次, 或七八次,五六次,若陶 事有警,或王有閒暇,則 |爲也。然自皇考賓天之 平官吏軍民成所 🗄 覩, **逻用一官,但在皇考時 曾具奏於北平城中散衞 選用三五人,亦不曾於**

作合) 言「燕庶入父子」, 是鄰「人之禮耶?可爲哀癟! 以庶人之禧也(越史作『方知父 皇辈以庶人之禧也), 其可哀也 矣,其可痛也矣!

案建文元年七月壬辰,下「前闻奏,殯降誥敕」。當 韶討燕,削其屬籍,所謂「時王府通例如此。非獨 「燕庶人父子」自指燕王 棣及世子高雄、郡王高煦 高條等,今因離故謬謂誠「四謂臣以養粹期 健幸。 已及太祖, 雖狡辯, 實可 啊! 义上文謂葬太祖以庶 | 人,悉是洪武閒歸附,朝 人禮,作肯定語氣,此文則「廷處於北平,皇考命於」 作懷疑語氣、蓋亦自惟理。 屈,不便作肯定之责問也。 未邀即拆毀宮殿,掘地五尺。」具在, 內府必有較底可

明有韶云: 「太祖高皇帝開」

基創業,平定天下,用心三十二 年,紀綱法度,布書火定,猗

如起造巨室,與人居處,苟爲

理。] 旨战言乎! 今姦臣言將

使天下之人遵法,亦難矣。

外臣工選循太祖法度,今三人,但冒以空言,天地鬼 成祖曲紹原意,反舐齊泰一神,其可欺哉!此姦臣之 之拆毀宮殿爲背棄前言,、枉臣也。其六謂臣府中

勝上女多矣。

由?衙門、姜人直諮詢。 臣棣、兵部具有文檢可 驗,此姦臣之枉臣也。其 蓋臣府中有 駐 軍 百 餘。 護衞歲給衣糧,以儒禦 **康防邊之用。當時賜敕** 稽,其百餘人,今死者已 四之一、其預目亦已赴 克別用、實非臣私養,此 姦臣之枉臣也。其五謂 非。尤是無根駕虛之說, 果如有之,必知是何氏 名,出何郡縣,指實罪之, 条惠帝取譽巨室,蓋勉內「誰敢不服。今無品實之」 大失原意。推此文所改者,守禦四門,不當督擬皇城 。守禦之制,更番其嚴,以

父皇賓天,葬禮未具,即將宮殿拆 毁,掘地五尺。不知父皇得何罪而 至如此也!况陛下即位之初,警諭! 整天下立武百官,其中有云:「太 祖高皇帝用心三十年,大飆紀、大| 法度都擺布定了,如今想著太祖|官者不修政事,不守法度,如|臣招致各處異人術 士, 皇帝開基創業,平定天下,便如做上拆毀室廬,欲求安應,均有是上養於凉中, 日夕論議為 下一所大房子與人住的一般,若 是做官的政事上不用(祕史作同) ▲ 宮殿拆毀,與所言大相違背, 心,不守法度,便似(越史作是) **将房子拆毁了,卻要房子裏安穩** 住的一般,世間安有此理者故! [今陛下聽信姦臣齊尚書等 之言, **的將孤業拆毀,與詔旨大相違背,** 使天下之人,告欲守其法度,亦難!

突散。

上交過稱齊秦爲「尙書」, 此文則直斥爲「姦臣」。又 皇明祖凱營耕章:「朝廷嗣」 君掌管天下事務者,其難 宮別殿亭樹遊翫去應,更 不許造。」惠帝拆毀宮殿。 容或別營新室, (靖難部 | 誣共「大與土木」)與組訓 抵觸,成祖意外之言,魔亦 影射於此數?

爲關防朝廷。蓋離訓兵 衛條有云:「凡王府侍衞 指揮三員,千月六員,百 月六縣,正旗軍六百七 十二名,守黎王媛四門。 每三日一次,輪值宿衞, 其官軍皆三護衛均撥。」 **自臣之國以來,二十餘** 年,欲遵此制,非始於陸 下嗣位之後。而陛下臨 御以來, 兵部數調護衞 官軍防邊,宿衞多不及 舊數。此姦臣之枉臣也。 其七謂臣宫室僭侈,過 於各府。此蓋皇考所賜, 自臣之國以來,二十餘 年,并不曾一遍增益,其 所以不同名王府者,蕃

元之舊有」,非臣敢僧

越,此姦臣之枉臣也。其

入謂臣第二子高煦遏獄

州,擅答驛官。此實臣失

於教訓,然答一寫官,途

之遇,何以服灭下後世!

孔子曰:「父在觀其志,父及觀其「孔子曰:「父在觀其志,父歿」 行,三年無改於父之道,可謂孝 | 觀其行,三年無改於父之道, 矣。」 我父皇在日,曹爽我衆王: 可謂孝矣。」 我父皇存日, 誓 曰:「我為天子,蓋造宮殿,不過 欲壯觀天下, 萬邦來朝, 使其觀 **ᡥ**,知中國天子之原歷如此也。然 此勢民苦軍,費用錢糧,豈易爲 爾,故我今日若语宮殿,梅黛堅久 壯麗,使後爲帝者享用,不須再 造,勞苦軍民。」今將祖獎拆毀,聽 乎非禮乎(三字越史無)?

與諸王曰:「我為天子, 蒼浩 宫殿,不過欲壯觀天下,萬邦 來朝,使其觀瞻,知中國天子 之尊嚴也。然此勞軍民之力。 費用錢權,豈易爾耶。善此宮 殿,極爲堅緻,使後世子孫不 須更造,以勞軍民。」今拆毀 粗樂, 禮平非禮乎?

案太祖實錄記帝改建大內| 宮殿,不尚奢麗華美,與兩 **文所述者**異。

臣於父皇實天,傾欲辭京究間,復一父皇實天,不得奔喪,欲自諱「指爲臣不執之迹,寬置 恐外人不知者以爲臣有他心犯隆 下也,故不敢出一言,吞擊忍氣耐

京,復為外人不知者拥有值 率,依吞聲忍氣,不敢出言,| 此姦臣之枉臣也。 大極

淚從腹中落也。	痛裂肝肺,淚從中墮。	八事皆是隱虛飾詐,加
	案上女「體京究問」,是何	以大惠,三尺重子知其
	等氣燄,下文改爲「欲自	不可,而姦臣肆無忌憚,
	豁 京」,其上復加「不得	假天子之權行之,與趙
	奔喪」句,則鞍前婉順。	高指鹿為馬者何異! 且
不意在朝左班女職,齊尚書黃太	不意義邪小人,交排爲恩,方	陛下與臣皆出太祖高皇
常痛等官,俱是姦邪小人,食墨潛	官欺惑,變亂置法。豈不知是	帝孝慈高皇后,於陽最
更,俱我父皇帝誅不盡之餘黨。又	明祖訓御製序云:「凡我子	親也,姦臣獫得誣以極
行結構 為惡,以陛下 年少寬容,每	孫,欽承於命,毋作聽明,亂	惡,則確選之小臣,天下
用巧首欺惑,變亂祖法。豈不知息	我已成之法,一字不可改易,	之無民,彼若惡之,欲置
明艦凱伽製序云:「凡我子孫,欽	非但不預除垂跏之意,而天	死地,可望雪理、可望全
逸 朕命, 好作 職 明,亂我已成之	地觀宗亦將学佑於無窮矣。	活耶! 臣縣計姦臣非止
祛,一字不可改易,非但不預股垂	嗚呼,其敬戒之哉!」	於数臣,其不奪天子之
法之意,而天地服宗 亦将学佑於		大權,濁亂天下、傾危宗
無窮矣。嗚呼,其敬戒之哉!」		社不已也。蓋令諸王之
况齊向書嘗奏:凡朝夕几筵,揖而	伏自父皇賓天,閩齊泰等奏	中,臣徐爲長,周齊湘代
不污,及平小祥節屆,亦不執行祭	定禮儀,凡朝夕几筵,揖而不	岷五王已去之矣,獨臣
祀。至於各王差官到 京行祭祀禮	拜,及小祥節屆,祭不积奧。	未去,臣去,則楚蜀秦晉
及奏事,将百旦林玉郎庸等攀下	差百月林玉鄧庸等奏事,輒	諸國不難去矣。寧王無
囚緊,籍楚新雄、令其誣王遣反,	被囚繫,籍楚殺鍊,令诬王造	罪,比又削其 謹衡, 聲諸
此何禮也!	反。	人身,手足曾去,孤身登
齊尙會又誣親王擅自操練軍馬,	宝擅自操練軍士,造作軍器,	能全活乎? 伏望陛下廊
造作軍器,必有他國。齊向晉明知	必有他圖。齊泰等明知皇明	日月之至明. 變臣之愚
島明和斯兵衛二條: 「凡王教練	超期兵衞內二條:「凡王教練	城,而思宗社之大計,断
草士,一月十次,或七八次,五六	軍士,一月十次,或七八次,五	然不磨,去此姦思,斯國
次,其降事有警,或王有閒暇,则	六大,若臨事有警,或王有閒	家宗社之幸,天下生夏
避數不拘」。又云:「凡王入初,	啊,则避然不拘」。又云:[凡	之中,非獨臣之幸也。干

Wind I during

其端传文武官員、馬步旗軍不拘 [王入朝、基隋侍文武官員、馬] 動目,若王恐供給繁重,悶兩從行 者聽。其軍上儀衞旗幟甲仗務要丨 鮮明整肅,以壯臣民之觀。」於洪 ; 武二十五年春,父皇太祖高皇帝「肅,以壯臣民之觀。想惟太 特部諸王赴京賜敕,內一件云: 「常歲訓将練兵,驗視周迥 封疆」 險易,造作軍器,務要精堅堪用, 庶使為邪難以目舌惑衆。| 敕後 | · 小八八十五年正月二十一] 且早朝後午時分,朕於东天門命士 翰林修撰練子寧許爾編修吳信三 兵執筆聽命,朕口占以成,以示後] 人、以辨崑僞,孫允炆與目之後發。 行,故敕。」臣想太祖皇帝以诸子 出守藩屏,使其常霞操練兵馬,造 作軍器,為欲防邊禦且以保社稷。 使帝業萬世間也, 豈有他心哉!

步**旗軍不拘數**目,若王恐供 | 给繁重,斟酌從行者聽。其軍 上儀衞旗幟甲仗務要鮮明整 祖高皇帝以諸子出守藩屏, 使其常歲操練軍馬,造作軍 器,惟欲防邊禦寇,以保社 稷, 隆基業於萬貴, 豈有他 说!

案此文删去太祖特詔及敕 後書曰一段,太祖實錄中 亦無痕迹可慧, 疑止文為 爲撰者。

冒天威,不勝戰慄俟命 之至 謹書奏聞。

案此文义改稱惠帝為 「陛下」,自稱爲「臣」, 較短難記が順。又令 旨及姉難認所以指斥 惠帝及曲白衞 護 者, 既涉枝節,又甚滑稽, 故此文完全删去, 僅 族實際情形答辯,反 覺得慣。而惠帝所指 音之八大類狀:(一) 瀛充護衞官軍,(二) 無事操練軍馬,陰關 大位,(三)選用各衞 精銳兵士,(五)招致 異人術士,(六)發備 燕府四門,防朝廷見 侵,(七)宮殿僭侈,過 於各府,(八)縱子橫 慮等,逐盡吐其詳已。 又祖訓法 律 章 第 十 條: 「凡王國內除額 設諸職事外,並不許 延攬交結奔競伝巧知 謀之士,亦不許接受 上書陳言者,如有此

其奈姦臣奪尙書黃太卿左班文職 等官不遵祖法, 恋行姦宄, 操威福士 予奪之權,天下之人但知有齊泰一下之人但知有彼,不復知有 等,不知有陛下也。

其姦臣齊泰等不遵祖法,恣 行姦先,操威福予奪之權,天 朝廷也。

修朱忠指揮謝貴等來謀殺臣,臣「貴等來見,屠**戮爲性,今不得**! 爲保全(二字祕史無)性命,不「已而動兵,宋忠謝貴俱已就」 得已而動兵,擒獲反賊宋忠謝貴! 等了當,已行具本奏聞,拘留宋忠一到今不靈示論。

七月以來,詐傳聖旨,使令惡少都「七月以來, 許令惡少宋忠謝」 擒,已具本奏聞,茶候裁決,

謝貴等在官,飲俟降旨誅決,到今 不啻示验。

零此文改上文「擒獲反賊」 宋忠謝貴等」作「擒獲宋 忠謝貴等一,蓋歷時略久,」 持論漸平,途不再誣以叛 逆矣。

等之人, 王雖容之, 朝 廷必正之以法,然不 可使王黯疑。或有知 謀之士,獻於朝廷,勿 留」。意者惠帝責燕 招暴人術士,或摆擦 此律,惜不可考矣。

其奈齊尚醫及行婚詔令是與侯耿「齊泰等又矯詔令是與侯耿炳」 **炳交等領軍馬駐營雄縣真定,來 | 交等領軍駐雄縣真定,來攻 |** 攻臣北平,臣驾保全性命,不得已 而义行動兵,殺敗逆賊耿炳交等 所領軍馬,擒復駙馬本堅都督潘 忠常忠顧成都指揮到燧指揮楊松 等了當。

北平, 童爲保性命之故, 不得 已而又動兵, 敗炳女所領軍 馬,生擒駙馬李堅都餐潘忠 **常忠顧成都指揮劉燧指揮傷** 松等。

案上文作「殺敗逆賊耿炳 文等所領軍馬」。下文删去 「逆賊」等字。

父子」,太祖皇帝我之父也,骂 「賊父子」,是駕祖與叔為賊,豈「其罪當何如哉! 非大逆不道(黃臣齊尚會如此無。 理,其罪當何如意:

義臣齊尚書出榜令軍民罵「燕賊 姦臣齊秦揭榜毀罵,并指斥 太祖高皇帝,如此大逆不道,

> 案上文舉惠帝所駕之「燕 **賊父子**」,實亦指成 配仁 **宗及淡趙二王等,下交改** 為「指斥太觀高皇帝」,則 得體多矣。

不意十月初六日,又透詔令曹國「曹國公李景隆等總領天下軍 公李景隆领天下軍馬, 來攻臣北 平城、(越史作「又矮詔令曹國公」殺敗之,李聚隆夜遁而去。 李景陸總兵,今天下應有軍馬來

馬,來攻北平,躬率精銳,盡

政北平城,欲殺臣」。) 臣不免親 **神精兵,**遊行殺敗,李景陵等夜遞 而去。

若是如此,齊向會等必欲殺我父|若此所爲,姦臣齊泰等,必欲 皇子孫,慶我父皇基槃,愈在為盡 無餘,將以圖天下也。(祕史作「將 有以潤天下」) 此答逆賊,臣必不 與之共戰天,不與父皇報得此仇,一戰天,不報此謎,從死不已。 臣維死亦不已也。

数我父皇子孫,應我父皇基 業, 意在落滅無餘, 將以圖天 下也。此等逆賊,義不與之共

今臣昧死上奏皇帝隆下,憐太胤 | 今昧死上奏,伏望憫念父皇 高皇帝起布衣,耆萬死,不顧一「太亂高皇帝起布衣,奮萬死」 生,艱難創業,分封諸子,一个陛下一不願一生,艱難創業,分封諸 聽姦臣之言,父皇實天,未及期一子,未及期年,誅滅殆盡,俯 年,將(以上九字據祕史補)父| 皇諸子,誅滅殆盡,伏望陛下俯賜 仁慧,留我父皇一二親子,以奉組 宗香火,至幸至幸。

盟仁慈,留我父皇一二親子, 以永麗宗香火,至幸至幸。

臣以陛下屬發軍馬,來攻北平,必一不然,必欲見殺,則我數十萬 欲殺臣,臣爲保全性命,率數(數 之表,皆必死之人,離云:「一 字祕史無)十萬之衆,俱是捨死「人辨命,干失莫當」,縱有數 忘生之人,報我父皇平日恩養厚「百萬之衆,亦無如之何矣。賴 德,保我父皇子孫,盡力效忠於今一至上帝好生之心, 勿關無罪 日。古谚云:「一人拚命,千夫莫 | 之人,死於白刃之下,恩莫大 當」,機陛下有來數百萬,亦無如 之何也。伏驾陛下體上帝好生之 心,莫题無罪之人,死於白刃之 下,其里莫大也。

也。

發臣軍前究間的實,即行差官管 押赴京,具本奏闡,伏望聖明裁 處。如果不赞姦臣齊泰等,臣必不 休也。若臣兵抵京,亦地千里。臣 冒渡天威,無任激切恐懼之至。臣 棣稽首百拜,昧死謹具聞。(以上 八十字祕史無)

案靖難記於令旨所載者已大加删潤,惟文義之間, 尚相差不遠,僅去其極端可笑之處而已。(四連提要以結難記不載成祖檄文,指為文飾,實則檄文與上書內答略同,並錄反而重覆,故未足為病也。)至實錄所載者,與靖難記及令旨則完全不侔,實餘[纂修凡例]載:

太宗皇帝奉天靖難事……仍載本年月之下。

詔書悉錄全文,敕書、御製文錄其關事體之重,有特敕諭臣下撫 遠人及卹刑寬貸之類,悉錄。

令比較三書之文字、內容,相差如是,果熟為原作,又何**當悉錄其全文或** 節鈔其要語耶!

又太宗實錄自卷一至卷九,名「奉天靖難事蹟」,原就靖難記削改 而成者,而兩書內容亦比彼互異,如靖難記壹,洪武三十二年(建文元年) 六月, 記朱能等勸成祖起兵,成祖不應,曰:

「今雖削吾母, 猶或可白, 若等勿輕發言, 恐出而招嗣, 是自取族 爾」。能等復泣曰: 「誰不愛其死, 臣等寧死於殿下之前, 不忍死 於奴隸拷掠刀鋸之下。」言訖, 悲不能止。

實錄略同,惟於此下綴云:

上執(張)玉等手曰,「保無他虞」!復慰遺之。

成祖舊意與兵,準備已早(詳後),今乃委為臣下之意,其為虛偽造作,已不待論,惟實錄據靖難記文,復著此數語,則文情搖曳,成祖之存心忠厚,可婉曲傳出矣。靖難記同年七月癸酉,又载朱能諫語,直斥惠帝:

臨難貴於果決,臣等雖不敢逃難,終當圖全,殿下雖曰叔姓至親, 嫌疑交搆,可以情白。然禍機竊發,一落殼中,恐無自全。獨不見 周王乎? 戮辱困苦,下同匹夫,前事之失,後事之惡。不如且以兵 自救,幸而不亡,冀其改悟,猶或可解。若徒交手受戮,後雖悔之, 無及也。

實錄則改為指責其左右:

臨難貴於果決,殿下但曰叔姪至親,周王豈是疏遠之屬? 况今日 嗣機發於權姦,豈由朝廷。權姦忍於害殿下,而殿下不忍。豺虎蛇 虺,傷人不已,亦必圖去之之術,豈甘心委身以飼之哉!

實錄所以委過於齊黃諸人者,正為「靖難」伏筆,蓋必如是,始與成祖 誅討姦臣之旨相符合。又靖難記同月丁亥,成祖渝將吏軍民文,亦指斥 惠帝:

> 諸王實無罪,橫遭其難,未及期年,隻夷五王。我遣人奏事,執以 捶楚,備極五刑,鍛鍊繁獄。任用惡少,調天下軍官四集見殺,予 畏誅戮,欲救禍圖存,不得不起兵禦難,誓執姦雄,以報我皇考之 諡。夫幼冲行亂無厭。淫虐無度,慢瀆鬼神,矯誣傲狠,越禮不經,

肆行罔極, 靡有修底, 上天震怒, 用致其罰, 災譴屢至, 無所省畏, 惟爾有秦, 克恭予命, 以綏定大難, 載清朝廷, 永固基圖。我皇考聖靈在天, 監觀於茲, 以惟爾有衆是佑。爾惟不一乃心, 鹽慢乃志, 亦是底於厥咎, 陷於拏戮。竊聞之, 仁者不以安危易節, 義者不以禍福易心, 勇者不以死亡易志, 爾有衆明聽予言, 則無後難。若彼有悛心, 悔禍是圖, 予有無窮之休, 爾亦同有其慶矣。告予有衆, 其體予至傳。

實錄亦大加修改:(實錄緊此事在丁丑)

「諸王小過,便見削奪,未及期年,削奪五王,湘王被迫,園宮自焚,我守藩以來,一心敬慎,奉法守分,不敢違越,比用讒邪之言,無故觚見疑忌,昨遺人奏事,執付獄吏,備極楚毒,迫其招認反謀,飾無為有,必欲加害,天地宗廟神靈在上,爾曹衆耳目在下,吾果有此心乎?已聞調天下軍馬四集,吾父子一家之命,危在朝暮,死不足恤,但傷身蹈善行而名被大惡,所不甘於心。況此皆姦臣所為,非出朝廷之意,吾將躬詣闕下自白。且聞姦臣之謀,謂令宗藩所可忌者惟吾一人,去之,則其他如折朽,不足慮矣。其導少主所為,率皆反道背德,流連荒亡之事,天變不畏,祖法不守,人怨不恤,駸駸不已,天下幾何其不亂,國家幾何其不亡。昔我皇考起布衣,提三尺劍,東征西討,南攻北伐,萬死一生,百戰勞苦,以肅清天下,肇造帝業,立綱陳紀,以傳萬世,豈堪一旦爲賊臣敗壞之哉。劃訓云:新天子正位,如朝無正臣,內有姦惡,則親王訓兵

待命,天子密韶諸王統領鎮兵討平之。予己上書陳情,請誅姦臣, 今少主為姦臣所蔽,恐不見答,則惟應以爾等往清君側之惡,扶 國家於旣壞,安宗社於垂亡,恭朝闕廷,謁拜陵寢,然後退守舊 藩,庶幾以明忠孝之心。」於是將士咸叩頭言曰:「殿下此舉誠 天理人心之正,上天與祖宗必皆佑助,臣等皆素受 太祖厚恩,今 日之事,有進無退。」

洪武間分封過侈,諸王驕蹇,故惠帝有削藩之舉,靖難記謂「諸王實無 罪,橫遭其難」者,自使人不能信故修實錄時改為「諸王小過、便見削 奪」,則略近情理。至靖難記之痛詆惠帝頗易致人反感,故實錄删去,僅 謂其聽信讒言,成祖無法自白,不得不遵奉祖訓以清君側,兩相比照, 其前後之是非曲直固相去甚遠也。又靖難記同月戊子,載成祖上惠帝 書,具陳見逼之故,(此書實錄與蛙雖記不同)後云:

上以書葉示羣臣,羣臣見者咸曰:「辭旨懇切,必能感動,蚤得休兵息士,誠為至願。」上曰:「孝弟人心所同之理,有人心者視予之言,豈得不惻愴於懷也。陳導曉切,冀其開悟,彼能感動,在轉移之間耳。然予度之,彼忍心如此,又況日邇小人,聞見昧於大道,必欲是其狠毒,縱有百口哀訴,亦難回也,卿等試觀之。」

實錄則改為:

上以會養示羣臣,羣臣見者咸曰:「鮮旨怨切,必能威動,蚤得休 兵,被爲至願。」上曰:「孝弟者人心所同,苟有仁心,一視斯言, 豈得不威動,彼能威動在轉移之間耳。」朱能曰:「彼忍心如此, 恐未能轉移,如不轉移,兵可已乎?」上曰:「天祐國家,則兵禍 不作,」張王曰:「天祐國家,則姦人必獲。」

<u>靖難記以成祖度惠帝不聽諍諫,實錐則改為成祖信惠帝可採納,而以朱</u>能懷疑,張玉憤激反襯之,蓋由此以見成祖之忠悃及部下之逼迫也。

根據以上比較,似可得一概念:即靖難記較當時實檄已有改易,實 數復襲靖難記文又粉飾之,於是舉凡軍中倉卒援據之可笑詞意,一概不 見,同時於詆毀惠帝過甚之處,亦加删除,(除前舉例外,又如改「賊兵」為「數 兵」,改「允」為「建文君」,改「幼冲」為「少主」等。)由兇妄而卑遜,皆所以 明成祖起兵之合理也。

又成祖舉兵,既偽謂淸除君側,於是方黃諸人不得不目爲姦佞。故 實錄改靖難記,雖語多和緩,然以方孝儒之守正不阿,對之仍無恕辭。後 人論史,何多於此致疑,甚有以實錄記孝孺叩頭乞哀,非出楊士奇筆者。 (見拿山堂別樂或堂史乘考談)檢明史叁佰捌陳瑛傳,記其治惠帝諸臣獄:

……後瑛閱方孝儒等獄詞,遂海觀(王)叔英等家,給配其妻女, 疏族外親,莫不連染,胡閏之獄,所籍故百家,號寃聲徹天,兩列 御史皆掩泣,瑛亦色慘,謂人曰:「不以叛逆處此輩,則吾等為 無名。」於是忠臣無遺種矣。

所謂「不以叛逆處此輩,則吾等為無名」,可謂一語破的, 故實錄修正 華雜記,,而獨於孝孺之事無所更改,不足異也。

仁宗撰長陵功德碑, 述成祖起兵之經過,亦極委婉,其文曰: (碑後書:「洪熙元年四月十七日小子嗣皇帝高敬護述」,時文成碑未立,宣德十年十月始選碑。)

懿文太子薨,術者喜燕地有天子氣,建文君嗣位,左右以**三**氣 之言『淮削奪之計、時諸王多以罪削、於是姦臣造涇临許言、皇 考(成亂)青過之書數下,王府羣臣惴慄,皇考太之曰:「省己不 愆,奚卹外言哉!」凡上章自白, 姦臣皆匿不奏, 而布置 黨於 北平三司 叫調八府兵國王城,護衞羣臣言:「事急矣,事當俛伏 作機上肉平?!既而兵增三师。衆然出關,皇考不能止也。圍城兵 稍卻,皇考泣曰:「汝輩成吾罪矣!」猶上章自白。冀朝廷之開悟 也,又爲姦臣所格,不以,而京師數十萬兵奄以城下,於是皇考督 天曰:「臣不敢負朝廷」,遂以謹衞將士朝京師,且面陳姦臣之 **\$\$** \$\mathbb{\mathbb 降。皇考標而順遣之,多願侍衞,不去。旣臨大江,江師具舟迎濟, 守臣親王中待,皇考慮驚乘輿,駐金川門,遣人奉章言所以不得 已來朝之故,姦臣一黃。知罪不宥,閉皇城門不內,而脅建文君自 焚,皇考聞之大驚。發衆馳救,至已不及,皇考仰天慟哭曰:「臣 之來也。固將情君側之惡、用寧邦家、何不寤耶? | 涂備天子禮飲 葬,釋親王 囚執姦臣。數其罪,斬於市,告謝祖宗、將北歸,諸王 及文武羣臣合辭上請:「今國家無主,願留以主宗社臣民。」皇 考固讓弗獲, 既乃即大位, 凡建文姦臣所削諸王封爵, 而變亂洪 武制度,所廢黜洪武臣僚,其非罪者咸[[之]]

此言成祖受惠帝兵士侵逼,所部激憤反抗,而上章自理,又不能達,後率 兵辭誣,適惠帝焚死,乃被雕即帝位,工改蜟難兵與由主助變主動,與 實錄同,惟實錄撰著時代雖較碑文雅晚,然因從靖難記脫胎,仍有洗煉不盡處,不如此碑之曲折婉約也。而持與當時預布之文件,如燕王令旨金陵圍城射諭親王公主曹及旣位詔姦臣榜等相參校,則知成祖態度,固極兇悖。惟帝之逐君自立,亦自揆理屈,故撰靖難記時已不盡據當日發布之原文,而仁宗撰碑,宣宗修史,更曲為彌縫,官書迭經修改,雖不足據為信史,然就其累次改易痕迹,可以考見其所以改易之原因,此本章討論之第一點也。

官會之更改愈繁,則史事之失其彌遠、然亦有因政治上之升沉變遷,後出之史轉可透露一部分真相者。考成祖次子漢王高煦以猛鷙聞,其贄襄軍事殊有大功,具載嶄難記,後因叛變,實錄中遂皆削去,而於其在建文間之過惡,則不為隱諱矣。如改靖難記上惠帝睿為:

其八,謂臣第二子高煦過涿州,擅笞驛官,此實臣失於教訓,然 笞一驛官,遂指為臣不軌之迹,冤濫之過,何以服天下後世,此姦 臣之枉臣也。(宜宗實錄宣德元年八月壬戌紀太經薨,高煦奔补京師,「任情恋 縱,仁宗慶戒之,不悛,男氏魏國公徐輝服亦以為智,不納,一日入輝祖屬中,奪其善 屬,不告亦不醉徑歸,輝祖迫之已渡江矣。高煦還至賦州,與小太學驛而換聲,州以 聞於朝,吳部命會齊泰等爰以其事并緣飾他事為吳鳴」。可與此參歷。)

又改致李景隆書為:(見建文三年二月癸亥,此文典最謹記異。)

權姦所指予罪凡八, ……其一謂第二子<u>高煦擅答驛</u>吏,固是過 矣,而遂指為父之不軌,其可以服人乎! 以上兩段固非當時原文,然高煦歸途殺人,則由官書之中具實招供,應 王父子之跋扈驕蹇,可想見矣。

又端難記叁,洪武三十四年七月戊戌記方孝孺行間事:

方孝孺曰,「今河北之兵未解,德州餉道已絕,三軍乏食,有星散之勢,甚可憂也。前者佯言息兵,用牽制之,諸將發機太早,致使乖迕,蓋用計佈不能成功,今為間書,潛違人廣與世子,使內生嫌疑,必移師北歸,則德州餉道不阻,徐為進取,可以成功。」允炆喜其言,命方孝孺為書,遺錦衣衛千戶張安等為間,齋至北亭,太子見書怒曰:「治天下以孝為先,孝者天地之常經,人心之所不泯,今幼君滅天理,喪彝倫,變更祖法,信任姦邪,戕害骨肉,敗壞基業,躬為不孝,而導人為之可乎?天地神明在上,豈可欺也。」遂囚張安,命餞副袁煥馳報軍前,上曰:「大公至正之道不行,此姦邪悖逆之謀,豈能久長乎?悔鷊解兵在旋轉之間,何用勞心至此極耶!」

實錄則改爲孝孺所以施離間之策者,因高煦高燧皆媒孽仁宗:

方孝孺言於朝曰:「今河北師老無功,而德州餉道又絕,事勢可 憂,向以罷兵之說誘之,既不能行,則當別用--策,安可坐視, 臣有一策。」建文君曰:「試言之。」對曰:「燕世子孝謹仁厚, 得國人之心,燕王最愛重之,而其弟高煦狡譎,素忌其寵,屢讒 之於父,不信,今但用計雕間其世子,彼既疑世子,則必趣歸北 平,都吾德州之餉道通矣。餉道通即兵氣振,可圖進取也。」建 文書曰:「何以知其父子兄弟之悉?」孝儒曰:「臣之徒有林嘉 (秋書, 桃王等召至府中, 居久。故得之悉。」建立君曰:「此策阅 善, 但父子鍾愛既深, 恐未能聞之。」孝儒曰:「可行。」遂令孝 儒草書胎世子, 令背父歸朝, 許以燕下之位, 而令錦衣衛千戶張 安節詣世子。世子得書不啓封, 并安遣八送軍前, 時中官黃盛姦 險, 素為世子所惡, 而高邃深結之為己地, 及安持書至, 儼已先 造人馳報上曰:「朝廷與世子已通密謀。」上不信, 高煦時侍上, 亦贊儼言非謬, 上亦不信, 語意, 世子所遣人以書及張安皆至, 上 覺書嘆曰:「甚矣姦人之險詐, 吾父子至親愛, 猶見離間, 况君臣 哉!

又仁宗實錄序:

時二郡王高煦數出從太宗皇帝,三郡王高蹇留佐居守,宦寺黃儼以高燧之幼而鍾愛也,為媒孽奪嫡之計,將為已利,使其黨往來飾譽高燧而短帝,又謂帝將為朝廷固守北平以拒父也,太宗皇帝以問高煦曰:「爾兄素孝,那當有此?」高煦曰:「兄誠孝,但在太祖時果與太孫善也。」太宗不答。會朝廷用方孝孺之策,遣使持書授帝為離間,帝得之不啓臧,即遣人斷書並械其使詣軍前白之,而儼已先遣人馳報太宗曰:「世子與中朝通謀,使者持書至矣。」言未旣,帝所遣亦至,太宗簽書覽之,嘆曰:「吾父子至愛,尚見讒間,矧君臣間而姦臣不吾毀乎?」

案<u>高煦謂仁宗在洪武時與長孫善,是惠帝</u>所以實**書離**間(令首父歸朝,許

以王位。)亦因髮與有雅故。靖難記載太子見書怒,是已閱悉其內容,太宗仁宗實錄謂並未啓封即送呈成祖,則為仁宗迴護。然因暴露高煦高隆等進讒,可以反映燕父子兄弟之間並非和諧一致,此本章討論之第二點也。

第三章 惠帝史事之傳說

成祖戮辱建文功臣,已招社會反威。又因惠帝並無失德, 兩結局懷 懷,亦足令人同情。故在政府宣播惠帝荒淫之頃,民間反盛傳其美傷,此 種稱頃,且愈後愈多也。祝允明野記述建文盛事曰:

聞之故老言,洪武紀年庚辰(即建文二年)前後,人間道不拾遺。 有見遺鈔於途,拾起一視,恐汙踐,更置階圮高潔地, 直不取也。 又顧起元客座贅語壹「革除」條亦記:

父老嘗言,建文四年之中,值太祖朝紀法修明之後,朝廷又一切以信大行之,治 化幾等於三代。一時士大夫崇尚禮義,百姓樂利而重犯法。家給人足,外戶不闔。有得遺鈔於地,置屋檐而去 者。及燕師至日,哭聲農天,而諸臣或死或遁,幾空朝署。蓋自古不幸失國之君,未有得臣民之心若此者矣。

案尤明正嘉間人,起元萬曆時人,所述頗可反映其時民間父老對於惠帝之態度。檢王紳上吏部書(香墨觀以爲數塞義者),謂建文間,「位過於器而魏於位者有之,至於職小於才而才浮於職者何限,亦有才品相丁,而所任非其所長,所職非其所事者」。(見職志實集)是帝之政績,非無可議,特以遜國故事過於動人,後世稱揚,遂理想化耳。明乎此,則後來野史所以層出不窮,幾擬惠帝為神聖者,可以思解其故矣。

野史之傳說雖不可信,而其發展之歷程,則頗可研究,茲略揭數例,俾

便說明。(此事可參看胡適之先生建文運圖傳說的漢葉)官書謂燕王奉藩守法,為 太祖所鍾愛,而惠帝深忌之。野史所傳者則反是。說聽云(韓建文朝野雲 劉引):

……遂立建文,諸王皆會入殿門,燕王徑前拍建文背曰:「吾兒,不想汝有今日。」上坐殿中遙見之,大聲曰:「如何打我皇孫!」建文叩頭言:「四叔愛臣,戲相拊耳。」上曰:「汝尙為之諱耶?」命拘宮中,禁魄食,七日無恙,上怒亦解,乃釋之。(建文遠隨謂燕王失愛君親,太祖恆欲廢之,賴廷臣源吳,因過幽別苑,令宮中不許進於食,高后私飲食之,始吳於雖。與此可合者。)

由此可見燕王之驕恣無禮,為太祖所深惡,而惠帝則曲為巡護彌縫之,與官書所記者迥異矣。

太宗實錄永樂十六年正月己巳楊砥傳記:

建文時,遺李景隆等攻圍北平城,砥上言:「帝堯之德,始於親九族,**今當務**惇睦,不宜加兵,自翦其附枝,附枝點而根本蹶矣。」為齊黃輩所忌,斥罷之。(久請參賓錄洪武三十五年十月癸丑條。)

砥當時是否如此諍勸不可知,惟其言與靖難記等書之毀惠帝刻薄寡恩 者相暗合,似可視作官方之言論也。野史所傳故事,與此恰相反,美氏秘 史式,建文元年二月記:

戶部侍郎<u>卓敬</u>上書 時燕王來朝,敬密奏曰:「燕王智慮絕人, 酷類先帝,夫北平者強幹之地,金元所由與也,宜徒燕封南昌, 以絕禍萌。夫萌而未動者幾也,量時而為者勢也,勢非至剛莫能 斷,幾非至明莫能察。」上(惠帝)覽奏大驚,袖而入,明日語敬 曰:「燕王曾內至親,卿何得及此?」敬曰:「楊廣之於隋文,非 父子耶!」上默然良久曰:「卿体矣!」事竟寢。

<u>燕王來朝</u>,本無其事(見下辨證),則<u>卓敬</u>之密言,自亦虛構。惟如照<u>秘史</u>所 **遠**,則是臣下有識<u>燕</u>將爲亂,而<u>声帝</u>曲容之,其度**量恢弘,爲何如耶**!

树膝錄壹帝紀, 載惠帝監燕王上記,欲罷兵:

建文三年五月, 熊王遣武勝上書, 其略曰: 「臣之忠誠, 計薛岩歸, 必能詳達, 前詔旨如此, 今日姦臣矯制如彼, 外情洶洶, 不敢不聞。」上覽書, 謂侍臣曰: 「燕王本皇考孝康皇帝弟, 於朕為权父, 奈何必用兵為也?」詔罷兵。羣臣以為不可, 縛勝下獄。

由此亦可見惠帝之器量。遊難記及實錄雖智記此事,惟彼此不同,靖難 記謂「允炆見書頗威動」,其注重之點,在暗示成祖所言之有埋。至實錄 所改者,雖與掛膝錄略近,惟謂建文君曰:「其(燕王) 詞直,奈何?」 又謂「今日無辜罪之,吾他日不見宗廟神靈乎?」則仍係為成祖開脫, 與此文主旨和反也。

建文書法铤正編上, 載惠帝論立太子事:

攀臣請立太子, 詔曰:「有天下者公天下, 朕功未報於先王, 澤未加於百姓, 而急於立嗣, 嗣必以子, 是重朕不德也, 其勿言!」又請曰:「立嗣必子, 所由來久矣, 早慰天下望, 幸甚。」詔曰:「堯舜夏禹皆黃帝之後, 更相授受, 本出一家, 其事可萬世通行者。朕

諸叔濟濟多賢,實養德以陪,朕諸母弟,具有掉德。克襄理道。**愿** 數年之後,幸而神人和為。於於諸叔諸弟中,擇其出類者**嗣位,應** 於官天下之中,不失家天下之意,著寫例。世世守之。]

是惠帝擇賢而傳,甚或可舉位以授成祖。方之成祖偽造六祖有立己意, (見壁難記及太祖實錄)以為觊觎神器張本者,相去絕殊!此外如官書評惠 帝毒害君親,野史則極譽其純孝 成祖譯張靖難戰功,野史則謂燕王身 先士卒、不過恃帝不殺叔父之令而已(見第四章)。類此之事不勝舉,要皆 迂曲矣實,針鋒相對,以快適人意。凡此皆關於惠帝任位時之傳說也。

關於惠帝之出亡,雖有胡漢尋訪、河洽繁獄及鄭和蹤跡諸傳說,然智模糊影響,並非確證,至多不過謂有此可能而已。故世傳革除專書,如正德間姜清撰秘史,雖甚同情惠帝,然敍事迄宮中起火而止,謂後來史事不可知也。迨嘉靖時鄭曉撰建文遜國記始鑿實指為出逃,若黃佐之革除遺事節本,其成書時代蓋在秘史之後、及遜國記之前,故卷一革除君紀旣謂:

文廟入京師, 相傳建文君已崩。

又謂:

或曰:建文君之生也,頂顱頗偏,高帝知其必不終,嘗厄以髡福之具,戒之曰:「必嬰大難,乃發此。」至是遂為僧以逃去。又曰:建文 当幼颖能為詩,高皇帝使賦新月,曰:「誰將玉指甲,點破碧天痕,影落江湖上,蛟龍不敢吞。」帝曰:「必免於難。」後果如其言。正統末,自漢南歸京師禁中,以壽終。嘗風時云:「影

落江湖四十秋, 蕭蕭華髮已盈頭, 乾坤有恨家何在, 江漢無情水 自流, 長樂宮中雲影散, 朝元閒上雨聲愁, 新浦細柳年年綠, 野 老吞聲哭未休。」士庶至今能道之。

此記惠帝下落,兩存其說,界乎祕史謂為焚死,遜國記謂為出亡者之間。 而由此可以考見此傳說之演變程序: 即從已焚死,至或焚死或出亡,至 絕對出亡也。又革除遺事僅載惠帝七律詩一首,《王鏊霞澤紀開所載者亦僅此 一首,蓋早年傳說如是。》後來野史更添作兩首: 《朱華尊以為係點單元故臣惟庚申 看之作,「天命潜移四海心」句,不似出帝口。》

> 風塵一日忽南侵。天命潛移四海心,鳳返丹山紅日遠,龍歸滄海 碧雲深,紫微有象星還拱,玉漏無擊水自沈,遙想禁城今夜月,六 宮猶望翠華臨。

> 閱罷楞嚴磐懶敲, 笑看黃屋寄團瓢, 南來瘴嶺千層週, 北望天門 萬里遙, 款段久忘飛鳳輦, 袈裟新換袞龍袍, 百官此日知何處, 唯 有攀烏早晚朝。

王世貞謂兩詩不及前一首之悲切自然,恐好事者所附會。實則惠帝出亡,本無可考,前詩又何以證其必可信?而更後之野史,累載其詩詞至數十首,且有從亡諸臣程濟等奉和之作,其為偽造,更不待論矣。

張芹建文忠節錄黃佐革除遺事節本均不載惠帝從亡諸臣, **殖是此** 傳說之原貌。楊循吉則謂從之出走者有一御史:

建文之逸也,一御史隨之,君臣俱祝髮爲僧,建文居山中不出,御史時出應付,又不通佛經,止誦周易而已。得觀施,質米麥以供

建文,後御史病死。或謂御史即雪菴和尚,非也,姜時川曾言其姓,惜乎失記。建文無從得食,故不得已而出。(據建文朝野業獨別。)

此亦早年之傳說,據此,至少惠帝之重要從臣,不過一御史,故御史稅死,無從得食,不得不投供。且此御史,已失其姓名,即姜時川所知者,亦不過其姓而已。而忠賢奇秘錄則謂從亡之臣有二十餘人,中有九人知其姓氏,遜國臣記陸梁田玉傳記奇秘錄之發見經過云:

松楊人王韶遊治平寺,觀轉藏,聞藏上嚄嚄有擊,異之,令人緣藏登絕頂,無所見,見書一卷,載建文時出亡臣僚二十餘人事, 紙毀泡,字多斷爛不可讀。讀數日,稍稍詮錄其可識者,得田玉郭良梁中節梁良用宋和郭節何洲梁良玉何申凡九人,人僅數言,韶憐其忠,又得之異,各實數語,題曰忠賢奇祕錄。(明史董肆叁牛景先傳明王韶於治平寺得書,賴豐鄭等和其事為忠賢奇祕錄,傳於世。)

奇秘錄之出世蓋在嘉靖初,曉撰遜國臣記卷六盡收載之。此審是否為 王韶或鄭僖所偽造不可知,惟審中載確實可考之臣共九人,視循吉所言 者已加多。而後出偽史、如從亡隨筆致身錄之類,則又有附益。(從亡鹽筆 戰從亡之臣共二十一人,致身錄載二十人,所舉人名亦彼此互異。)又奇祕錄記九人事, 人僅數語,至拊膝錄等書,則又輾轉增飾。(附膝緣託名玉海子對咻攤,刊於墨 驗問,其傳揚之時代蓋甚晚。)於是前此所不能詳者,後人盡詳之矣。遜國臣記 於九人傳後,復有雪菴和尚、河西傭、川中補鍋匠、馮翁及東湖樵夫 傳。五人者,皆不知其真實姓名,鄭氏論曰: 余聞之陶徵士言。齊二客魯剛生史並失其名,操行之難。而姓名 翳然,撫卷長嘆,不能已已。全國幸夫雪菴諸君子忍垢而至,卒 晦其名。以不滅其族也。

又云(見 國臣記位黃彦 事):

病難兵入京之夕,鄭御史給舍四十餘人相與縋城遁去。■啊,御史以聞,文皇不問。己而深山窮谷中,往往有傭版自活,禪寂自居,如所謂雪菴和尚者,其志蓋可悲云。

此為諸人所以隱姓埋名之故,後人因無從考知。迨州膝錄則確指雪蹇和尚為吳舉成,河西傭為王之臣,川中補鍋匠為董直,碼緣為鴻淮,東湖樵夫為夏王志。而從亡隨筆又以雪菴和尚為郭節,歸居置王之臣,東湖樵夫為牛景先。曹參芳遜國正氣事以壽鍋匠為黃直,黃士良司國神會錄謂為黃真。(董皆由董直郡為漢) 內事所記雖彼此歧異,然百餘年來沈蓮不明之人物,至是亦即然昭断。又後出野史,於惠帝出亡之歷年行蹤,接對人物,至屬福,自首供狀,以迄服用袈裟等(契集今衛保存於是明是數官節),皆各有記載。要之,時代意晚,則鑿求急實。和檢念細,而與史實之相去亦愈遠矣。又惠帝於重兵權注誅捕之下,往來於西南浙江等地,若無事者,間遇困厄,亦必巧為香脫。昔人會執此以疑其出亡此必偽,固是確國。然野史所以故作此說者,尚有同情惠帝、取悅人心之意義在,情節時等與否,非所蒙計。否則僅爲取信於人,又打實不可另行構設耶!凡此皆關於惠帝出亡之傳說也。

惠帝二子:太子文奎,燕兵入京後,不知所終,蓋為成祖所誅。次子文圭,生二歲即此幽禁,天順間赦出,已五十七歲矣。此外更無他子。惟民間以同情惠帝之故,則望其有後。建文朝野彙編記:

弘治間,台州府人終恭學古行優,晚年赴京上六事,其首配紹嗣,請封建庶人後為王,事整文太子配。通政司官見恭奏疏,爲曰:「蠻子何自速死!」繫恭兵馬司號。劾上,詔勿罪,恭釋回原

案文主垂老出獄,其有無子嗣不可知,惟繆恭之情封文主之三王,以 延懿文惠帝之緒者,則確可為民間願望之代表。後來野史於建文子嗣特 多異說者,即由此種心理出量也。太子文奎本已死於亂兵中,而邵遠平 建文帝後紀謂廖平昌走黔中,撫養於會長官家,冒姓會,則是又叫雌 無恙矣。又以成祖帝位語由篡奪而得,民間因希繼承之者仍屬惠帝子 孫,所造故事,更為雖奇,如傳信錄載:

我朝宣宗章皇帝乃建文君之子也。建文君城即南遁,宣宗時方二三歲,蓋天命所在,幸而存焉。太宗文皇帝既有天下,一日惟宫,內有一老媼,蓋乳養宣宗者,密令屬前並伏求食於太宗,宣宗上挽太宗之衣而號曰:「孩兒餓矣!」太宗曰:「汝在帝王家。寧有飢餓之哩,第我今所居之位,乃汝父之物。汝尚幼,且寧耐,吾終須還了汝耳。」言已泣散行。自後屬侍太宗如遇孫,又墨馬北京,遂以爲皇太孫國國。……然太宗既以宣宗爲太孫,未屬明言此爲建文之子,而宣宗年幼失所恃,亦不自知其身所自出,自後

而英宗憲宗而孝宗以至於今上(世宗),亦皆不自知其為建文君之孫也。

案吾學編同姓諸王傳叁建文少子傳亦記其牽衣哭泣事,而爲存疑之辭 曰:

不知此建文君第幾子,抑卽太子少子也。或曰:牽衣哭者,成祖育諸宫中,未詳。

此雖未作肯定之解,而於宣宗之來歷,仍置疑問。蓋是項傳說,流播已久,故以鄭書之持論審慎,亦不覺為所惑也。實則成祖破金陵時,太孫尚在北平,且生已四歲,二者絕不至誤混,此不過世俗傳說以快人意而已。(此事王世貞王世思朱麗等曹辨之。又鄭曉今曹:「圖朝小戰曹數十種中,亦有漢傳不足信者,惟野錄中一事極可惡,獻陵(仁宗)洪武十一年生於鳳陽,長陵入金川門時,獻陵守北平,年已二十五,景陵(宣宗)建文元年二月生於北平,獻陵得子最早,二十九歲,已有六人,凡十子,成祖爱景陵,時時稱太孫英武類我,景陵擒漢庶人,認有誣枉先帝,爰及朕躬謂,好事者為野緣,遂妄言耳。」野緣所記者當亦類此,以未見原書,無從深考,站附載其略於此。)

月山叢談云:

或又謂建文出走,自閩入廣, 止於賀縣, 婺娣而生孝穆, 尋又他徙。

孝穆紀太后為孝宗生母,本賀縣土官之女,成化中征蠻,俘入掖庭者, 自與惠帝無涉。惟據上引傳說,是有以紀后為惠帝之女,亦即孝宗為惠 帝外孫者矣。

張怡諛聞續筆壹,記李自成之倡亂云:

賊好以術籠人,小民無知為所愚,旣下太原,檄州郡云:「予祖建 文帝之孽子也,避難易姓,今天命復集,還予故物,土地百姓,我 之土地百姓也,文武諸臣,我之臣子也,各安職業,無得疑畏。」 人雖知為偽,猶以為取名近正,愈東從之。

又同書肆記:

甲申(崇補十七年)秋,西曹袁公定之兄,染疫幾殆,昏睢中,覺身在 庭下、得風甚爽、漸乘之而上天。天半、見麥衣披髮跣面而號者、 心知為先帝也,尾其後,至一所,曰:「高帝行宫。」帝入,哭訴甚 哀,高帝據案微笑曰:「當問建文耳。」出行許時,見一殿,則建 文宫也。甫入,建文大怒,手劍擬之。帝奔出,因風飄揚,至太上行 宫,老子在焉。帝哭訴如前,曰:「是不難,予令一人往。」乃召 宣聖, 宣聖至,執禮頗恭。語以故, 宣聖難之。老子笑曰:「必欲 予往耶?」遂入。某立階下,時殿左別--小殿中,設巨案,堆册籍 甚多,介而持戈者守焉。某鹅進拜問,曰:「是蘇松常刦籍耳。」 請得閱其鄉松江之籍,諸介而戈者不可,有一人曰:「無傷,」因 取示之,見己無名,而所識及親戚列名者名,未及卒視,輒奪去。 某因請曰: 「揚州已經殺戮矣,」曰:「未也。」「留都若何?」 曰:「明歲當有變、所傷頗少耳。」「四鎮無恙乎?」曰:「屍居 耳。」「然則奈何?」曰:「眞人起於江淮之間,二十年後,當自 知之。」俄聞傳呼聲,遂鶩寤,病亦愈。後言多驗,然今已踰二十

二年來,又不驗何也?(案系認証人起事,可以反映明遺民對遺之態度。)此事李映碧(遺) 曾記之,子採入雜記中,不甚詳,<u>松江</u>一士與臺君至成,其述之如此。

李清所記者見三坑 筆記附誌 補遺:(此文所記之時間及其他細節頗有與上文異者,不具辦。)

松江袁子衿燦若,丁丑喜進士定弟,先闖逆陷京師二年,夢至一所,見歷代諸創業君會議,燦若問何議?曰:「議革命。」彷彿可識者,漢明兩高帝而已。有頃,一人如帝者狀,披髮伏地,嗚嗚 愬枉,则高帝語之曰:「此事非吾所能主,當往問建文皇帝。」 燦若夢中驚疑,問一人曰:「代明者李自成否?」其人曰:「卻又不是。」燦若蓋先二年言之,非附會也。

據此,李周倡亂,台僞謂惠帝後,時人夢病,亦有以崇顧失國為惠帝復 讎者,其荒誕無稽不足論,然可見民間同情,至崇顧季世,猶普遍也。

姚瑩且帽紀行陸「建文帝為呼圖克圖」條:

審人相傳察木多之大呼圖克圖為明建文帝轉世。雖無稽,足見當時天下憐建文,異城亦久而不忘也。 咸成一絕云:「異代與亡殘骨肉,千年遺憾託浮雲,長陵抔土空神武,西域人猶愛建文。」 又今之大理「民家」亦有以惠帝為鼻祖者,是帝之後裔,不僅仍襲皇位,抑且繁衍遷區,凡此皆關於惠帝身後之傳說也。

惠帝功臣並爲成祖所屠戮,其家族親故之遭株累者,厥狀尤慘。史 載胡唱赤族,親舊並謫,鄱陽軍册(見建文朝野葉編引)詳載其戚友姓名,

而慨謂:

以上充軍一百一十四名,隨行親屬長解戶長當千人,萬里路資當 萬金,則又擾及一縣,清審勾解又擾,至今二百年,陳瑛流毒之遠 如此。永樂九年,陳瑛亦沒產,亦獄死,天道好還,分毫不爽。 案此實可代表一般公論,後來野史所以故作相反之傳說者,卽導源於 此。三垣筆記補遺載:

崇祯初,吾邑子衿袁靖遇禪僧毒鼓於某山下,指天象語曰:「天 造齊黃體下界,不久將亂矣。」靖曰:「此皆建文故忠,証告忠今 亂者?」毒鼓曰:「彼積憤怨已久,一朝下降,不為巨寇,必為叛 臣,皆所不辭耳。」至甲申之變乃驗。

案此與前界支烧若事須合看,蓋前以闖王作亂為惠帝復仇,此則以其他流寇即齊泰黃子澄輩化身。又方孝孺死,罪坐十族,鐵鉉之誅,汗及妻女,而世傳讀 早種一合相莽書生諸劇,則並為冤脫或報復之,女仙外史續英烈傳等小說,更使功臣子孫各躡顯宦,皆所以平羣情而贬人望也。

其與惠帝傳說成相反之發展者,即成祖事蹟愈演愈壞。此碰記載, 大都為反對官書而發,本章及第四章所引已多,不再臚舉。建文遺蹟蒙 古源流女仙外史等書至誣成祖為蒙元遺子,革除永樂年號,楡木川之 崩,甚有指為猛獸所噬、劍仙所殛者,蓋深惡之已。

關於靖難功臣之傳說,亦約略同此。時<u>姚廣孝</u>參贊帷幄,功最高,而 受社會之鄙棄亦最甚,都穆談篡記:

人物魁梧雄偉,信豪傑哉!聞諸其徒之老者曰:廣孝故元臣也,元 末削髮為僧於蘇之承天寺。其兄碧峯長老戒行甚高,洪武中,徽 天下高僧以輔諸王,廣孝有用世之志,將應韶,碧峯苦勸止之, 不從。既而佐成祖靖難,遷都北京,碧峯思之,往訪焉。既見。 厲聲訶責,廣孝事之甚恭謹。或有以其語聞於上者,怒欲罪之,以 廣孝在,未發。乃敕廣孝公差於外,始御鞠之,具實對,無懼容。上 曰:「汝號碧峯,必煮不爛者」。曰「然」。命以飯蒸之,經一日 夕無傷也,乃下之獄。……余又見上海人士談囚謂余曰:「碧峯 北行時,戒其徒曰,明年某月某日,吾有大難,汝等當於佛前圍 坐,各持楊枝水洒地,誦大悲咒三日夜,則可免矣,愼勿忘也。其 徒如戒,果應蒸時云。」

此事之荒唐無稽不足辯,若必假碧華長老以斥責廣孝,則亦上述故事之性質。(出使四洋記以碧華長老為護國禪部,則又此傳武之相反記載。)女仙外史記廣孝出巡,歷受民衆唾辱,官吏刑扑,最後復為一不知名之和尚所擊斃,亦以此意。又外史於其他功臣降將,並加以詆辱,且不使善終,則又此旨之擴大化也。

綜貫以上所述:惠帝故事,以本身之悽哀,故其傳布社會,亦深入人心。此物語途由簡單變複雜,由模糊變清晰,由歷受壓迫,變為迭次報復。時歷二百餘年,流寇巨會李自成猶假此以爲倡亂口號,明遺民李清張怡等復深信國變之故爲惠帝復仇。迄今邊區荒遠,尚有自託爲惠帝後裔者。而凡盡節諸人之子孫,並得保全榮顯。反之、成祖及其臣僚則畫

遺誘辱,傳說雖與史實無關,然可以考見其發展演變之方式,且可見民間之正義與同情,亦有其不可磨滅者也。

第四章 史事考證

由上所述,官書之諱飾既如彼,野史之無稽又如此,自皆非史事之 真相,今欲探討當日史實,必須於官灣與野史之外別擬假設,而於其他 史傳文集及官書之不經意記載中搜尋旁證,則其真實性庶略可論定也? 依據以上標準,若干史事可以試證。

(一)太祖之死

燕王令旨奉天靖難記等書並懷疑太祖之死,令旨甚且指明索取侍 病宮人、長隨內官及太醫等(見第二章引文) 而太祖實錄則記太祖之死 為暴薨:

洪武三十一年閏五月乙酉,上崩於西宫。上素少疾,及疾作日, 臨朝決事,不倦如平時。

案令旨等書誣謂不得善終,其事顯不可信,故修太祖實錄時盡去之,惟 以為暴薨,實亦影射其病況不明。凡此皆官書之記載,而為成祖與兵之 重要藉口也。

野史記惠帝孝於父祖, 適與今旨靖難記及太宗實錄等書所記者相 反, 如趙士喆建文年譜壹, 洪武二十五年四月丙子條:

> 皇太子薨。……時皇長孫年十六,侍太子病,曲壺苦心,及薨,働 哭哀慕,事事如禮,水漿不入口者五日,太祖撫之曰:「毀不滅 性,禮也,爾誠純孝,獨不念我乎?! 始一啜糜粥。欲服喪三年。

太祖不可,然三年內笑未嘗露齒,不飲酒食肉,不舉樂,不御內 人 或勸之,則曰:「服可例除,情須自致」。

又洪武三十一年閏五月乙酉:

上(太祖) 崩於西宮。……皇太孫治喪禮,披髮哭踊,哀動左右。敕 有司喪儀悉遵周禮,前朝後殿各設座如生存,凡十一所。京官四 品以上,朝服執鉞,立於諸陛,自初十以至十六,哭臨如禮,畫不 飲勺水,夜不就枕簟,羣臣百姓於大明門外望見其深墨之色,哭 泣之哀,莫不舉手加額曰:「天子純孝」,喁喁然有至德之思焉。 又同月辛卯:

部行三年喪禮,有司奏曰:「陛下欲行三年之喪,但郊廟宗社不可久虚,朝貢訟獄不可暫廢,願少抑至情,俯徇衆請。」上曰: 「朕非敢效古人亮閣不言也,郊社宗廟,朕將執紼而行事,朝貢 訟獄,罔敢不親,但朝則麻冕麻裳, 退則齊衰杖經、食則鹽粥,有 何不可。不然,食稻衣錦,爾輩與以為安乎。」羣臣奏曰:「陛下 既不廢政事而自致哀情,敢不惟命。」遂定儀法以谁。

此以惠帝爲至孝守禮之主,蓋皆針對官書而發者。

个案惠帝純孝未必如野史所傳之甚,然絕不至於審害君親。至侍病之宮人,太監及醫官等,如非受惠帝指使,自更不敢謀弑太祖。故成祖上書時所持之理由,在後修太宗實錄中,概加删除,蓋亦自覺理屈也。惟其所以故造此說者,亦非全無憑藉,明文衡肆裝蓋綸跋戴元禮仁義卷記太祖病亟罪諸器:

洪武三十一年夏五月,太祖高皇帝疾大漸,二十四日庚午,量出御右順門,召太醫院諸臣,責其治疾無狀,敕付獄正其罪,復進御醫臣戴元禮至楊前,慰勉曰:「汝有仁義,勿與汝事,愼勿恐。」臣元禮頓首而退,帝卽還內,後十有六日途崩。

又朱國楨湧幢小品式伍「御樂醫」條,記惠帝卽位,亦誅懲診病之無 狀者:

戴元禮國朝之聖醫也,太祖臨崩,召至褟前,曰:「汝仁義人也,事無預汝,勿恐。」太孫即位,誅諸治疾無狀者,拜元禮院使,諸王奔喪,《案明會與載太祖遣韶禁諸王奔喪,此言奔喪者,蓋由吳雖師起,惠帝召遼王答入京之訛。)太孫道太祖語,哭問狀,勞之,遼王題「仁義」字大輔,肅慶二王為贊詠以賜。

董文撰於建文問,時尚未接入成祖文致之解,其言太祖病况宜可信。由上所述,太祖於五月下旬即已病亟,迨六月初十始薨,實錄暴卒之說,自不可信。惟太祖病後,諸醫或誤投樂劑,或診治不痊,故太祖及惠帝皆懲處御醫之無狀也。尋明初類此之事已數行不鮮,毛奇齡形史拾遺記載:「洪武十五年八月,(馬)后疾,羣臣清於屬,后曰:生死命也,於醫问益,且醫一不效,或致數醫,是重過也。」又明史貳玖玖戴思恭傳:「晉王疾,思恭療之愈,已復發,即卒。太祖怒,逮治王府諸醫,思恭從容進曰:臣前奉命視王疾,啓王曰:即今愈,但毒在膏肓,恐復作不可療也,今果然矣。諸醫由是免死。」是明初遇諸醫甚嚴,太祖及惠帝之懲治御醫,意亦類此,豈成祖職此之故,遂經太祖為被私執?

(二)燕王入朝

或祖指斥惠帝矯命止諸王奔喪,野史則謂燕王實已入朝。今案成祖以父死未獲臨葬為與兵藉口,朱鷺建文書法假十六義「書止諸王臨葬」條:「謹釁始也,建文亡國二大端:削親藩、更祖制而已。而止臨葬實始費。」又前編「燕王入臨未至還」條:「難端見矣,遠韶先之也。父死不得奔喪,其何以令敕符勒歸,重猜貳耳,曷益乎?若詔書未至,而文皇先來,弗可止也,其不奉詔,亦弗可止。」所論甚歸,然則此事雖小,而影響甚大也。

欲判此獄之是非,姑先錄兩造訟詞,再細析其內容,復援以左證,而 後其眞相如何,庶無所遁。

官書載成祖未及奔喪者,有燕王上書:

古今天下,自天子至於庶人,焉有父死而不報子知者? 焉有父死而不得奔喪者也?何故父皇賓天一月,穩發詔令親王天下百姓知之?則我親子與庶人同也,禮乎非禮乎?

又靖難記壹,洪武三十二年七月丁亥,成祖渝將吏軍民曰:

皇考太祖高皇帝初未省何疾,不令諸子知之。至於昇遐,又不令諸子奔喪。

7

同書三十一年閏五月乙酉:

太祖升遐,是夜即飲,七日而葬,踰月始訃告諸王,止不得奔喪。上 聞計,哀毀幾絕,日南向痛哭。先是太祖疾,遣中使召上還京,至 淮安, 允炆與齊秦等謀,矯詔令上歸國,太禮不之知,至是病革, 問左右曰:「第四子來未?」無敢應者,凡三問,言不及他,踰時遂崩,允炆矯遺詔嗣位。

又太祖實錄是日記:

上崩於西宮。上素少疾,及疾作日,臨朝決事,不倦如平時,漸劇,乃焚香祝天曰:「壽年久近,國阼短長,子孫賢否,惟簡在帝心,為生民福。」即遺中使持符召今上還京,至淮安,用事者矯詔卻還,上不之知也。疾亟,問左右曰:「第四子來未?」言不及他。

又太宗實錄記:

太祖不豫, 遗中官召上, 已至<u>淮安</u>, 太孫與齊秦等謀, 祚令人齋 敕符令上歸國, 及太祖大衛, 問左右: 「<u>燕王來未</u>?」凡三問, 無 敢對者。

婚難記謂高帝問燕王是否來京,言不及他,不特暗示太祖欲傳位燕王, 且以示太祖之死,並無遺詔,蓋必如是始能與下文「允炆矯遺詔嗣位」 之語相呼應也。太祖太宗實錄語氣皆較靖難記和緩,惟太宗實錄削去 「言不及他」句,頗失原文用意,太祖實錄雖未削此句,而下文復錄太 祖遺命,亦吳原意逕庭。至所謂焚香祝天之語,明係為後來靖難作伏筆 (數句亦鈔自境難配),其為偽造更不待言,凡此雖可考其歷來改削之迹,然 於止諸王奔喪一點,則迄無異辭也。

野史所载者與此恰相反,如建文遜國記:

建文元年二月,王來朝,行皇道入,登陛不拜,監察御史曾鳳韶劾王不敬,戶部侍郎卓敬上書論劾,皆不報。

遜國臣記伍會鳳詔傳:

建文初,為監察御史。會藩王入觐,馳皇道入,且不拜。鳳韶侍班,言「殿上宜展君臣之禮,宫中乃敍叔姪之倫,由皇道不拜,大不敬。」建文君曰:「至親勿問」。

傳信錄:

高帝鼎成,建文即位,燕王來奔喪而不朝,謂己叔父行也,給事中金華襲泰奏曰:「象簡朝天,殿下行君臣之禮,龍衣拂地,宮中 敍叔姪之情。」

考明律無故在午門外御道直行者杖八十,在宮殿中御道直行者杖一百。 此特就一般官吏軍民言,若藩王直行,或亦無礙。所謂由皇道入不敬 者,蓋作者妄以草野之禁,施之藩王耳。茲復可注意者,遜國臣記與傳信 錄所載進奏之言,明係一事,惟前者以之屬曾鳳韶,而後者則謂為襲秦, 要皆以燕王曾入朝也。

此事前人已有疑之者,<u>即瑛七修類稿</u>柒國事「象簡龍衣聯」:(急 山爱別集史來考聽或與此略問。)

襲(秦)有一時啓沃之才,不知此乃宋祖與杜審言(遼)同宴福 寧宮,樂人史金著之辭,但少更之耳,彼云「前殿展君臣之禮, 虎節朝天,後宮伸骨肉之情,龍衣拂地」蓋杜乃宋祖母舅。

史金著對語見文瑩玉壺清話。 襲秦引用成語,雖有出自清話之可能,惟不足據以推斷燕王入朝爲必偽。況襲秦容或爲會鳳韶事傳聞之訛,而 鳳韶對語,固與金著異鮮耶!

其持論之較爲圓通者,有朱彝鈞(曝費亭集卷或上史館總裁第四費)王鴻 緒(明史稿史例鑑下)兩家,文長不具引,其要點如下: (一)朱氏以燕王聞 **訃朝京,淮安折返,為實錄史臣曲筆,王氏據淮安折返,因進而推斷** 無朝京之事。(二)兩氏皆以惠帝罪廢諸王, 燕盧禍及, 方稱病潛邸, 亦 絕不敢入京,自投羅網。(三)兩氏皆舉實錄靖難師駐龍潭,帝願望鍾山, 馆然下淚,諸將請曰:「禍難垂定,何以悲爲?」帝曰:「吾異日渡江,即 入京見吾親,比為姦惡所禍,不渡此江數年,今至此,吾親安在? 瞻仰孝 陵,是以悲爾。」以為燕王前此未嘗入朝之證。今案成祖朝京被參似僅 有兩次可能,一在太祖病亟之時,一在惠帝踐阼以後。惟成祖詭謂太 **租病亟召之者,蓋暗示欲立己為嗣,揆以太祖立嫡之義**(^{東第五章)}當知其 為偽,故朱氏以爲史臣曲筆,殊具特識,(惟以成祖為聞計入京,則誤解原意。) 而王氏據太祖太宗實錄矯詔卻還之說,雖亦可證明成祖之並未入朝,然 過信官書矣。至朱王兩氏皆據太宗實錄成祖駐師龍潭,不經意中流露 語(數年不渡此江),以證成祖在惠帝即位以後亦未入朝,則讀書頗爲得 間,又以惠帝削奪諸藩,成測戒愼恐懼,不特不敢倨傲無禮(行皇道不 拜),抑且不敢身臨危地,推測亦近情理,較前引郎英王世貞說。高朋多 矣。

考成祖之並未入朝,尚有其他確證。燕王上惠帝書:「父皇病已久,如何不令人來報,得見父皇一面,知何病,用何樂,盡人子之禮也。焉有父病而不令子知者?焉有為子而不知父病者?」是太祖病亟之時未召入京,足為磷難記實錄等書所載奉詔入朝之反證。又皇明祖訓法律章第

十三條:

凡朝廷新天子正位,諸王遣使奉表稱賀,謹守邊藩。

新天子即位之時,亦即舊天子甫薨之後,然則祖訓固禁諸王之哭臨。又 正德會典玖拾(萬曆食典玖隆)喪禮一載太祖遺詔:(此條朱王阿氏已曾及,為 便於歌明,故重引。)

諸王各於本國哭臨,不必赴京。

實錄諱遣詔不載,此文以出自會典,當可信,持與朋史臨安公主傳載梅 股答成祖「進香皇考有禁,不遵者為不孝」之言較,正可相互印證。是 太祖死後,亦無入朝之可能也。王鏊守溪長語載成祖入京,先謁陵而後 入朝:

楊文敏公榮建安人,為翰林編修,文皇兵初入城,迎見馬首,請先 認陵而後入朝,從之。既而召文敏謂:「非若言,幾誤事矣。」由 是寵遇日隆。

惟成祖朝京傳說,亦有其堅實之左證。姜氏祕史貳,建文元年二月燕王來朝條:

吉安志載御史曾鳳韶是日侍班,王由皇道入,登陛不拜,鳳韶劾

奏曰:「殿下宜展君臣之禮,宮中乃敍叔姪之情,燕王由皇道不拜,大不敬。」帝曰:「至親勿問。」又南京錦衣衞百戶潘暄貼黄 册內載校尉潘安二十三日欽撥隨侍燕王還北平任,坐以拏張昺 功陞職,據此則來朝明矣。

又七月五日,成祖舉兵反,殺北平布政使張昺等條:

今案<u>南京</u>錦衣衞貼黃册載校尉潘安拏(張)昺,<u>燕山右護衞</u>小旗 丁勝從龐來與殺彭二子,家賞紵絲二表裏,銀二十兩。

姜清正德間進士,所撰秘史博採故案文集,頗多珍聞,此引吉安府志猶 可謂是項傳說雖由來已久,未必可信,至書中兩引溫暄貼黃,當非偶然 錯訛,固為可信之直接史料也。(四應提要疑之,非是,)

以是間有調停兩說者,如潘極章國史考異謂潘安即實錄所云齊秦 矯韶令成祖歸國之人,惟潘氏誤以貼黃出自屠叔方建文朝野彙編,(屠 薦船時御史,其壽雜採各會而成,貼黃當鈔自越史。) 途減低其真實之價值,且前移 成祖朝京在洪武三十一年應太祖召命,如是,不特與秘史等書所載建文 元年二月之說相衝突,且誤陷於成祖僞造之詭計中(使繼皇位)。又有析 入朝一事為兩次者,如建文遜國之際月表及建文年譜等書是。兩書皆 以燕王至淮安折返在洪武三十一年閏五月,以行皇道不拜槃建文元年 二月,前者由誤信官書,可勿論矣,後者雖可解釋官書與貼黃之牴牾,然 無以解成祖之自投羅網,如朱王諸家所辨者,然則入朝一事果何從何 達耶?

檢閱鮮定宗李職實簽壹,元年(區文元年)三月記:

軍一人自遼東逃來,本國人也,屬東寧衛,以遼東役煩逃還。言 燕王欲祭太祖高皇帝,率師如京,新皇帝許令單騎入城,燕王乃 還,與師以盡逐君側之惡為名。

惠帝削藩,對燕初採包閉政策,遼兵為圍軍最主要之一枝。後燕兵南下,遼兵又數出進擾北平。意者其地軍隊調動甚頻,故東寧衞卒有「役煩」之苦。遼軍既迭次西征,東西往來之人當不少,故此朝鮮逃卒所傳之消息或甚正確。(就時間而論,亦可與越史符合。)據此,則燕王確擬入京,惟係藉口奔喪,而非應太祖召命,且非隻身獨往,而係擁帶重兵。然則朱王兩氏均以燕王時方韜晦,不敢身臨危地者,可以無慮。至惠帝阻其南來,並未止其奔喪,而係禁帶軍隊。惠帝令單騎入城,燕王距京諒不甚遠。然則貼黃欽撥錦衣衞卒隨返北平之說,亦可通解。成祖狡獪,豈以此遂謂應召朝京在太祖病時,中途折返,爲齊秦所阻?而野史同情惠帝,反誣成祖之倨傲數?燕王上書,辯其操練軍馬及造作軍器,而舉祖訓之言曰:「凡王入朝,其侍衞文武官員,馬步旗軍,不拘數目,若王恐供給繁重,斟酌從行者聽,」或亦影射此事乎?建文遺蹟云:

洪武三十年丁丑七月十二日,太祖高皇帝崩。(果太祖崩於洪武三十一年戊寅閏五月初十日。) 遺命燕王不許渡江進香,除朝廷大事,許令藩臣費表,毋得擅自離國。時諸王子皆赴京奔喪弔,痛泣,惟王於中途聞此而止。王大怒,欲令進舟,見江口設兵以守,遂不果。 道行進曰:「大王以至孝渡江,奈何有違治命,反為不孝也。厥殿下養成龍虎之威也,他日風雲城會,羽雲高舉,則大江只投鞭可斷

也,个日何得屑屑於此哉。」王深然其意,遂返國。

此會撰著之時代蓋甚晚,其年月乖舛尤不足置信,惟成祖旣戎兵奔喪,惠帝在江口設防,亦意中事,豈以此遂不得不折返歟?

(三)靖難戰役之推測

官書記端難戰事每多誇功之詞,惟如審慎去取,並與其他史料相參稽,亦可作一近實之推斷。愚意惠帝對燕初採包圍壓迫之策,後被成祖逐漸突破,兵敗潰散,遂一方面集中主力於要衢,一方面建樹聚堡於險地,而成祖則以灼知內部空虛之故,遂避重就輕,繞道深入,巡破南京矣。此事尋釋舊史,班班可考,茲臚引左證,說明如後。

(甲)包圍與突圍

靖難記臺,洪武三十二年三月:

尤炆以都督宋忠調沿邊各衞馬步官軍三萬屯開平,王府精壯悉 選調隸忠麾下,王府胡騎指揮關童等悉詔入京,調北平永清左 衞官軍於彰德,永清右衞官軍於順德,以都督徐凱練兵於臨清, 以都督耿瓛練兵於山海。張昺布置於外,謝貴窺伺於內,約期 俱發。

同書武,三十三年二月癸未致李景隆書:

謝貴張昺等吐露情實: …… 密用小勘合調天下軍馬, 不用大將軍印, 恐見驚動, 先欲起昺為北平布政, 悉奪太祖高皇帝所與菜園田地, 護衛官軍及人匠等戶, 盡為散遣, 故觸我怒, 我皆不問。 又遭謝貴為北平都指揮, 都督宋忠來北平以操練軍馬為由, 共 謀圖我,宋忠以無大將軍印信文書,擅調各都司人馬,黃子澄謝 貴等言曰:「先得燕王,便與王做。」以此人自爭功,擾亂北平。 是惠帝於燕兵未起之前,一方面命張昺謝貴居中策動,一方面在北平 外圍布置重兵,而宋忠之盡簡燕府護衞壯士北調,尤足以削減其軍力, 此當日之情勢也。

太祖遺詔云:「王國所在文武衙門官民軍士,今後一聽朝廷節制, 護衙官軍,王自處分。」然則在洪武三十一年閏五月以前,燕王之權限 原甚大,北平文武官民並聽其指壓,不僅護衞軍士受其處分而已。即 在此管治期間,成祖與當地之文武將吏,已密有勾結,故於惠帝之包圍 計劃,知之甚審。此事舊史雖未詳載,然根據以下諸例,倘可推知也。明 史壹肆武張吳傳:

建文初,廷臣議削燕,更置守臣,乃以昺為北平布政使,(謝)貴為都指揮使,並受密命。時燕王稱疾,久不出,二人知其必有變,乃部署在城七衞及屯田軍士列九門防守,將執王,昺庫吏李友直預知其謀,密以告王,王遂得為備。

同書臺肆陸張信傳:

惠帝初即位,大臣薦信謀勇,調北平都司,受密詔,令與張昺謝 貴謀燕王,信憂懼不知所為,母怪問之,信以告,母大鷲曰:「不 可,汝父每言王氣在燕,汝無妄舉,滅家族。」成祖稱病,信三 造燕邸,辭不見。信固請,入拜牀下,密以情輸成祖。成祖懷然起 立,召諸將定計,起奪九門。成祖入京師,論功比諸戰將。進都督 食事, <u>封隆平侯</u>, 祿千石, 與世伯券, 成祖德信甚, 呼為「恩 張」。

双云:

有唐雲者,燕山中護衞指揮也,不知所自起,成祖既殺張昺謝貴等,將士循據九門,閉甕城,陳戈戟內向,張玉等夜襲之,已克其八,惟西直門不下,成祖令雲解甲,騎馬導從如平時,諭守者曰:「天子已聽王自制一方,汝等急退,後者戮。」雲於指揮中年最長,素信謹,將士以爲不欺,遂散。時衆心未附,雲告以天意所嚮,衆乃定。

案李友直為北平布政使張昺庫吏,而昺與都指揮使謝貴交密,故友直得債悉其軍事行動,盛告成祖,是在布政使司方面已有燕府間課。張信時為都指揮僉事,是在指揮使司方面亦有成祖內姦。守禦西直門者為在城七衛及屯田軍士,初屬成祖調遣,唐雲為燕山中護衛指揮,乃燕之基本部將,宜與諸軍相習,故以謹厚長者資格可片言折服也。黃子澄云:「諸王雖有護衞之兵,僅足自守,朝廷軍衞大牙相制,若有事,以天下之重兵臨之,蔑不破矣。」(見獎難記) 豊意政府之兵亦有倒戈相向者乎!

至其他文臣亦有通款成祖者,明史壹伍拾湯宗傳(叁百捌陳英傳司。):
建文時,上變言:「按察使陳英受燕邸金錢,有異謀。」詔建英安置廣西。(太宗寅錄洪武三十五年七月癸未:「召削北平按察使陳英為都察院左副都御史。璞建文中坐藩邸事蕭廣西,故召用之」。又永樂六年十二月乙酉:「召

·······廣西祿州判官湯宗至,陸······大理寺右寺丞。或言宗在建文中警奏北平按察使 陳英受潛邸賞賜者,上曰:帝王惟才是使,豈常屑屑記憶舊娥,齊桓用管仲,唐太宗 用王魏,何嘗不得其力。竟擢甲之。」可與此參證。)

案<u>陳瑛為永樂</u>間酷吏,深得成祖龍信。據此,瑛歸附甚早,且因通<u>燕</u>之故,曾遭貶官,宜其獨蒙知賞也。又實錄洪武三十五年十二月乙丑:

陸池州銅陵縣典史張璉為通政。 <u>連初任北平按察副使,坐前藩</u> 邸事黜降,故召用之。

永樂元年四月壬子王禮傳:

避光州固始人, 洪武中, 由國子生擢北平按察司副使, 坐事降 邵武府通判。為副使時,雅為上所知,故即位後,即召用之。

揆以陳瑛之例,諸人宦<u>燕</u>之時,殆皆與成祖有關也。(越史等書記齊泰曹使 北平,燕王路泰,秦受歸,請以為兵費,則係未被收買例。)

惟以上諸人與成祖起兵尙無大關係,其直接影響於靖難之役者,有以下各例,楊榮郭資神道碑:

尚書郁新以才薦之,授前北平布政使司左參議,……不數月,陞 左布政使。……時太宗皇帝在藩邸,尤愛重之,公有所言,無不聽 納。及起義靖難,命公城守,撫輯兵民,供給糧餉,百費所需,未嘗 乏誤,嘗以漢蕭何擬之。

實錄永樂六年六月庚子許思温傳:

由國子生署刑部主事,累遷<u>北平按察副使</u>,上端內難,與有城守功。

明史壹伍壹呂震傳:

選北平按察司僉事,燕兵起,震降於成祖,命侍世子居守。(據明史 實伍壹郭黃傳,同時降者尚有左參政孫愈、按察司副使墨鸕等,皆命輔世子居守。) 郭登為文職中高級官吏,據楊榮撰碑,早已陰附成祖。至許思温呂震 孫瑜墨麟等亦皆當時之文官,歸降後,成祖不特不猜忌,且委以重任,蓋 其先亦或有勾結,是城中文職之通燕者已不少矣。

實錄永樂十八年九月乙酉賀銀傳:

銀台州臨海人,洪武中,……用薦陞宛平知縣。上起義靖難,銀 李縣僚吏給兵士獨餉。

又元年十月己未:

賞北京守城官,行部左侍郎李友直銀五十兩,鈔八百貫,綵幣八 表裏。刑曹淸吏司郎中艾麟、留守行後軍都督府都事齊孝智毋 群、固安縣丞熊慶源、順義縣丞邵智、新城縣丞劉淸各銀四兩, 鈔一百貫,綵幣四表裏,生絹二疋,綿布四疋,綿花五斤。戶曹淸 吏司主事曹本、大與縣主簿王壽各銀三兩,鈔一百貫,綵幣一表 裏,生絹一疋,綿布三匹,綿花四斤。

階人或官居北平,或官寬近地(如質銀熊逐逐等),既皆樂為助守,知其早已附燕。靖難兵起時,朱能等語成祖:「擒謝貴張昺,餘無能為」(見遠雖記),蓋燕先於北平及其附近文武諸臣,結納已深,故起事三日,城中大定,諸司官吏亦視事如故(見圖書),非因成祖之德澤深治,而舊往雲從也。

又宋忠雖悉簡<u>燕山護衛壮士</u>北調,諸人未必即衷心歸附,靖難記 壹,洪武三十二年七月癸未:

上率馬雲(實錄作馬樂)徐祥等馬步精銳八千,卷甲倍道而進。甲申,至懷來。先是,獲賊間諜,言宋忠誑北平將士云,舉家皆為上所殺,委屍填滿溝壑、宜為報讎。將士聞之,或信或否。上知之,乃以其家人為前鋒,用其舊日旗織,衆遙見旗幟,識其父兄子弟成在,遞相呼應擊,喜曰:「我家問無恙,是宋都督誑我也、幾為所誤。」遂倒戈來歸。宋忠餘衆倉皇列陣未成,上慶師波河,鼓躁直衝其陣,宋忠大敗。

所謂北平士卒,燕府護衞軍當佔絕大多數,此等軍士實歸獨成離,故宋 忠激勵作戰,不過以其家屬鼓屠為藉口,但當兵士知此設辟為虛妄之 時,遂全部倒戈,然則忠並未削減燕之戰關力量,適足以自亂陣線而 已。

復次,為成祖突破包圍問題。明史伍成祖紀:

洪武二十三年,同晉王討乃兒不花,晉王怯不敢進,王倍道越 迪都山,獲其全部而還,太祖大喜,是後屢帥諸將出征,並令節制 沿邊士馬,王威名大振。

年二月晉王既薨、北方沿邊將士更歸附成祖。

成亂以久鎮北藩及諸將歸附之故,於沿邊軍士,實以部屬目之,而當時包圍北平者,亦即此種軍隊之一部。故在成祖突圍之頃,諸軍相牽歸降,無須作戰。試舉例如下。靖難記壹,洪武三十三年七月甲戌:

通州衛指揮房勝等以城來歸。

實錄永樂四年十月丙午房勝傳:

陸府軍衞千戶,征納哈出,陸通州衞指揮僉事,屢效勞動。上起義,率所部從征,命仍守通州,敵數攻圍州城,勝且守且戰,城賴以全。

又靖難記洪武三十三年七月丙子:

遵化衞指揮蔣玉、密雲衞指揮鄭亨各以城來歸。

實錄永樂十八年十一月乙丑張禮傳:

洪武中, 陞遵化衞千戶,從上平內難。

賀欽醫閭集肆韓斌墓誌銘:

公姓韓氏,諱斌,字廷用,其先山後與州人,祖諱福原,洪武間,占尺籍密雲衞,至考諱春,從太宗文皇帝征討,陞東勝右衞指揮使。

明史壹缶伍劉榮傳:

又會肆陸鄭亨傳:

父用,洪武時積功為大與左衞副千戶, 詣老, 亨圖戰。……遷密雲 衞指揮僉事。燕師起, 以所部降。

實錄永樂十六年四月甲辰:

命故<u>遼東</u>都指揮同知<u>蔡斌子智襲指揮。初斌以懷來守禦千戶從</u> 上征討。

明史壹肆陸徐忠傳:

襲父稱為河南衞副千戶,累從大軍北征,多所俘獲,進濟陽衞指揮僉事。<u>洪武</u>末,鎮<u>開平,燕兵破居庸懷來,忠以開平降</u>,從 徇灤河,與陳旭拉其城。

實錄永樂二十一年三月庚寅郭亮傳:

亮合肥縣人,父聚函寧衛百戶,亮襲職,調天策衞,征大寧及 哈刺莽來有功,陞水平衞千戶。上起義之初,亮率衆來歸,命仍 守永平。

又宣宗實錄宣德元年正月丙辰趙彝傳:

<u>彝泗州虹縣人</u>,始由虎賁右衛百戶調<u>燕山右衛,從類國公征沙</u> 漠,築城<u>宣城高全懷安</u>,陸<u>永平衛指揮</u>僉事,從太宗皇帝靖內 難。

又八年十二月甲寅吳成傳:

初為永平衞總旗,太宗皇帝靖內難,成率衆內附,投百戶。 據則史惠帝紀,燕以建文元年七月初五日癸酉起兵,通州遵化密雲相 機降,初八日丙子陷<u>蓟州</u>,十一日己卯陷居庸關,十六日甲申陷<u>传來</u>, 永平降。成祖紀謂「故居庸關,破懷來,取密霆,克遊化,二旬,衆至數萬」。實則自起事之初,迄郭亮之降,前後不過十三日耳,使非與沿邊 諸將先有默契,何遽神速如此! 親上舉迎降者之多,及既降以後,復使統 兵不疑,則箇中消息不難參透矣。

時沿邊諸將降附,對於戰事尤有決定性之影響者, 厥為大寧士卒, 明史壹壹柒寧王權傳:

大寧在喜峯口外, 古會州地, 東連遼左, 西接宜府, 為巨鎮。帶 以八萬, 草車六千,所屬杂顏三衞騎兵皆驍勇善戰。權數白語王 出塞, 以善謀稱。燕王初起兵, 與諸將議曰:「雖余巡塞上, 見大 寧諸軍懷悍, 吾得大事, 斷遼東, 取邊騎助戰, 大事濟矣。」建 文元年, 朝議恐權與燕合, 使人召權, 權不至, 坐削三謎衞。其 年九月, 江陰侯吳高攻永平, 燕王往牧, 高退, 燕王遂自劉家 口間道趨大事, 詭言窮促來求救, 權邀燕王單騎入城, 執手大働, 具言不得已起兵故, 求代草表謝罪。居數日, 款治不為備, 北平銳 卒伏城外, 吏士稍稍入城, 陰結三衞部長及諸戍卒。燕王辭去, 權祖之郊, 伏兵起, 擁權行。三衞骥騎及諸戍卒一呼畢集, 守將朱 鑑不能禦, 戰及, 王府妃妾世子皆隨入松亭關, 歸北平, 大寧城 為荃。

 驅房寬傳則以鑑之戰殁,由房寬引降。考鄭氏所記者是,(燕王檢告天下文:「特軍馬到大寧,兵臨共城,余論以太觀皇帝思養德厚,都指揮房寬領軍馬出城來降,所以遊賦朱鑑卜萬凌遲處死了當。」是其證。) 明史壹肆伍房寬傳記:

洪武中,以濟寧左衞指揮從徐達經兵北平,遂為北平都指揮同知,移守大寧。寬在邊久,凡山川阸塞,殊城情偽,莫不畢知,然不能撫士卒。燕兵奄至,城中縳寬以降,成祖釋之,俾領其衆。 戰白溝河,將右軍,失利。從克廣昌彰德,進都督僉事。以舊臣略 其過,封思恩信。

寬旣歷任北平都指揮同知,又守邊甚久,與燕當不無過從,是時因已先 附成祖,故引軍歸降,陷朱鑑於死地。成祖以此深信不疑,俾仍領其衆, 後封為「思恩候」,或亦與此有關也。不然,以成祖之練達武事,豈肯使 一不能撫士之降將,仍為統帥乎?又諮書記大寧降將事甚多,茲擇舉數 則以為例,黃淮介庵集陸劉旭墓碑:

蘇州黃崖口人。……洪武甲子(十七年),從父以聚籍編成大寧左衛,多病而子幼,苦於騙迫,公請曰:「兒年方壯,可任勞役,毋貽叔父憂。」途詣有司請代之。旣至大寧,長兵者見公英偉有膽氣,選補隊長。辛未(二十四年),以較閱武藝優等,委署管軍百戶事,後改屬營州左護衛。己卯(建文元年),伏遇太宗皇帝與師靖難,自大寧率部下士詣軍門,請自效。

實錄永樂六年二月甲辰徐理傳:

積官至永清左衞指揮僉事,調營州中護衞,上舉兵濟難,初下大

寧,埋詣軍門見。

八年三月丁亥陳旭傳:

洪武中,以武功積官至<u>會州衞指揮同知,上初學義,</u>旭舉全城來 歸,從上征討。

明史陳亨傳:

洪武二年,守大同,積功至燕山左衞指揮食事,數從出塞,遷北 平都指揮使。及惠帝即位,擢都督僉事。燕師起,亨與劉與卜萬 守大寧,移兵出松亭關,駐沙河,謀攻遵化,燕兵至,退保關。 當是時,李景隆帥五十萬衆將攻北平,北平勢弱,而大寧行都 司所屬與州營州二十餘衞皆西北精銳,朱顏泰寧驅餘三衛元降 將所統番騎骥卒尤驍勇,卜萬將與景隆軍合,成祖懼,以計紹 亨因萬,遂從劉家口間道疾攻大寧,亨及劉與自松亭回教紹中 道聞大寧破,乃與指揮徐理陳文等謀降燕,夜二鼓,襲劉眞營, 與單騎走廣寧,字等帥衆降成祖,盡故諸軍及三衛卒,恢寧千以 歸。自是衝鋒陷陣多三衞兵,成祖取天下自克大寧始。

陳亨曾為燕山衞指揮僉事,又嘗出塞征胡,與燕之關係尤明顯。總之,燕 能所向必克,固由於成祖善謀與將士用命,而沿邊諸將歸附,亦為主 因。然則燕之起兵前後,其政治上之工作諒亦不少,情無可考矣。

次述成型之解除東方威脅。洪武實錄載太型死前會認遼東左軍都 督楊文及遼東都司並受燕王節制,(見法武三十一年五月戊午、乙亥维。) 顯疑 為修史之人所偽撰,惟遼東重鎮,舉足重輕,揆以成祖聯絡朝鮮例(見 第六章),對於當地諸府,未必不巧為牢籠,惜亦失考。後遼東不特未被收 買,且數數出師,進擾北平,茲節錄有關之史料,並加以說明如下。革除 遺事節本低耿炳文傳:

革除改元, 蜡墨兵起, 其年九月, 命<u>炳文</u>佩大將軍印, 自<u>遼東</u>率 衆二十萬援與定。

又楊榮孫巖神道碑:

永平馳報江陰侯吳高以遼東兵攻城急,王(此)從上(成祖)赴 援,高遁走,王追及之,多所殺獲。

明史壹肆陸郭亮傳:

時燕師初起,先略定旁郡邑,既克居庸懷來,山後諸州皆下,而永 平地接山海關,障隔遼東,既降,北平益無患。成祖遂南敗耿炳 文於真定。既而遼東鎮將江陰侯吳高都督楊文等圍永平, 虎拒 守甚固。拨師至,內外合擊,高退走。未幾,高中讒罷,楊文代將, 復奉衆來攻,亮及劉江合擊,大敗之。

同書劉榮傳:

楊文以遼東兵圍永平,江(樂初望父名,名江)往援,文引却。江聲 言還北平,行二十餘里,卷甲夜入永平。文聞江去,復來攻。江 突出掩擊,大敗之,斬首數千,禽指揮王雄等七十一人。

姜氏秘史伍建文四年三月:

遼東都指揮帥兵圍<u>薊州</u>,指揮李廣以城降,指揮孫通拒之。<u>北</u> 平都指揮陳賢以靖難兵來援,諸軍退,遂移師圍保定,不克。

又四月庚午:

遼東諸軍復圍保定,積四十日不克,引還。(實緣永樂十年六月甲戌孟善善傳:「……已而命守保定,敵兵(惠帝兵)數萬奄至城下,城中卒纔數千,儲帶空匱,外無擊緩,善固守,敵攻之急,善率土卒畫夜立陴間,與敵拒,左右矢石交下,了無懷色,晉以死守,敵不能攻,城賴以完。」又十三年正月戊申茲忠傳:「忠鳳陽人,洪武中為萬全左衛指揮使,上舉義之初,從克保定,燒損橋,與敵相持四十餘日,屢立奇功。」似皆指此。)

明史壹肆武鐵鉉傳:(參惠帝紀建文四年五月癸未條)

比燕兵漸逼,帝命遼東總兵官楊文將所部十萬與鉉合,絕燕後。 文師至直沽,為燕將宋貴等所敗,無一至濟南者。(原難記及實錄 略此事不載,惟實錄洪武三十五年十一月丁未: 陞彭城衞指揮使朱廣為山東都指揮 食事,羽林前衞指揮使栗義為山西都指揮食事,論其從隆平侯張信直沽之功也。」 疑即參此來戰功。)

<u>終史</u>載遼東前後進兵凡六次,遜國月表所載者僅四次,要於牽制方面不 為無功。至於後來所以失敗者,據靖難記貳,洪武三十二年十二月丁酉載 上語左右曰:「海東雖遠隔山海,常援永平,吳高雖怯,其行事差密,楊文鑑而無謀,我以一計去吳高,則楊文無足慮矣。用兵之道伐謀為上,此計得行,則坐制一方,無復東顧之憂矣。」乃造人以書諭二人,易其函,與楊文書達於吳高,甚毀辱之,與吳高書達於楊文,極稱其美,於是二人皆以聞,已而允炆果疑吳高,削其爵,左遷於廣西,楊文獨守遼東,由是人心疑貳,進退兩端,不敢數出矣。

案惠帝非愚閻之主,竊疑撤換<u>吳高</u>,或另有原因,太宗實錄洪武三十五 年七月丙戌,謂湘獻王妃爲吳高之女:

改諡故湘王曰獻, 妃吳氏曰獻妃。……建文中有告其府中陰事 者, 王懼, 闔宮自焚。王年二十有八, 妃江陰侯吳高之女。

考解器油獻王神道碑载:「妃吳氏,靖海侯禎之女。」而太祖實錄洪武十八年九月庚辰記:「册靖海侯吳忠女弟為湘王柏妃。」忠為禎子,則王妃實禎女也。高為禎兄良子,與妃為從兄弟,於誼甚親,湘王以建文元年四月涉嫌謀反,自焚死,妃實從之,高為妃外家,意亦在猜嫌之列,成祖於是年十二月行間,所致書或逕有牽連湘王之語,豈以此遂觸惠帝之疑忌歟?

又<u>燕</u>之通結北方<u>韃靼</u>,亦足以牽制遼軍,<u>靖難</u>記貳,<u>洪武三十三</u> 牟二 員丁未:

<u>韃靼國公趙脫列干、司徒趙灰鄰帖木兒、司徒劉哈刺帖木兒自</u> 沙漠率衆來歸,俱賜以爵賞。

同月癸丑:

胡寇來鈔邊,上以書諭<u>韓</u>靼可汗<u>坤帖木兒,並諭</u>瓦刺王猛哥帖木兒等,曉以嗣福。

同書叁,三十四年十一月辛亥:

韃靼可汗遣使來輸款。

案官書所載,例有隱諱,凡此<u>韃靼</u>歸附之紀事,實皆可以燕通北方異族 視之也。建文遜國記載:建文三年十一月,<u>韃靼通燕寇鐵嶺。此與靖難</u> 記台看,蓋可信。檢李芳遠實錄叁,二年(建文四年)三月己丑,載朝鮮賀 聖節使崔有慶啓曰:

無兵勢強,乘勝遠關,帝兵雖多,勢弱,戰則必敗,又有<u>韃靼</u>兵乘間侵略<u>燕</u>遼之間,中國騷然。

是成祖之利用韃靼,在使擾亂燕遼,則其入寇惠帝統轄下之鐵嶺,不亦甚合情理乎! 又大寧附燕之後,亦可障蔽北平,而遼以歲饑民困(見 芳遠實鉄),勢難大舉,故燕兵南下爭鋒,無後顧憂也。

茲復有應附論者,即太原晉王在當時之態度。以其在地理形勢上 亦能舉足重輕也。考晉王濟僖於建文間會入朝京師,周是修獨義集伍 怡樂堂詩文敍:

韓府長史胡養正氏世為江右禾川之名族……伯子養中,而養正 其仲也。……養正朝於高廟,以材能選,特權齊府長史,政尚寬 簡,中外傷之。今天子繼統之初,齊以不靖房,殲其懷邪,二三君 有都枚之風者,皆以召命還,而養正周旋到難之益居多,皇上嘉其忠,仍令授齊郡王經於奉天門之東閣,余時紀衡府善同事佔 畢鉛槧間者期月,洪武辛巳(建文三年) 冬,郡王以受封就第,養 正改今職,先年春,養中幸弟之能以忠節自白於斯時也,不遠千 里來京師,一見飮然,不啻魚水之相得,寢食是同者,無異丱角 時,靖江殿下聞而義之,賜書怡樂堂三字以顏其居,晉府來朝, 留西邸,閩靖江之說召見而甚悅之,復賜寶翰,俾置諸卷端,其 榮亦至矣。

以時日推計,晉王朝京,當在建文二年,時燕兵已起,聲勢方盛,惠帝 於晉,旣不猜忌廢黜,如對齊代,又不召置京師,如對遼寧,則是晉與政 府並無疑貳,而其此次朝京或逕與伐燕有關也。

惟時晉值王欄初薨,濟熺新嗣,沿邊軍士多改屬燕王統轄,(實緣 載太祖勅成祖:「秦晉已薨,汝實為是,讓外安內,非汝而誰。」雖不可信,然史載晉王薨後, 沿邊軍士歸其統轄,則意中事也。)其勢力自削減,而濟熺弟平陽王濟廣黨燕, 則史有明據,明史壹壹陸晉王傳記:

> 永樂初,帝以濟熺縱下,黜其長史龍潭,濟壤懼,欲上護衞,不許,弟平陽王濟廣幼很戾,失愛於父,及長,太祖召秦晉燕周四世子及庶子之長者教於京師,濟廣與燕王子高煦周王子有慟邪 說相比,不為太祖所愛,濟熺既嗣王,成祖封濟廣平陽王,濟 續追憾父,並憾濟堪不為解,嗾其弟慶成王濟炫等,日訴濟熺 過於朝,又誘府中官校,文致其罪,歷年不已。十二年,帝奪濟塲

假及子美圭皆為庶人,俾守恭王(棚)園。而立濟廣為晉王。濟 懷既立,益橫暴,至進毒私嫡母謝氏,逼燕恭王侍兒吉祥,幽濟 壞父子,蔬食不給,父兄故侍從宮人多為所害。……宜宗即位,濟 馈密遺人結高煦謀不軌,寧化王濟煥告變,比據高煦,又得濟 懺交通書,帝未之問也。而濟廣所遺使高煦人懼罪及,走京師首 實,內使劉信等數十人告濟廣懷取屯糧十萬餘石,欲應高煦,並 發其宮中詛咒事。濟煉亦至是始知嫡母被弑,馳奏,遺人察實, 召至京,示以所發姦逆狀,廢為庶人,幽風陽,同謀官屬及諸巫 悉論死,時宣德二年四月也。

是濟廣在太祖時即與燕王次子高煦黨比,故其後來之嗣立與被廢皆以高煦在朝政上之升沈為轉移,則史此段敍事孫取材於宣宗實錄,所指濟廣過惡皆高煦反後文致之詞,自不盡可信,惟濟嬉與濟廣既不相能,而濟廣與高煦交好,當靖難師起,高煦承龍有奪嗣勢,濟廣未必不掣晉之肘,或為燕道地,晉兵所以未即出紫荆、下井陘以擾燕後路者,容與此有關歟?

次述成祖之解除南面包圍,亦即燕之正面作戰是。此項戰事皆較 為激烈,舊史記述已詳,茲僅節取靖難記明史等書所載者,略加詮次,便 可見其梗概。明史壹肆伍張玉傳:

朝廷遺大兵討燕,都督徐凱軍河間,潘忠楊松軍鄭州,長與侯 耿炳文以三十萬秦軍眞定,玉進說曰:「潘楊勇而無謀,可襲而 俘也。」成組命玉將親兵為前鋒,抵樓桑,值中秋,南軍方宴會, 夜半疾馳,破雄縣,忠松皆來援,邀擊於月漾橋,生擒之,遂克 鄭州。

同卷譚淵傳:

破維縣,潘忠楊松自鄭州來援,淵帥壯士千餘人伏月漾橋水中, 人持菱草一束蒙頭,通鼻息,南軍已過,即出據橋,忠等戰敗趨 橋,不得渡,遂被禽。

同審壹叁拾耿炳文傳:

建文元年,燕王兵起,帝命炳文為大將軍,帥副將軍李堅審忠北伐,時年六十有五矣。兵號三十萬,至者惟十三萬,八月,次真定,分營滹沱河南北,都督徐凱軍河間,潘忠楊松駐鄭州,先鋒九千人駐雄縣,值中秋,不設滿,為燕王所襲,九千人皆死,忠等來援,過月漾橋,伏發水中,忠松俱被執不屈死,鄭州陷。而炳文部將張保者降燕,備告南軍虛實,燕王縱保歸,使張雄鄭敗狀,謂北軍且至,於是炳文移軍盡渡河,并力當敵,軍甫移,燕兵驟至,循城蹴擊,炳文軍不得成列,敗入城,爭門,門塞,蹈藉死者不可數計。燕兵遂圍城,炳文衆尚十萬,堅守不出,燕王知炳文老將未易下,越三日,解圍還。

又壹貳陸李景隆傳:

及燕兵起,長與侯<u>耿炳文討燕失利,齊秦黃子澄等共薦景隆</u>,乃 以<u>景隆代炳文爲大將軍,將兵五十萬北伐。……景隆貴公子</u>,不 知兵,惟自尊大,諸宿將多快快不為用,景隆馳至德州會兵,進 營河間,燕王聞之,喜語諸將曰:「李九江執綺少年耳,易奧 也。」遂命世子居守,戒勿出戰,而自引兵投永平,直趨大寧。景 隆聞之,進圍北平。都督瞿能攻張掖門,垂破,景隆忌能功,止之。 及燕師破大寧,還軍擊景隆,景隆屢大敗,奔德州,諸軍皆潰。 明年正月,燕王攻大同,景隆引軍出紫荆關往救,無功而還。帝 慮景隆權尚輕,遺中官齋願書賜黃鉞弓矢,專征伐。……四月,景 隆大誓師於德州,會武定侯郭英安陸侯吳傑等於真定,合軍六 十萬,進營白溝河,與燕軍連戰,復大敗,靈書斧鉞皆委棄,走德 州,復走濟南。斯役也,王師死者數十萬人,南軍途不支。

成祖採取戰略,殆為各箇擊破之策,白滿河之戰,官書間景隆軍死者數十萬,(填難配作「斬首十餘萬級,溺死者稱是,」實餘作「斬首數萬級,溺死者十餘萬,」 蓋蜻難記誇張過甚,故實錄略改之,要其總額仍不少。) 即史瞿能傳作萬餘人,然無 論如何,皆可謂之「殲滅戰,」蓋此皆惠帝之勁旅,必出全力始足破之, 非以前招降倖致者比也。靖難記記此次戰事:

(洪武三十三年四月乙未),上以數十騎馳入其陣,將士奮躍而從, 賊人馬辟易,我軍乘之,斬首無算。時已昏黑,彼此莫辨,轉戰不 已,賊發火器,時復閃爍有光,見其明甲,卽擊殺之。賊藏火器於 地,俗所謂之「一窠蜂」「揣馬舟」者,發無不中,(實驗剛此句) 著人馬皆穿,但耳邊有聲,如蜂鳴歘而過,(兩句實錄刪)我軍俱無 所傷。時深夜,各收軍還營,上親殿後,從惟三騎,迷營所在,上下

馬胡河水流以辨東西,知營在上流,遂渡河,漸增至七騎,是夜營 於白溝河北。……庚申,大將軍渡河,賊軍橫亘數十餘里,上列陣 以當之。……先是戒中軍張玉左軍朱能等必先摧賊鋒。繼以馬步 齊進。乃令都指揮丘福等以萬餘騎衝其中堅,不動。上以精騎數 十,突入城中左腋,殺傷甚衆,賊勢披靡,莫敢嬰鋒。漢王率都指 揮張玉朱能丘福等馬步齊進。人自為戰,勇氣百倍,遙見我陣後 廛起,上曰:「此賊來趨我後也。」 乃以七騎馳逆之。果遇賊二 萬,途與戰,連擊死數十人,輒勒馬回,相去數十步而止。須臾、復 勵入城陣、盤死數十人、日進且退、如是者百餘合, 殺傷甚衆、左 右謂曰:「賊衆我寡,難與交持,且就大軍,倂力擊之。」上曰: 「此賊奇兵精銳盡在於此、故吾當之以沮其勢,使諸將得以致力 於賊衆,若我就大軍,彼亦合力,形勢相縣,數倍我衆殆難破矣。」 於是復進戰不已, 賊衆飛矢如注, 上乘馬凡三易, 三被創, 所射矢 三服皆盡,乃起奮進,以劍左右擊之,劍鋒缺折不堪擊,藉少引 退。賊漸來逼,限以二堤,上見賊盡馳馬,越堤逆之。佯以鞭後招、 贼疑有伏,不敢追踰堤,止於堤旁,適漠王率精騎千餘至,上曰: 「諸將正鏖戰,爾何故來?」漢王曰:「我聞至尊以數騎當賊衆, 故來。」上曰:「吾戰疲,爾進擊賊。」漢王率衆接戰,彼此相持。 此書雖多渲染溢美之嗣,然亦可見惠帝軍士作戰之勇,靖難記又載燕 將殺隆人:

時(指白漢河戰役) 有胡騎三百來降,上就令其宿衛,胡騎指揮省

吉命其解甲釋兵而休,既而盡殺之,黎明,上失胡騎所在,問查吉,省吉曰:「吾恐其乘夜生變。故倉卒不及請命,已殺之矣。」 上大怒曰:「彼既來降,當誠心受之,豈可縱殺,借疑其不誠,必 盡殺其衆然後已。且人衆又豈容盡殺,昔李廣殺降,終不封侯,爾 之功名由此不顯矣。」

又是年十月攻滄州:

上壓諸將由城東北攀薄而登。逾時遂拔其城,先遺人斷其歸路,生擒將帥都督徐凱程遏都指揮愈琪趙滸胡原李英張傑並指揮千百戶百餘人,斬首萬餘級,獲馬九千,餘衆悉降,以令旨成遺之,份餘三千餘人,日向暮,以來日遺之,黎明,令內侍給旨,悉為潭淵所殺,上聞,亟召淵貴之曰:「爾雖善戰,功則有之,然擅殺降者,過亦豈掩,一人之身豈足以偕三千人性命,我每臨陣痛戒爾雖勿殺,他將皆遵令,惟爾好殺不止,爾必不免。」淵曰:「此皆各處精選壯丁,今放回,明日復來殺,我盡力以獲之,復縱歸以資敵,為害不已,故臣計不如坑之。」上曰:「如爾所言,凡與我為敵者必盡殺乃已,爾之不仁如是!」淵慚悚而退。

意者此皆惠帝之精銳,非盡殺不足以削減其戰關力量。譚淵云:「今放回,明日復來殺。」可以說明其必須盡殺之故,至成祖之言,不過故示寬惠,如非史臣之粉飾,即係英雄之譎論,何可盡信哉!經此劇戰,惠帝之基本勢力蓋已挫減,故燕之正面威脅漸解除矣。

綜質以上所述,成祖雖處四圍之局,實僅一面作戰,而宣宗御製廣

寒殿記述成祖之言曰:「建文圖立,信用姦回, 狀劉宗室, 舉四方全盛之 節以加我, 於時茲城(北京)孤立, 殆一髮引千鹤、」不過故甚其辭以炫 耀武功, 非其實也。

(乙)戰略之改變

惠帝兵士既歷經折損,不得不改變戰略,因之一方面集中兵力於 **要衡,以防燕南下,一方面建置塞**堡於險阻,以堅壁淸野。

時兵力集中之地,似在今之山東及河北南部一帶,茲舉以下數役 以為證明,明史壹肆肆盛庸傳:

時吳傑平安守定州,庸駐德州,徐凱屯渝州為犄角。是冬(建文二年,) 燕兵襲渝州,破禽凱,掠其輜重,進薄濟事,庸引兵屯東昌以邀之,背城而陣,燕王帥兵直前,薄庸軍,左翼不動,復衝中堅,庸開陣樑王入,國之數重,燕將朱能帥番騎來救,王乘問突圍出,而燕軍為火器所傷甚衆,大將張玉死於陣,王獨以百騎股後,至館陶,庸撤吳傑平安自真定遮燕歸路。明年(建文三年)正月,傑平安戰深州,不利,燕師始得歸。是役也,燕精銳喪失幾盡,庸軍聲大振,帶為享廟告捷。三月,燕兵復南出保定,庸營夾河,王將輕騎來起,掠陣而過,庸遺千騎追之,為燕兵射卻。及戰,庸軍列盾以進,王令步卒先攻騎兵,乘間馳入、庸壓軍力戰,斬其將譚淵,而朱能張武等帥衆殊死關,王以勁騎貫陣,與能合,庸部驍將莊得皂旗張等俱戰死。是日燕軍幾敗,明日復戰,燕軍東北,庸軍西南,自辰至末,互勝負,兩軍皆疲,將十

各坐息,復起戰,忽東北風大起,飛塵蔽天,燕兵乘風大呼,左右 橫擊, 庸大敗,走還德州,自是氣沮。

案東昌之役,據明史壹肆壹王度傳記:「度有智計,盛庸之代景隆,度 密陳便宜,是以有東昌之捷。景隆徵還,赦不誅,反用事,忌庸等功, 讒間之,度亦見疎,論者以其用有未盡,惜之。」果爾,是庸後來所以失 敗,容與李景隆之讒構有關係,要其所部必為惠帝之主要部隊,輾轉 作戰於冀南魯北一帶,則係事實也。明史壹肆肆平安傳:

明年(建文三年),燕敗盛庸於夾河,迴軍與安戰單家橋,安奮擊, 大破之。擒其將薛祿,無何逸去。再戰滹沱河,又破之。安於陣中 標木為樓,高數丈,戰酣,輒登樓望,發強弩射燕軍,死者甚衆。忽 大風起,發屋拔樹,擊如雷,都指揮鄧戩陳鵬等陷敵中,安遂敗 走真定。燕王與南軍數大戰,每親身陷陣,所向皆靡,惟安與庸 二軍屢挫之。滹沱之戰,矢集王旗如蝟毛,王使人送旗北平,渝 世子謹藏,以示後世,顧成已先被執在燕,見而泣曰:「臣自少從 軍,今老矣,多歷戰陣,未嘗見若此也。」

此次戰事在今<u>河北省</u>南部,<u>平安</u>為當時名將,數窘成祖,其所部自亦 惠帝之精銳也。

時惠帝雖迭經挫敗,其主力實仍在魯北,此由<u>燕</u>軍之**擾切徐沛糧** 運,可以證知,靖難記叁:

洪武三十四年六月辛酉,……上謂諸將曰:「······彼軍萃**德州,養** 糧所給,皆道徐沛,調輕騎數千,燒其糧船,則德州**饋餉不給,衆**

同年七月戊戌:

方孝孺曰,「今河北之兵未解,德州餉道已絕,三軍乏食,有星散之勢,甚可憂也。」

惠帝主力在德州,故一遇糧餉被却,則影響甚大。考南軍餉道似不久又 恢復,陶宗儀商村集叁有臘月二十七日雪詩:

> 立存三日雪花稠,作陣隨風卒未休,屋字高低銀蓋覆,郊原遠近 玉雕鎪、將軍好問平吳策,高士誰乘訪戴舟? 九萬車夫多凍餒, 定應未到濟寧州。(原注:「十一月松江府起差民丁九萬名赴濟寧,陸逕糧米 九萬石至德州軍前。」)

檢陳氏中西回史日曆,建文三年(西曆一四〇一)陰曆臘月二十七日 和當於西曆一四〇二年一月十三日,而是年(一四〇二)冬至為陽曆 十二月十三日,由是上推,則立春應為陽曆一月二十六日,即相當於建 文三年陰曆臘月二十三日,自二十三至二十七,中間恰隔三日,與南村 此外,惠帝於燕兵往來孔道,復選擇地勢,設置寨堡, 靖難記叁: 洪武三十四年七月辛卯,(實錄作「癸巳」)破尾尖寨。初賊軍與民 雜守是寨,諸將恐梗我餉道,請攻之。上曰:「尾尖寨路險窄,惟 一人可上,元末亂離,鄉民嘯聚其問,雖數百人,而數萬兵不能 破,今攻之未易拔,徒傷士卒,(以上兩句實錄剛)且姑緩之,以弛 其心,用計破之,不勞餘力矣。」至是,購得一人知蹊徑者為鄉導, 命都指揮張禮引兵千餘,乘月黑之夕往攻之,是夜徼雨,禮兵屯 案下,選勇士十餘人潛登,繞出寨後,執其守關者殺之,留一人引 這,直抵寨門,舉砲,賊衆就亂。禮大呼語寨中曰:「我先鋒也,大 軍已駐寨下,爾等速降則生,不降,大軍且至,即破關,欲降無及 矣。」遂皆下寨來降,引見上,飭軍散原伍,民遣復業。

案讀史方與紀要肆玖彰德府條:「古墨寨在府東北,地當衝要,徑路險 隆,晉因置寨於此,以阨相魏之郊。國朝建文三年,燕兵在大名,南 軍據尾尖寨梗燕餉道,燕王遣兵從間道擊破之,在府北十里(惠慶上統憲

18814 / T.A.

間在安陽城東),南北斜長五里。」是其地既臨要衝,且**阨險峻,據以擾燕**餉 道與犄角彰德,當收效甚大也。靖難記同年又載:

八月壬寅,諜報大同賊將房昭引兵入紫荆關,長掠保定屬縣,悉 驅人民上山結寨,民強有力者皆假以指揮千百戶之名,以威會 從,不從者被戮。房昭據易州西水寨,在萬山中,四面極險鹼、惟 一徑攀緣而上。房昭欲守此爲持久計,以窺伺我北平。上曰:「保 定北平股肱郡。豈可不討。」遂回師,八月,……丁卯,駐師於完 縣,諸山寨之民悉來歸,撫安復業。……丙子,課報真定賊將遣都 指揮韋諒領兵萬餘運糧接應房昭,上語諸將曰:「賊倚西水寨為 固,其中薪水不乏,所缺者糧耳,使其饋餉得濟,未可破也。| 遂 率馬步精兵三萬邀之,次日至寨口,韋諒督運已入寨内,乃令軍 圖之,命都指揮朱榮等五千人將兵往眞定。九月壬寅,上語諸將 曰:「今圍寨急,真定聞之必來援,賊喪敗之餘,其進必銳,我且 以輕騎往定州,彼探知我去必來耳。等候其至,即據險以待之,我 回兵合勢,擊之無不敗者,旣敗援兵,寨兵勢低,不攻自下,一舉 而得。」時間寒久,賊軍多南士,天漸寒,衣鞋不給,霜月之夜、上 令軍士四面皆為吳歌,賊軍有潛下寨來降者,言曰:「衆聞歌悽 怪皆墮淚,有懷鄉之思,已無固守之志,咸欲來降,但爲房昭等所 制耳。」 甲辰,上赴定州。 十月丙辰朔,城援軍至,上率精騎五千 **宵行,明日巳時,與圍寨兵合, 賊將都指揮華英鄭琦以馬步三萬** 餘列陣於峨眉山下,上縱兵擊之,令勇士執施登山,潛出賊後、大

張旗幟。賊見驚駭,遂四散奔潰,我軍逐之,斬首萬餘級,俘獲者 甚衆,獲馬千餘匹,擒都指揮華英鄭琦王恭指揮詹忠等,惟房昭 韋諒遁去,復追殺千餘人,乃破其寨。

姜氏秘史伍建文四年正月庚戌:

辛巳(建文三年)九月,設沛豐軍民指揮司,集民壯五千人築堡備 禦。(同考肆:「建文三年十二月,置鹽沛衛軍民指揮使。」原注:「兵部別係十二 月,慌遺錄以爲是年九月。」要之,此事出自故案,宜可信。)

楊士奇朱能神道碑:

略<u>彰德及定州,</u>躺西水寨,已而敗敵將李文於德州,途克東阿 東平,破汶上諸寨。

此種案堡雖多為當地民衆組成(如上引房昭驅民上山結案及豐沛衛民壯築堡等例是。),然亦有正式軍隊主持參加,如尾尖西水兩寨即是顯例。意者惠帝局部軍隊已化整為零,屯據險阻以擾燕後路,可使其疲於奔命也。

一方以主力阻<u>燕</u>南侵,一方以偏師擾其後路,此種策略最初似甚成功,蘇吳建,建文三年十二月記:

斯與兵起三年,屢戰多勝,衝突千里,罕能禦之。然所過城邑往往 堅守不下,間克之,兵去,即殺守帥,復為朝廷。及壬午(建文四年), 所據者北平永平保定三郡而已。

又朱能神道碑載:

進戰小河,為歐所乘,稍卻,諸將邀請旋師(明史能停「既而王眞戰死 還可,燕軍騰敗,諸將議旋師」。),獨王(能)勸上行,曰: [用兵未必常 勝, 豈可因小挫繁自沮。項羽百戰百勝, 竟亡, <u>漢高</u>屢敗而終與。 自殿下(成祖)舉兵以來, 克捷多矣, 此小挫何足置意。但當以 宗社為重, 整兵前進耳。」上撫掌嘆曰:「爾言深合吾心。」遂 行。

(丙)燕師取南京

後燕軍所以能長驅南京,係因繞道所致,太宗實錄中記載甚明,實 錄建文四年五月記成祖克盱眙,與諸將論進兵之策事:

上會諸將議所向,或曰:「先取鳳陽,遏其援兵之路,我軍徑趨深州,取和州,集船渡江,別遺一軍西擣廬州,出安慶,而長江之險為我有矣。」或曰:「先取淮安為根本,次下高郵通泰以及真揚,得此遂渡江而無後顧之虞。」上曰:「鳳陽樓櫓堅完,所守既固,非攻不下,恐震驚皇陵。淮安高城深池,積栗旣富,人馬尙多,若攻之不下,曠日持久,力屈威挫,援兵四集,非我之利,今乘

勝鼓行, 直趨揚州, 指儀眞, 兩城單弱, 可招而下。旣得置場, 則淮安鳳陽人心自懈。我耀兵江上, 聚舟渡江, 取鎮江, 收常州, 遂舉蘇松以及江浙, 西下太平府池州以及安慶, 則江上孤城豈 能獨守?……」諸將皆頓首稱善。

此為成祖進兵所選定之路線,蓋鳳陽淮安等重要據點,惠帝已預置大兵,不易攻取,(成組破南京,孫岳梅殷等過聖守中都淮安,可參看實錄永樂元年四月丙子條,遼國臣記孫岳傳及明史鄭陽傳、擊國公主傳等。)成祖避重就輕,逕搗揚州,故進展神速也。

惟此舉終係冒險行動,成祖所以敢於出此者,則因預得內監報告,知京城可攻。(參看歷史及明史宣宣傳序等會)而沿途將校之先後歸附、尤使 其進兵順利,(見應雖把實緣及東里集後本墓態等。)故自建文四年五月庚子(十 八日)取揚州,六月乙卯(初三日)渡江,戊午(初六日)破鎮江,庚申(初 八日)進駐龍潭,總計前後不過二十一日,蓋惠帝此路備禦本疎,燕以重 兵震慴之,宜乎無不歸順矣。

及成祖於南京方面已密有布置。其上書所指目之姦黨,僅限於齊 秦黃子澄等左班文職,武將不與。世每以惠帝重文輕武,因致成祖之招 攜。愚意惠帝遵訓法祖,對右班武臣亦未必歧視,如李景隆之失地喪師, 復委信不疑者,即是一例。惟其諸臣之中,則確有裂痕,成祖之分化政 策,蓋針對現實而發者。明史壹伍肆黃福傳記:

建文時,深見倚任,成祖列姦黨二十九人,福與焉。成祖入京師,福迎附,李景隆指福姦黨,顯曰:「臣固應死,但目爲姦黨,則

臣心未服。」帝置不問,復其官。

驅於惠帝時仕至工部侍郎,為左班文職,故列名姦臣榜,景隆以武將檢舉之,並可反映當時朝班之水火。然則白溝河之敗,文臣黃子澄方孝孺練子寧葉希賢諸人,並請誅景隆以謝天下,(見明史景隆子寧等傳)豈不僅因其喪師失地,且與當時之文武失和有關數?果此假設不誤,在極端文治派方黃諸人得志之下,景隆雖受惠帝之寬容,終咸文臣之壓迫,而景隆女為平陽王濟熾妃,(見太鵬實錄洪武三十一年二月丙午)濟廣與高煦比,或以此更招攻擊者之口實,此種情勢容為成祖所洞悉,未必不巧為羅致,景隆之叛,儻與此有關乎?

又實錄永樂七年二月丁亥茹瑺傳:

洪武中,……兵部尚書。建文中,改吏部尚書。與太常卿黃子澄不協。刑部尚書墨昭黨子澄,極力擠瑞,誣以贓罪、黜領河南布政使。歲中,子澄亦黜,召瑞還,復為兵部尚書。上即位,封忠誠伯。

茹瑺以監生起家,官吏部尚書時,與黃暴不協,致為所排擠,然則文臣之中亦黨同伐異。後成祖駐兵龍潭,惠帝以李景隆茹瑺及都督王佐往議和,李王皆武將,茹又被抑於黃暴,用失勢之臣,原以緩和成祖,初不料其深自結納,反開門迎降也。

時京城通結之內姦,有以下數例,明史壹貳伍徐達傳附子增壽傳.

增壽以父任仕至左都督,建文帝疑燕王反,當以問增壽,增壽 頓首曰:「燕王先帝同氣,富貴已極,何故反?」及燕師起,數以 京師虛實輸於臺,帝覺之,未及問。比燕兵渡江,帝召墳壽詰之,不對,手劍斬之殿縣下。

案增壽為達次子、燕妃徐氏之弟,據吾學編增壽傳:「增壽長,勇敢立戰功,陞右軍都督,管從文皇出塞征乃兒不花,有功,班師,入見仁孝皇后,還朝,數與文皇往來。」是增壽嘗從成祖出塞,關係獨深,故甘作內應,宜其與乃兄徐輝祖之列名姦臣榜者態度不同也。又實錄永樂九年九月丙子王寧傳:

寧洪武中選份懷慶公主,為駙馬都尉,上舉義之初,寧與徐增壽 首歸誠款,有發其事者,建文君捕繫於獄,(明史懷慶公主傳作「緊錦 衣衛獄」,不知錦衣衛獄經太粗罷黜,為威離恢復, 建文時周無此獄也。)上即 位,始出之。推恩封永春侯。

事尚懷慶公主,公主為成穆孫貴妃生,周王為燕之母弟,(見婚雖記)錄及 明史黃子澄傳周王傳)燕王為碩妃生,則周王自亦出於碩妃,惟貴妃薨,太 祖命周王服三年喪,意者周王或養於貴妃,然則懷慶公主與周王之關 係較宏,燕周同母,於誼亦親,豈以此事遂黨比成祖數?同書洪武三十 五年九月丙午:

> <u>国</u>宣府中護衞指揮食事<u>劉清</u>為都指揮同知,仍今随侍,旌其開金 川門奉迎功也。

劉清為由宣府簡調之守城軍隊,在駐防之時,以地域關係,容與成祖有 舊,其開門秦邈,似非偶然。又明史壹壹捌谷王槵傳:

燕兵起,想走還京師,及燕師渡江,穗奉命守金川門,登城望

見一般 那麼蓋,開門迎降。(實錄部建文四年六月癸酉,建諸王出城面成組織和。乙丑,谷王龍開金川門降。谷王之通成組,蓋在飲和時。)

並與前舉宦官內應事合觀,知京城通燕之內姦,蓋已不少矣。

綜買以上所述,燕以避堅就瑕,故進展珠速。至其所以冒茲危險, 孤軍深入者,因預與內姦通結,得其接應。時惠帝重兵分布於前方衝要 及險塞之地者,驟難返防。而自<u>韃靼</u>三衛阻擾,遼東饑疲,楊文諸將亦 不能威脅北平,成祖更可無後顧憂也。

(丁)城守與援兵

燕兵逼近金陵,惠帝原可遷都長江上游,徐圖後舉,故固守京城 之策,官書野史皆以為非計。茲先錄兩方識辭,再判斷之。端難記肆,洪 武三十五年六月辛酉:

允炆知緣江海船皆已降,又聞鎮江降,憂鬱不勝,徘徊於殿庭之間。方孝孺稱疾不起,遣人強之,問以計。孝孺曰:「今城中尚有勝兵(實緣改作「勁兵」)二十萬,城高池深,糧食充足,盡撤城外民舍,騙民入城,足以為守,城外積木悉運入城。」允忒從其計。乃役軍民商買及諸色人匠,日夜拆屋運木,盛暑飢渴,死者相枕籍,勞苦不勝,嗟怨之聲盈路,成引領以望上至,曰:「何不速來,以解我勞苦。」及民怨甚,(自「咸引領以望上至」句至此,實緣則。)城外積木多疲於搬運,縱火焚之,連日不息。先是城崩,役軍夫修築,將成,而他處復崩,連築不已。軍民運転土,累月不得休息(實鋒作「吳奧老壯畫在不得休」),怨曰:「此去不遠,何不便來,來

則有此而登,我卽解散,胡為使我勞苦至此極耶!更遲數日,我皆為鬼矣。」民之望上以解倒懸,甚於飢渴。(實緣「總日」以下剛,敢作「或有來蘇之望。)

此謂民衆怨慰,明係撰者所偽造,故後修實錄之時幷删除。惟以<u>惠帝</u>無 謀、方孝孺失計,則官書前後無異辭也。

野史中如建文遜國記載:

成祖營龍潭·····上會羣臣慟哭,或勸上且幸逝,或曰不者幸湖 湘。孝孺請堅守京城以待四方之接,議不失。·····成祖至金川 門,谷王徳開門,成祖遂入城。

論曰: 余好問先達建文時事,皆為余言,建文君寬仁慈厚,少好文章禮樂,不任法律操切人,此即位,得方孝孺,專行周官法度,
輒改高帝約束,靖難兵起,不為意,即有敗狀來聞,亦輒謂直多發兵,邊平在旬月間耳。諸大將統重兵北進者,又多懷貳心,以故成
祖至江上,不戰而潰。余至建業,聞之江上老人曰:「文皇乃天授,建文君何尤。」

又建文年譜上:

鄭端簡述父老言,謂建文無失德,而文皇為天授,信也。然盡以 亡國委之天而不按其人事,則亦非也。建文之所以亡者,大抵臣 躁愎而寡謀,君優柔而弗斷,兵與前後,其失著不可勝言。最可惑 者。君臣慟哭之餘,旣決策死守,復不請守禦之方,安坐深宫,使 景陰開門延敵。嗚呼,是誠何心哉!成敗論人,英雄所恥,建文之 败,則理有固然。

此智同情惠帝之書,與官書之持論異,惟以城守無謀歸答惠帝,則與官書同。

令案以上兩說皆似是而非,前者張皇惠帝失德,其觀點已非,故結 論難據 後者於當時情勢殊少了解,故言不中肯。檢靖難記及實錄皆謂 城中尚有「勝兵二十萬」是留守防禦之衆猶甚多,皆謂差役軍民商買 及諸色人匠折屋運木,盛暑不休,是堅壁淸野之策非不講,至謂軍民疲 於搬運、遂縱火焚之者,則因時間趕辦不及恐以資敵也。

考惠帝兵士於歷次折損後,即積極徵募補充,陶南村集武辛巳中秋 詩:

海寓未昇平,中秋景象清,祇緣人意好,轉覺月華明,今歲僉愚 慧, 比鄰異死生, 聽來惟是哭, 孰更不傷情。(原注:「兵部遺使至府, 府命兩縣愈點身長力壯民丁應充, 謂之愚戆, 不下五千餘人。」)

謝恩使朴惇之以路梗不得朝京而還,傳寫皇帝詔書而來。「奉天 承連皇帝詔曰: 朕奉皇祖寶命,嗣奉上下神祗,燕人不道,擅動 干戈,虐害萬姓,屢興大兵致討,近者諸將失律,寇兵侵淮,意在 渡江犯闕,已敕大將軍率師控遏,務在掃除。爾四方都司布政司 按察使及諸府衛文武之臣,聞國有急,各思奮其忠勇,率募義之 士, 壯勇之人, 赴闕勤王, 以平寇難, 以成大功, 以扶持宗社。嗚呼, 除不德而致寇, 固不足言, 然我臣子其肯棄朕而不顧乎?各盡乃心, 以平其難, 則封賞之典, 論功而行, 股無所客, 故茲詔諭, 其體至懷。」

此韶與遜國記建文置蹟等書所載者均不同,可證諸書為偽撰。蜻難記 肆,洪武三十五年五月壬寅:「上振旅江北,時諸姦惡皆求出城,謀為苟 活計,都城空處,上下懷悚,允炆乃下罪己之韶,遺人四出徵兵。」然則 此詔之發布,其在五月壬寅(二十日)乎?時去六月辛酉(初九日) 龍潭媾 和,尚有二十日,且前此惠帝已迭募民兵,自一可恃之外後也。

時應詔起兵之人似已不少, 明文衡陸壹, 王英劉亨傳:

先生姓劉氏,諱亨,……廬陵石塘里(人)。……(洪武周)出為 壽州學訓導,陞常州武進縣丞。……壬午,(建文四年)縣民李德懋 等作亂,先生白郡首毋令滋蔓,率衆擒首惡,而諭降其黨。方是 時,太宗皇帝初嗣大統,遺使勞以金幣,先生之名,由是揚於遠 遍。

李懋德等疑即武進反抗成祖之義兵、故劉亨白郡首擒之,頗蒙嘉賞。又明史壹肆壹黃子澄傳:

及燕兵漸南,與齊泰同謫外,密令募兵。子澄徹服由太湖至蘇州,與知府姚善倡義勤王。

同會壹肆貳姚善傳:

時燕兵已南下,密結鎮常嘉松四郡守練民兵為備。……建文四

年, 韶兼督<u>蘇松常鎮嘉興</u>五府兵勤王,兵未集,<u>燕王</u>已入京師。 陳彥回傳:

同時以勤王死者有松江同知,死尤烈云,同知姓名不可考,或日 周繼瑜也。勤王詔下,榜募義勇入援,極言大義,威動人心,并斥 靖難兵乖恩悖道,械至京,磔於市。

同舊壹肆叁王璡傳:

洪武末,以賢能薦,授寧波知府。……燕師臨江,**蓬**造舟艦謀勤 王,爲衛卒縛至京,成祖問造舟何為,對曰:「欲泛海越瓜州,阻 師南渡耳。」

以上起義地點皆在今江蘇浙江,時既有詔勤王,諸地去京師不遠,其奉命募兵自意中事,上例蓋可信,此東南方面之援兵也。

又江西募集之兵亦甚多,姜氏秘史伍建文四年五月記:

遣刑部侍郎金□□……等徵兵於江西等處。

兵部貼黃册有<u>朱進係常州</u>人,跟金侍郎往<u>江西</u>,六月被<u>南昌</u>左 衛百戶□□□縛送京。

爾工部右侍郎張顯宗等成與州,顯宗建文中自國子監祭酒陞工部右侍郎,往江西招集丁壯,募民出粟。上旣即位,顯宗及江西布政使楊璉、按察使房安、僉事呂升為軍卒執告其罪,上釋不誅, 輔成與州。

夏宗在江西招集丁壯,正為防禦燕師南下,此事出自實錄,亦可信。楊 士奇楊榮墓誌:

> (永樂初),一日晚,上出右順門,召內閣諸臣,獨公一人在,出江 西三司奏章示之,言吉安鄉民之嘯聚者,已悉復業。

所謂吉安嘯聚之衆,疑卽惠帝民兵。果爾,是在成祖卽位以後始就範。 時吉安坐根株瓜抄之嗣者甚夥(參看明史胡廣傳錢習禮傳及楊榮實殊墓態銘等), 豈非僅以為惠帝功臣親故(樂子夢吉安人,錢智禮即其姻煙。),並與民兵之糾 合有關軟?墓誌又載:

(永樂)十八年……各,將西征(即史本傳作永樂二十二年下韶征阿魯台, 與此異。),親藩奏:建文中,江西所吳集民兵可徵用,出奏示公,公 對云:「陛下命復民業二十年矣,今復徵,非信。」上曰:「朕意 固如此。」遂寢。

時去<u>惠帝亡國已久,成祖猶欲徽用,不特可以反映江西民兵數額之鉅,</u> 且可見其強悍精銳,亦不可侮也。

江西募兵之事, 旣無可疑, 以下諸地民兵, 亦可連類推想, 明史**登**章 叁周看傳:

周程字伯紳,武昌人。……燕兵已迫,糾義旅勤王,聞京師不守,乃走匿。

同會壹肆叁黃觀傳:

(<u>國文</u>)四年,奏召募兵上游,且督諸郡兵赴援。至安慶,燕王已 波江,入京師,下令暴左班文職姦臣罪狀,觀名在第六。

王权英傳:

燕兵至淮,奉韶募兵,行至<u></u>廣德,京城不守。……時御史<u>古田林英</u> 亦在廣德募兵,知事無濟,再拜自徑。

凡此皆長江上游之援兵也。

李賢胡麥神道碑敘其巡遊各地事:(參看明史本傳)

(丞樂)丁亥(五年),上察近侍中惟公忠實可託,**送命公巡遊天**下,以訪異人為名,實察人心向背。時御製性理大全為善陰隱 孝順事實書成,俾公以此勸勵天下。以放雖窮鄉下邑,軌迹無 不到。在湖廣間最久。丙申(十四年)秋,還朝。……明年(十五 年),往巡江浙諸州。……癸卯,(二十一年)復自均襄還朝。時事駕 親征北虜,駐蹕宣府,公馳謁行在所。上臥不出,聞公至,喜而 起,且慰勞之曰:「卿驅馳良苦,」賜坐,與語,凡所歷山川道里, 郡邑豐嗇,民情休成,以至所聞所見深國安民之事,悉為陳說,上 欣然納之。向所疑疏者,至是皆釋。比退,漏下四波。

朋史以滲之巡遊為踪迹惠帝,愚意恐未必然,蓋戏粗為雄猜忌刻之主, 懲治惠帝功臣最酷,惠帝諸子,或殺或囚,亦無一幸免,豈有灼知惠帝尚 在而不深究者。惟如以為偵探民間向背,則頗近清理。蓋上舉民兵諸例 雖先後削平,而人心思舊,猶未全歸順,時成祖不欲用兵(參看明史轉題 麼),滲因衡命招撫。永樂十八年成祖西征,楊榮謂江西民兵復業已久, 二十一年,滲在宣府朝見,或亦以各地民兵復業對,故戏組為之疑慮冰 釋也。如此解釋不誤,則胡滲巡行之地,如湖廣,如江浙,自必當年民兵 熾盛之所,與上舉各例正可相互印證。

列朝詩集閏集陸載<u>李芳遠獻大明永樂皇帝詩</u>,中有「未鐵鯨鯢氣」 尙騙」句,疑亦指當時民兵者,詩云:

紫鳳銜書下九霄,遐陬喜氣動民謠,久潛龍虎聲相應,未數鯨飽 氣尚縣(原注「指建文君,」)萬里江山歸正統,百年人物見淸朝,天 教老眼觀新化,白髮那堪不肯饒。

此詩之解釋見第六章,於此不該述,惟發氏以「未戮鯨鯢」為指建文君則殊誤,蓋惠帝縱或出亡,將齊擊匿迹之不暇,豈有反放浪騎恣以招人耳目者,如以為指惠帝民吳,則揆以上舉諸例,頗易逾解。芳遠以建文四年十一月造使入賀,獻詩或在是時,時去,廟京淪陷已五月,惠帝或死或逃,渺無下落,而民兵之氣燄猶如此,揆諸燕兵圍城卽惠帝健在之頃,民兵之動員應更積極,此事自予成祖以極大威脅。至鳷難記謂「遣人布告天下,各處壯丁聞上已克京師,皆解散,卽有嘯聚欲為亂者,飲或曰:與主已出,毋徒取滅亡」,不過誇飾之詞耳。

方老孺即根據此種事實而獻城守之策, 靖難記肆, 洪武三十五年 六門辛酉記:

方老儒復言「前遣郡主未能辦事(指遣慶成郡主齡燕軍構和,)今以諸王分守城門, 遣曹國公茹尚書王都督駐龍潭, 仍以割地講和為 解,以战其虚實,且待接兵至,選精銳數萬,內外夾擊,决死一戰, 可以成功,設有不利,卽輕舸走蜀,收集士馬,以為後舉。」<u>允炆</u> 然其計。

明史方孝孺傳:

明年(<u>惠文四年</u>)五月,燕師至江北,帝下詔徽四方兵,孝屬曰: 「事急矣, 遺人許以割地,稽延數日,東南募兵衛集,北軍不長舟 楫, 決戰江上, 勝負未可知也。」

对靖難記是年六月甲子:

時<u>方孝孺</u>建議堅守不出, 這間諜費臘丸四出促接兵, **皆為我遊騎** 所獲。

(四)不殺叔父詔

野史記<u>惠帝</u>有不殺叔父詔,如遜國月表上,<u>建文</u>二年十月: 詔諸將無使朕負殺叔父名。

邵遠平建文帝後紀:

(建文元年七月)帝命長與侯<u>耿炳文</u>為大將軍,副以駙馬李堅都督

留忠帥師三十六萬分道北征,薦旗之日,帝曰:「昔<u>萬</u>釋舉兵入京,令其下日,一門之內稱兵,甚不祥也。今將士務體此意,毋使 朕負殺权父名。」且為書宣示諸王。燕王察帝意,每當急,即單騎 挺杖前,軍中無敢犯者。

上舉頒詔年月,雖不相同,要皆以惠帝曾有是令。果如此,其關係後來之失敗者自甚大,故書法儗戒諭將士小論至以宋襄之仁護之也,小論曰:

是無亡一大機也,內兵心忌,<u>文皇</u>鹏張,此愈而彼奮,此瑕而被 堅,又何俟接戰覘勝負哉。夾河戰後,<u>文皇</u>直抵京師無退計,挺 身當前,或單騎殿後,上教之也。夫不忍叔父,其自忍乎?與宋蹇 之仁義也。……當時在廷諸臣,曾不出一言相難,何歟?

此深以廷臣不為諍諫為可惜,而致身錄則謂<u>史</u>仲彬會讓之,然<u>惠帝</u>不 聽,其文曰:

建文三年閏三月十八日,(史仲彬) 還朝,見上於文華殿,奏……「燕王用兵,變化不測,用強示壯,親掠我陣,幸(盛) 塘結陣甚堅,蛇不可動,復以單騎逼營,越宿,鳴角穿營而去,蓋特勿殺叔父之諭也。軍中衆謂皇上失之太仁。」帝曰:「奈何,已有是命,不可返也。」默然者久之。

致身錄為同情惠帝之偽書,(見製學) 其書出世甚晚,此文似對朱鷺之惋惜而發,意謂此非關惠帝之迂闊,而正足以見其照仁耳。考野史之記 戒殺叔父者,類皆由官書記夾河之戰,燕王鳴角穿營故事所引起,續 難記差,洪武三十四年二月辛巳記此事: 時告黑,各欽軍還營,工以數十騎逼賊營而宿,天明視之,四方皆 版,左右曰:「而出,勿為所圖。」上曰:「且休,無恐,吾正欲示 輕賊以沮其氣。」日正丈餘,上引馬陽角,穿賊營而出,賊衆顧視 驚愕,略不致進。

官書之意在誇飾成祖武功,嶄難記及實錄似此之例不勝枚舉,何嘗有不殺之意在,且前乎此者有威縣之役。 嶄難記是年正月辛酉記:

大車回至威縣,遇点定賊即以馬步二萬來邀,上以精騎數千沿途按伏,率十餘騎是其陣誘之,謂曰:「我常獲爾衆卽釋之,我數騎暫容逃,無相拠也。」賊曰:「放爾是縱蝎。」衆卽來追。(以上三十一字實錄剛去。)

所謂「放爾即縱蝎,」非僅指於祖之部隊,並亦包括成祖,時下距夾河 戰役只兩月,是前此尚無所寬假也、後乎此役者有<u>滹沱河</u>之戰,同書是 年閏三月己亥記:

> 上以驍騎數百循濟沱河遼出賊後,突入賊陣,大呼奮擊,矢下如雨,箭集上旗,有若蝟毛。……翌日,遣人送旗回北平,諭太子曰: 「謹藏之,以示後世子孫,使知今日禦禍艱難也。」都督顧成見 施而泣,謂太子曰:「臣自幼從軍,多歷戰,今老矣,未嘗見此 戰也。」

矢集王旗如蝟毛,可見當時之危險,時上距<u>夾河戰役僅十餘日</u>,是此後 亦無戒殺之令也。實錄永樂七年四月乙亥載成剷緣李慶等曰:

股背為權姦所逼,不得已舉兵自數,賴文武之臣,軍民之力,克

平渦難, 奠安宗社, 比經往者戰關之地, 追思矢石交下之際, 心、 **猶**凜然。

此成祖痛定思痛之言, <u>參以平保見</u>追望, <u>火耳灰者引弓等紀事(更速至</u> **宴應)**,知所述是實, 況<u>周齊谷</u>諸王幽蟄, <u>湘</u>三自焚, <u>惠帝</u>意在削藩,何 獨厚愛於燕王哉。

叉黃瑜雙槐歲鈔叁「長陵八稜」條, 载各馬於靖難期間並中箭:

太宗八駿圖,其一曰龍駒, 戰於鄭村壩,乘之中裔, 都指揮丑丑 拔。其二曰赤冕, 戰於白溝河。乘之中箭, 都指揮亞口戲木兒 拔。其三曰鳥冕, 戰於東昌, 乘之中箭, 都督童信抜。其四曰飛冕, 戰於夾河, 乘之中箭, 都指揮貓兒拔。其五曰飛黃, 戰於養城, 乘 之中箭, 都督麼帖木兒拔。其六曰銀楊, 戰於宿州, 乘之中箭, 都 督亦賴冷蠻拔。其七曰棗騮, 戰於小河, 乘之中箭, 安順侯脫火赤 拔。其八曰黃馬, 戰於靈璧, 乘之中箭, 指揮鷄兒拔。學士劉定之 詠焉。蓋靖難時胡騎官軍最近左右故也。

叉神宗實錄萬曆四年五月戊午條:

上出成祖文皇帝四駿圖,命輔臣張居正題詠,四駿皆靖難時所 乘,龍駒戰於鄭村壩,黄馬戰於白溝河,棗騮戰於小河。赤兔 戰於靈璧,皆中流矢,抽矢復戰,遂大捷,至是居正恭題以進。

張居正詩集有 点題文皇四駿圖詩四首(朱桑專明詩線聲館課集課為王家房作,職 田明詩紀事已駁正之,又張詩所載各馬作戰地點與歲龄局,與實飾異。)可與此交營證, 歲鈔與實錄所記匹數不同,各馬作戰地點亦不一致,或有一嘗訛誤,或 為後來改廠, 皆未可定。要之, 此圖會經天順間劉定之題詠, 弘治間黃 瑜見之, 以迄萬曆初元, 尚保存於內府, 則其摩繪之早及其來源可信, 皆可斷定, 射其馬不射其人, 縱精練能手, 猶難必辦, 遑論以此實之普通 士兵, 不殺权父傳說, 更可不攻自破矣。

惟此故事之所以造成,或亦不無因藉。蓋<u>盛庸於夾河</u>戰前,先有東 昌之捷,靖難記載夾河初戰時:

彼賊氣驕盈, 韶此舉必見摧滅, 各將金銀器皿及錦繡衣服,俟破北平之日,大為宴會。

螃繫記及實錄雖諱京昌之敗,然亦載燕將因無功請罪及追薦陣亡將士 文,可見其損失之重大。時庸統兵甚衆,正欲北向翦燕,收復北平,而夾 河初交鋒時,斬燕將譚淵,亦頗一新旗鼓。儻鼓角穿營是實,豈庸乘長 勝餘畝,紅生致燕王以邀功,終使其從容逸去,而野史訛傳,遂委為天 子鞀耶?

不殺叔父詔前入已有疑之者,如朱國楨湧幢小品(卷堂「建文單令」) 及王世懋窺天外乘等書所載者是,諸書雖論據不詳,然尚不失為合理之 推測,而明史成祖紀稻因襲舊說,不為審辨,亦一失也。

(五)周公輔成王說

成觀與兵南伐,嘗以周公輔成王為辭,端難記叁,洪武三十四年十一月乙酉,郭資等上表勸進,成祖拒之曰:(此文實緣則,黃示初起兵時無和天下心。)

我之舉兵,所以誅姦惡,保社稷,救患難,全骨肉,豈有他哉。……

待姦惡伏辜,吾行<u>周公</u>之事,以輔孺子,此吾之志。

同書肆,三十五年六月丙寅:

諸王及文武羣臣請上尊號,上曰:「予始逼於難,誓救禍除姦,以 安天下,爲伊周之勳,不意孺子無知,自抵亡滅。……」

弇山堂別集捌捌詔令雜考四燕王至南京城下射諭親王公主書:

如朝廷知我忠孝之心,能行成王故事,我當如周公輔佐,以安天下蒼生。

傳信錄載太宗即位詔:(此詔亦載太宗實錄洪武三十五年七月王午,罰句略有改動。)

股荷天地祖宗之靈,戰攻既克,駐師幾甸,索其姦回,庶希<u>周公</u>輔成王之誼。

野史亦記: 燕兵圍濟南, 高賢寧作周公輔成王論,射書城外,成祖為緩攻。衛卒羅義上書成祖:「殿下今之周公,宜守燕土以法輔成王之義。」成祖入京執練子寧不屈割其舌,曰:「吾欲效周公輔成王,」子寧以手探血書「成王安在」?(以上見聽史邏剛臣記戒圓雜記等會) 諸故事雖未必完全可信,要之,成祖會以此爲藉口,則參之官書,可昭然無疑也。

案成祖以周公輔幼主為喻,固屬堂皇冠冕,然其所以如此設辭,或 更另有原因,考<u>燕王上書及移檄天下皆在建文元年十一月</u>,就中指斥 朝廷及狡辭詭辯之處雖多,惟未引此為喻,似在其初起兵時尚未援據此 義也。李芳遠實錄貳,元年(建文三年)九月丁亥載有惠帝致朝鮮敕:

敕朝鮮國王,前使者還,王以中國軍與乏馬,特貢三千匹,茲復遺人貢良馬名樂鐵布諸物,禮意恭順,朕甚嘉焉。昔周盛時,內有

管蔡之亂,而越裳氏萬里之責 上周公喜之,其事著於傳記, 越裳氏之名榮華至今, 股德不逮古, 而朝鮮為國親越裳為大, 入 貢之禮有加, 今特遣太僕寺少卿祝孟獻禮部主事陸顯賜王及父 兄親戚陪臣各有差, 以致嘉勞之懷, 至可領也。

是惠帝會以越裳喻朝鮮,以萱葵比燕叛,意者惠帝伐燕,會同樣引周 公討管葵故事,以示大義滅親,豈成祖針對此意,反詭謂起兵係效周 公輔成王耶?建文元年帝已二十三歲,何可謂幼冲,時成祖不過三十 九歲,亦非周公之高年劭德者比,故以此設喻,殊不妥帖。果以上推 論不誤,則此種藉口自應發生較晚,且成祖長騙累勝之餘,惠帝已貶 黜齊黃,託辭誅除姦臣不復適應,此周公成王之喻所以愈後轉盛歟?然 則此兩種藉口之交替,(蘇除姦臣與周公輔成王)固可以覘雙方勢力之強弱 消長也。

太祖實錄迭經修改,本為靖難作掩飾,故令傳三修之本似亦有為此事作伏筆者,如洪武十六年三月庚戌:

上與侍臣論歷代創業及國祚修短,侍臣皆曰:「前代祚運之長,莫逾成周。…」上曰:「周家自公劉后稷世積忠厚,至文王三分有二,武王始有天下,若使其後君非成康,臣非周召,益修厥德,則文武之業何能至八百歲之久乎?書曰:皇天無親,惟德是輔,使吾後世子孫皆如成康,輔弼之君皆如周召,則可以而天永命,國阼愈昌。」侍臣頓首曰:「陛下斯言,宗社萬年之福也。」

此言太祖希望後世子孫必有如成康周召者、始能享國長久、似係為周公輔成王之喻作注脚,至謂「皇天無親,惟德是輔,」或即暗示後來之政變。不然,時懿文太子已二十九歲,監國五年,天下嚮慕,何忽遽發此言?(明史唐鐸傳因襲此文,而謂「鐸因進曰:豫教元良,選左右為輔導、宗社萬年福也。」一者太祖以順嗣召失德者,與原意左。)又洪武二十八年十一月癸亥:

侍臣進講尚書無逸籍,上曰:「……成王之時,天下宴然,周公輔政,乃作是書,反覆開諭,上自天命之精微,下至生民稼穡之艱難,以及問里小民之怨詛,英不具載。周公之愛君,先事而盧,其意深矣,於每觀是籍,必反覆詳味,求古人之用心。管令儒臣書於殿壁,朝夕省閱,以為鑒戒,令日講此,深愜脫心,聞之愈益警惕」。

此謂太祖深好無逸。又洪武三十年十二月癸末:

時上不豫,廷臣數問安,敕之曰……近者失調受疾,卿等頻來問安,禮也,堯舜禹湯文武之世, 事变稷契伊尹周召為之臣, 其有志匡主一也, 於以此示卿,卿等宜竭忠修職, 以副於至懷。

此以伊尹周召勗臣工。又三十一年五月乙亥:

敕今上(成祖)曰:「朕觀成周之時,天下治矣,周公猶告成王曰: 詰爾戎兵,安不忘危之道也。今雖海內無事,然天象示戒,夷狄之思,豈可不防? 朕之諸子,獨汝才智,克堪其任,秦晉已薨,汝實為長,提外安內,非汝而誰。」

此則以周公期成祖、用意更可異矣。

(六)七國叛漢故事

太祖實錄洪武元年正月丙戌, 载太祖論七國叛漢事:

上御文樓,太子侍側,因問近與儒臣講說經史何事?對曰:「昨 講漢書七國叛漢事。」遂問此曲直孰在?對曰:「曲在七國。」 上曰:「此講官一偏之說,宜言景帝為太子時嘗投博局,殺吳王 世子以激其怨,及為帝,聽量錯之說,輕意黜削諸侯土地,七 國之變,實由於此。若為諸子講此,則當言藩王必上尊天子,下 撫百姓,為國家藩輔,以無撓天下公法,如此,則為太子者知 敦睦九族,隆親親之恩,為諸子者知夾輔王室,以盡君臣之義 矣。」

案專王權漢唐祕史有安王楹跋:

是書之作, 檀昔與兄等五人同於西宮問寢之日,親聆玉晉,令兄等講漢唐故事,既而命考其終始得失之由,以類記之。

是太祖嘗與諸子討論漢唐故事,其於七國反叛原委或所深悉,惟其評論兩造是非,不專咎吳濞跋扈,而謂宜言「景帝為太子時嘗投博局,殺吳王世子以激其怨,及為帝,聽鼂錯之說,輕意黜削諸侯土地。」一似影射懿文太子之逼迫燕王(見號離記)及惠帝削奪宗藩者,則頗可詫異。考明初藩封勢重,漢七國之譬,倡言已久,如葉居升萬言書:

臣觀當令之事太過者有三: 曰分封大侈也。……國家裂土分封, 使諸王各有分地以樹藩屏,以復古制,蓋德宋元孤立, 宗室不競 之弊也。然而秦晉燕齊梁楚吳閩諸國各畫其地而封之,都城宫 室之制,廣狹大小亞於天子之都,賜之以甲兵衛士之盛,臣恐數世之後,尾大不掉,然後削其地而奪之權,則起其怨,如漢之七國,晉之諸王,否則恃險爭衡,否則擁豫入朝,甚則緣間而起,防之無及也。……今秦晉燕齊梁楚吳閩諸國皆連帶數十城,而復優之以制,假之以兵,議者何不摭漢晉之事以觀之乎?孝景皇帝漢高皇帝之孫也,七國諸王皆景帝之同祖父兄弟子孫也。當時一削其地,則遂搆兵西向。……由此言之,分封踰制,嗣患立生,援古證今,昭昭然矣。

業就上於洪武間,是在<u>太祖</u>之時,已有以七國喻諸王者矣。又<u>解籍文集</u> 拾伍寄具川董倫書:

稻率易狂愚,動遭謗毀,無所避忌,數上封事萬言,有分封勢重, 輔導體輕,萬一不幸,有厲長吳濞之虞。

解疏亦上於洪武間,黃景昉謂解集無此疏,當為革除後删去(見國史唯疑), 今案解集太平十策中有「兼封建郡縣之制」及「審輔導之官」兩項, 解書所述者蓋指此,惟此文所論,平淡簡該,或盡削其違礙語,而由與倫 書相參校,知會以吳濞喻諸王也。又靖難記壹:

> 後立允炆為皇太孫,一日,允炆與黃子澄俱坐東角門,謂黃子澄 曰:「我非先生輩安得至此,爺爺萬歲後,我新立,諸王年長,各 擁重兵,必思有以制之。」黃子澄曰:「他日處置不難。」允炆 曰:「請言其方略。」黃子澄曰:「諸王雖有護衞之兵,僅足自守, 朝廷軍衞犬牙相制,若有事,以天下之重兵臨之,蔑不破矣。遵

之七國豈不強大,卒底滅亡,要之,以大制小,以強制弱,無足憂也。」

是黃子澄主張削藩,亦以七國為比,野史記諸臣勍燕,亦動引此喻。(鹽國臣紀姓善傳:「建文君用漢破七國策,貶齊黃於外。」果爾,外蓋齊黃亦師景帝罷禮雖愈。) 豈此種比喻為成祖所習聞,遂於修正實錄時偽造太祖之評語歟?蓋因此不特可以證明成祖之無罪,且兼可暗示惠帝父子之失德。惟實錄書成,成祖即位已十六年,自不能獎勵他藩亦同樣叛國,因謂「藩王必上尊天子,下撫百姓,為國家藩輔,以無撓天下公法。」前後異勢,故兩面其辭也。

第五章 皇明祖訓與成祖繼統

關於明成祖生母,近人辯論已多,然綜貫兩造持說,擇其近情理者,則成祖生於確妃、養於高后之推測,蓋可成立,茲不贅論矣。夫靖雖與師,在史家雖目爲篡奪,在成祖原詭爲繼統,革除史事,官方有僞造隱諱之處不待言,然其所以僞造隱諱之故,亦往往有其背景與根據。今卽冒嫡繼統一義,武推證之。

成祖上闕下書,每以考妣並舉,示非庶出,<u>朱彝尊</u>嘗非之,**蹑書**亭 集肆肆南京太常寺志跋:

遊之文帝自言朕高皇帝側室之子,於義何傷,而奉天靖難記每載 長陵上闕下書及宣諭臣民曰:「朕太祖高皇帝孝慈高皇后嫡子」, 考妣必並舉,壺漿欲掩,而迹反露矣。

亡友<u>李</u>// 一下一解釋曰:

其(成祖) 所以必欲冒稱嫡子之意,若曰懿文案晉諸兄為嫡子, 我亦嫡子也,諸兄已先後薨,以倫序言之,則我入繼大統,固分所 宜也。成祖既言必稱嫡子矣,他日史臣修實錄玉牒從而書之曰, 懿文秦晉燕周同為高后出也,蓋本成祖之意以明五人嫡出,與 則俱與也,所以書成之日,成祖曰「庶幾少慰朕心」,觀其言可 恍然矣。 考明太祖自即位以後,懲元積弊,舉凡政治社會兵制諸端皆有所更張改正,所著書如大誥各編、大誥武臣及明律令等,即係對此而發者,而其創制立規,以為子孫萬世取法者,則有皇明祖訓一書。皇明祖訓初名祖訓錄,太祖於洪武二年四月詔中書省編纂,迨六年五月成書,此後又歷經修改,久而後定,可見其對於此書之注重及編摩之審慎矣。書序云:

股觀自古國家建立法制,皆在始受命之君,當時法已定,人已守, 是以恩威加於海內、民用平康。蓋其創業之初,備嘗艱苦,閱人 旣多,歷事亦熟,比之生長深宮之主,未諳世故,及僻處山林之 士,自矜已長者,甚相遠矣。……至於開導後人,復為觀劃一編, 立為家法,大書揭於西廡,朝夕觀覽,以求至當,首尾六年,凡七 謄稿,至今方定,豈非難哉。蓋俗儒多是古非今,姦吏常舞文弄 法,自非博採衆長,即與果斷,則被其眩惑,莫能有所成也。今令 翰林編輯成書,禮部刊印,以傳永久,凡我子孫,欽承朕命,無作 聰明,亂我一成之法,一字不可改易,非但不負朕垂法之意,而天 地祖宗亦將宇佑於無窮矣。

又太祖實錄洪武六年五月壬寅, 詔羣臣曰:

股著祖訓錄,所以垂訓子孫, 股更歷世故, 創業艱難, 常慮子孫不知所守, 故為此書, 日夜以思, 具悉周至, 紬釋六年、始克成編, 後世子孫守之, 則永保天祿。苟作聰明, 亂舊章, 是達祖訓矣。後世子孫, 當知所以敬守祖法。

案令傳太祖實錄以經成祖修改,此文是否為成祖偽造,以影射惠帝之變 亂祖法者,則不可考。惟據祖訓序,是書係太祖由艱苦與實際中體會得來,逈非僻處山林之俗儒與舞文弄法之姦吏所能辦,故繼體之主,只應 依照定法,不可改易一字也。

次述太祖對於嫡子與庶子之態度,實錄洪武四年三月丁未: 韶凡大小武官亡殁悉令嫡長子孫襲職,有故則次嫡承襲,無次 嫡則庶長子孫。……著爲令,

五年正月戊辰:

申定武選之法。……凡武官亡故老疾征傷,以嫡長男**承襲,嫡長** 男有故,則嫡長孫承襲,無嫡長子孫,則嫡庶子孫。

十六年五月庚申:

韶廷臣擬文官封贈廕敍之制。……廢敍之例五:其一,用廕以嫡 長子,若嫡長子殘廢,則嫡長之子孫以逮會玄,無則嫡長之同母 弟以逮會玄,又無則繼室及諸妾所生者。

據此,<u>太祖</u>對庶嫡子之等差,分別極嚴,故武官世襲,文官贈曆,非至續 出無人,不以庶子承之也。太祖文集肆功臣庶子誥: 古者賞有功,官有傷,則爵分五等,其於世食祿者,必宗子承之, 庶子則庶人也。朕於洪武三年,定功行賞, 法前王之制,……且 朕有天下,諸庶子皆封王爵,立國方隅,惟功臣庶子,未有所得。 古者宗子承之而食祿,其後庶子無所存活者有之,所以朕為諸臣 庶子恐後無依,故敕中書都府皆爵以流官,儻後有能捍大忠而禦 袭侮,則功入世襲,不在流官數內。

是縱為功臣庶子,亦僅假以流官,非有捍思禦姦之功,不得比肩嫡長。明 初功臣之偶因嫡嗣幼弱而以庶長暫襲者,以余所知,僅有常遇春子茂 一人兴時遇春功高新殁,嫡子幼,故暂以茂鸌。只開國時,間有以養子或弟承襲者,乃一時能 緒諸將之法,與後來例異。)蓋以嫡不以庶,以長不以賢,此百官承襲之通 例也。

至於諸王襲封之制亦與此同, 實錄洪武二十八年八月戊子!

認更定皇太子親王等封倒册智之制。……皇太子嫡長子為皇太孫,次嫡子幷庶子年十歲皆封郡王。……親王嫡長子年十歲…… 立為王世子,次嫡子及庶子年十歲皆封郡王。……凡王世子必以 嫡長,如或以庶輕嬌,輕則降為庶人,重則流竄遠方,若王年三 十,正妃未有嫡子,其庶子止為郡王,待王與正妃年五十,無嫡子,始立庶長子為王世子。

準上所述,皇位繼承之制亦應相去不遠,實錄洪武三年四月乙丑:

册封部皇子為王, 韶天下曰: 「……朕惟帝王之子, 居嫡長者必 正儲位, 其諸子當封以王衡。……」

又洪武元年正月乙亥,封皇太子,册曰:

國家建儲、禮從長嫡、天下之本在焉。

是以嫡不以庶,與百官諸王之承襲並無二致,聚林雜俎誤信南京太常寺志載成祖或其後人所偽造懿文為李淑妃生之說,因疑高后無出,(孝陵享殿為成祖及其後人所設供,自不能取一不相干之人為成祖母,故碩妃生成祖絕無可疑,至以懿文為李淑妃生,則因成祖嫉誣之也,故此點不特不能證實碩见生成祖爲偽,且更可以證明其為真。) 庸莘曾博徵左證以明其誤(見所著懿文太子生母孝,集刊六本一分。) 實則律以太祖庶嫡等差之嚴,洪武三年册立太子時,太祖甫四十三歲,高后年三十九歲,苟高后確乎無子,案以諸王繼承之例:「待王與正妃年五十無嫡子,始立庶長子為王世子,」恐懿文此時未必能得封也。

至太祖於後世之帝位繼承,亦有明文規定,<u>皇</u>明祖訓法律章第十四條:

凡朝廷無皇子,必兄終弟及,須立嫡母所生者,庶母所生,雖長不得立。若姦臣棄嫡立庶 庶者必當守分毋動,遣信報嫡之當立者,務以嫡臨君位,朝廷即斬姦臣。

據此,帝位繼承,遇朝廷無子之時,必嫡后所生者始有資格遞補。如庶出 孽子入繼確位,則擁立者為背叛刑訓之姦臣,被立者須報知嫡子,俾**臨** 君位,卽斬姦臣。此太祖胡酌再三,七次易稿,手製之金科玉律,後世子 孫不得更易一字者也。

皇明祖訓在洪武間推行極廣,實践載二十八年九月頒祖訓於內外 交武諸司,閏九月,命大書揭於右順門內西南廊下,朝夕諦覽。旣減諸王 職米,遺使召諸王至京,諭以減祿之故,並以祖訓賜之。今北平圖書 館藏有舊鈔本,相傳為祖訓初定本,〈首章名「嚴戒」,後剩本改名「組訓首章」。)書內尚注有「內府於謹身殿東廡及乾清宮東壁上粘貼,親王宮 及內宮於東壁上粘貼,時常觀省,務在遵守」等語,可見此書在親王 宮內,必有張貼,其內容自為成祖所熟知也。又太祖文集柒命桂彥良 職王傳:

今晉無王傅,特命爾往職之。……爾旣往而至,其王府之事所以 專者祖訓錄爲規,毋作聰明,務欲靜安,毋干有司事。其助王之 道,務揚善而使之以由善,常論不德之人,當使不履其蹤,避其險 惡也。於此切記在心,則王佐之才足矣。

太祖命查良輔導晉王專以祖訓錄為規,所謂「務欲靜安,毋干有司」諸語,與祖訓儀禮法律諸章,正可相互印證。以晉例燕,當亦相同。然則成祖在藩邸之時,必久聞師傳講論,又可知也。

惠帝之施政方策,今雖無從詳知,惟據燕王上書所引巨室廣庇之喻, 即明係表示遵守太祖成憲。然以重用方黃諸人,銳意復古,(如政事仿恩 處,名教遊孔孟,以迄改易官名地名之類。)顯與太祖手定之祖訓相牴牾,此點遂 為成祖起兵之藉口,故其上惠帝書云:「不意在朝左班文職,齊尚書黃太 帶等官,俱是姦邪小人,貪墨猾吏,俱我父皇誅不盡之餘黨,又行結構為 惡。以陛下年少寬容,每用巧言欺惑,變亂祖法。豈不知皇明祖訓御製序 云:凡我子孫,欽進脫命,毋作聰明,亂我一成之法,一字不可改易,非但 不負於垂法之意,而天地祖宗亦將孚祜於無窮矣。嗚呼,其敬戒之哉! ······齊尚書又誣親王擅自操練軍馬,造作軍器,必有他圖。齊尚書明知 皇明祖訓兵衞二條,凡王教練軍士,一月十次,或七八次,五六次,其臨 事有警,或王有閒暇、則滆數不拘。又云:凡王入朝、其侍衞文武官員馬 步軍旗,不拘數目,若王恐供給繁重,斟酌從行者聽。其軍士儀衞旗職甲 仗,務要鮮明整肅,以壯臣民之觀。於洪武二十五年春,父皇太祖高皇帝 特詔諸王赴京、賜敕、內一件云:常歲訓將練兵、驗視周迴封驅險易, 造作軍器、務要精堅堪用,庶使姦邪難以口舌惑衆。敕後書云:洪武二十 五年正月二十一日早朝後午時分,朕於奉天門命翰林修撰練子寧許觀 編修吳信三員執筆聽命,朕口占以成,以示後人 以辨真偽,孫允炆親目 之後發行,故敕。臣想太祖皇帝以諸子出守藩屏,使其常歲操練兵馬,造 作軍器,為欲防邊禦寇,以保社稷,使帝業萬世固也,此豈有他心哉! 其 奈姦臣齊尚書黃太卿左班文職等官,不遵祖法,恋行姦宄,操威福予奪 之權,天下之人,但知有齊泰等,不知有陛下。」案此文初言祖訓不得更 改,繼言己定練兵造器皆有祖訓及太祖詔敕為根據,終歸結於惠帝削 藩皆係姦臣資泰黃子澄等所撥弄。蓋必如是,成祖之舉兵靖難始有名。 其移檄天下云:

予想姦臣齊尚書等必欲壞我父皇子孫基業, 邁盡無餘, 將以圖天下也,何其如此之苦毒也哉! 竊惟我父皇親親之心, 天下之人所知者。如靖江王守謙, 其祖為惡, 至於守謙, 景惡不悛, 降為庶人。我父皇思念祖宗, 尚不忍破其家, 滅其國, 復立其長子為靖

江王,諸子皆為鎭國將軍,享有爵祿,與朝廷同其永久也。今周齊 湘代岷五王皆父皇親子,縱有其惡,亦當寬恕,何况無爲惡之實 迹。皇明祖訓法律內一條: [凡風憲官以王小過奏聞,離間親親 者斬。風聞王有大故,而無實迹可驗,輒以上聞者,其罪亦同。」 姦臣齊尙書左班文職等官不遵祖訓,助君為惡,遂至如此, 使我 衆王日夜驚憂,飲食睡夢,不遑寧處,況予自父皇賓天以來,抱病 持服、未嘗一日離苦次、遵其親法、毋敢少犯、惟曰守分而已。奈 其誅滅五王,又來殺我,顧余匪才,乃父皇太祖高皇帝親子,母 后孝慈高皇后親生,皇太子親弟, 忝居衆王之長, 禮曰: 「父之 仇不共戴天,兄弟之仇不反兵。」 今 姦臣齊尚書黃太卿等, 余必 不與之共戴天,不報得此仇,縱死亦不已。故用欽遵皇明祖訓法 律內一條,躬行率領精兵三十萬,誅討左班文職姦臣,已行傳檄 天下都司並各處衞所指揮官吏,當思我父皇恩養厚德,同心皺 力,整爾士卒,礪爾戈矛,星馳前來, 共行捕獲左班文職姦臣,獻 俘於祖宗神明,令受非常之刑憲,上以正其君,下以安其軍民,使 我父皇基業以永萬世, 豈不幸哉。

此文則據皇明祖訓以證齊黃諸人建議削藩之非,又據皇明祖訓以證靖 難與師之正,檢祖訓法律第十三條:

凡朝廷新天子正位,諸王遣使奉表稱賀,謹守邊藩,三年不朝,許令王府官掌兵官各一員入朝。如朝廷循守祖宗成規,委任正臣,內無姦惡,三年之後,親王仍依欢來朝。如朝無正臣,內有姦惡,

則親王訓兵待命,天子密詔諸王統領鎮兵討平之。既平之後,收 兵於營,王朝天子而還。如王不至,而遣將討平,其將亦收兵於 營,將帶數人入朝天子。在京不過五日而還,其功賞續後頒降。

此即成祖起兵之根據,是縱齊黃諸人眞為變亂祖法之姦臣,惠帝果為 諸人所刧持,成祖與師除姦,尚有附帶之條件三:(一)受天子密詔, (二) 亂平之後即收兵於營,朝天子。(三) 留京不過五日,仍歸原藩。 凡此均與成祖之行動異、(並雖能長陵碑皆謂成祖誅除齊黃,即欲北歸,爲諸臣遮留, 途即天子位云云,乃依照此條所寫撰。) 蓋不過斷章取義、以為篡奪之藉口而已。 惟是既假祖訓為張目,依照以前所述,太祖於庶嫡尊卑分別極嚴,祖訓 曾載庶子雖長不得立, 成祖旣熟讀祖訓之書, 常聞師傅講論, 且此條 (法律十四)與其所據以起兵之條(法律十三)適前後毗連,理無不知。若 必依照祖訓,則惠帝縱然焚死,亦應擁立嫡出之子,時秦晉二王雖薨, 周齊代眠庶出,若惠帝嫡子文奎文圭及弟允熥(党妃生)允熞允煾(邑妃 生)等固健在也。若不依祖訓擁立,則成祖之所以指斥惠帝,醜詆齊黃 者,適所以自無,在二者不可得兼之時,因出冒嫡之策,故其上闕下 書,於周齊湘代岷諸王僅明其為「父皇親子,」而自稱且謂為「母后孝 慈高皇后親生,皇太子親弟, 忝居衆王之長,」實與祖訓繼統之義相照 應,而爲篡奪之張本也。

或難: 古今之叛變為亂者多矣,或成或敗,蓋皆視其武力之大小強弱以為斷,成亂舉兵篡位,路人皆知,奚必定假亂訓之義為掩飾? 縱一

軍民人等遵守,保全身命,共享太平。敢有故違者,治以重法, 欽此。

衛難訂肆,洪武三十五年六月甲戌:(實錄制)

上渝華臣曰,我皇考建造洪基,垂法萬世,思慮至周,為子孫計。不意幼冲信任姦回,悉更舊制,使天下臣民無所遵守。予荷天地庇祐,皇考休廢,統承天位,恪守成憲,凡皇考法制為所更改者,悉復其舊。

太宗實錄洪武三十五年七月甲申:

吏部言:「建文中,改舊官制,……凡中外大小衙門有創革陞降,官員額數有增減者,及所更改文武散官並合遵復舊制。」上曰:「如切係軍民利害者,可因時損益,既於軍民利害無所關涉,何用更改? 沈前人創立制度,皆有深意,今行之既久無弊,辄改何為?此其所以敗亡也,俱速改復舊制。」

又永樂元年正月乙巳:(禮部志稿或「遊訓之制」引此條作永樂元年二月)

上謂禮部臣曰:「昔我太祖高皇帝立綱陳紀,禮樂制度,咸有成規,建文中率更改,使臣民無所遵守,朕卽位以來,首詔諸司必遵舊制,尚恐奉行不逮,爾禮部其申明之。」

案以上所舉,除詔敕公文等直接史料出於當時刊布者外, 靖難記撰於 永樂間, 太宗實錄撰於宣德時,自成祖即位迄實錄成書,前後共歷二 十七年,官方記靖難事蹟已多改變,惟於詆毀惠帝之變亂祖法,則迄未 更正。 成祖消極方面既祗惠帝改制,積極方面則在步武太祖成憲,此為一事之兩面也。上舉諸例已間具此意,茲更舉其尤著者,成祖御製太祖實錄序:

天生我皇考,聖治聰明,為啓運創業之君,夫豈偶然,數十餘年 為治之蹟, 語謀之道, 光輝顯著, 昭如日月。 股命史臣纂修實錄, 垂憲萬世, 使子孫臣庶仰而承之, 遵而守之, 可以維持天下於 悠久。

太宗實錄洪武三十五年十一月己亥:

戶部尚書夏原吉言:「質鈔提舉司鈔板歲久篆文銷乏,且皆洪武 年號,明年改元永樂,宜拜更之。」上曰:「板歲久,當易則易,不 必改洪武為永樂,蓋朕所遵用皆太祖成憲,雖永用洪武可也。」 永樂十二年二月癸亥:

百官奏事單,上退坐右順門,所服裏衣袖敝垢,納而復出,侍臣 有贊聖德者,上嘆曰:「除雖日十易新衣,未嘗無,但自念當惜 福,故每滸灌更進,昔皇妣躬補緝故衣,皇考見而喜曰:身后居富 費,勤儉如此,正可以為子孫法。故於常守先訓,不敢忘。」言已 馆然。

二十二年五月丁酉:

駐蹕清平鎮(時征堂点),宴隨征文武大臣,命內侍歌太祖御製詞 五章,因舉問渝諸大臣曰:「此先帝垂渝創業守成之難,而示戒 荒経酗酣之失也。股嗣先帝鴻業,兢兢惟恐失墜,雖今軍旅之中, 君臣盃酒之猷,不敢忘也,尚相與共勉之。」

以上雖有史臣文飾之辭及成祖權譎之語,然亦可見成祖自即帝位至衰 老,表示踵武太祖之法,迄未變易。又朝鮮實錄載有成祖口旨,參以前 引金陵梵利志欽錄集,更可以為此事之積極左證,李芳遠實錄伍,三年 (永樂元年)四月甲寅:

使臣黃儼等費來宜渝聖旨,內永樂元年二月初八日……禮部尚書李至剛於本部說道,上位有聖旨,但是朝鮮的事,印信誥命曆日恁禮部都擺布與他去,外邦雖多,你朝鮮不比別處,君臣之間,父子之際,都一般,有孝順識理的孩兒,有五(忤) 遊不孝不識理的孩兒。不識理的孩兒有不是處呵,不怪他,識理的孩兒九遍至心孝順呵,一遍有些不是處,連那九遍的心都不見了。如今上位件件都依效著太祖行,每日把那洪武二年三年以來發去外邦的文書,外邦來的文書,太祖做的詩,都每日看,你那裏也將洪武二年三年以來文書字(母) 細看,幾時的文書有好話,幾時的文書有怪(壞)的話,恐怕因走去的小人兒有些不是處,把從前的孝順都不見了,這件最是打緊的事,你把這旨意的話對國王說,休要撒了上位的厚恩。

此言成祖不特效法太祖,且認朝鮮亦習為之,檢楊士奇李至剛 墓表: 「太宗皇帝入正大統,公來朝,大臣有言其才,且洪武舊人,遂以為通 政司右通政。方修洪武實錄,公與焉。旦暮在上左右,道說洪武中事, 甚親密。」然則至剛之得君專龍,並與其熟諳洪武掌故有關,成祖摹倣 太祖之言正轉述於至剛之口,故其史料價值彌可貴也。

總之,成祖指斥惠帝不遵祖憲既如彼,而己則效法太祖又如此,皇 明祖訓為太祖精心結撰之重要法典,書中明標不許庶子繼統,成祖及其 後人又豈肯自明所出以前後矛盾哉!此官書難言之隱曲也。

或又曰:成祖以靖難之故,既迭改太祖實錄矣,今本祖訓於諸王之權限實甚寬,故成祖得據為反駁惠帝之籍口,此種條文是否為成祖所偽造?果成祖必以祖訓之故諱生母,何嘗不可依照改太祖實錄例,將此條文删除或改易?又訓祖頒行甚早,經太祖迭次修改,何以知成祖所依據者必為今傳之本乎?

答曰: 皇明祖訓尚存有洪武刊本,今因僻處巴蜀,雖無由與校其同異,惟明初諸王僅下天子一等,假以軍權,寵以厚祿,其待遇原甚優,葉伯巨解縉等已於洪武問疏言之矣,自非成祖所擅改。果改之,當成祖起兵時尚可偽造條文為根據,追即位以後,削奪他藩,又何管不可偽造限制藩王之條文。而其後來所改訂者理應傳播較多,何以今日所見祖訓並無此本乎? 至成祖以下諸帝雖以靖難之故竄改史書,惟祖訓為其基本依託之立場,並未絲毫改易。皇甫錄皇明紀略謂「皇明祖訓所以教戒後世者甚備,獨委任閱人之禁無之,也以為怪。或云本有此條,因板在可禮監削去耳。」四庫提要曾據永樂大典本與今本相同以證錄言之誤,惟永樂初宦官已漸專權,故提要之言並不足以證明祖訓在永樂初並未改易,只可謂自大典以後之本未改而已。今更舉一旁證,可以反映即

在永樂五年以前(大學基成在水樂五年十一月)亦宗改易者, 測訓首章列東 北不征國朝鮮下注云:

即高麗, 其李仁人及子李成桂令名旦者,自洪武六年至洪武二十八年,首尾凡弑王氏四王,姑待之。

學成桂(朝鮮太祖)雖為李仁人黨(據王世貞訊,見身山堂別集或陸史樂考談七。) 實非其子,其仁人以曾弑王顗之故亦為鮮人所不齒,故朝鮮嗣王見祖 訓條文每為之申辨。其辨誣最早者在永樂間,李芳遠實錄陸,三年(丞 樂元年)十一月己丑記:

遠司平左使李彬、驪原君図無恤如京師謝恩,衆進宗系辨明奏本也。奏曰:「洪武三十五年正月初八日,陪臣趙温回自京師,說稱祖訓條章,內云臣芳遠宗系是李仁仁之後,聽此不勝兢隕。……竊念臣父先世本朝鮮遺種,至臣二十三代祖翰仕新羅為司空,及新羅亡,翰六代孫兢休入高麗,兢休十三代孫安社仕於前元,是臣父旦古名成桂之高祖。及元季兵興,臣祖子春遠至高麗,以臣父粗智武才,置之行伍,恭愍王無子,將寵臣辛耻子屬陰養宮中,稱為己子,及恭愍王薨,其臣李仁任乃立觀為嗣,臣父自恭愍王至偽姓覊,十六年間,小心謹慎,及禑末年,舉臣父自恭愍王至偽姓覊,十六年間,小心謹慎,及禑末年,舉臣父為門下侍中,繼有侍中崔瑩不學狂悖,諂事禑,納女為妃,專擅國政,妄與師旅,發遺諸將,欲向遼東,軍至鴨綠江,臣父時為副將,亦在遺中,以為與其得罪上國,等為得罪偽姓,以安一方,乃與諸將合議回軍,立王氏之後定昌君瑤,以仁任等冒立偽

姓,論罪貶逐, 藏及子昌并瑩皆為所誅, 瑤又不義, 國人推戴臣 父權知國事, 即具奏聞, 欽蒙太祖高皇帝命為國王, 故賜國號, 臣 父成柱始改名旦。且仁任會祖長庚, 係本國京山府人吏, 祖政 堂文學兆年, 父同知密直褒, 仁任子前大護軍職、考功佐郎珉 曾任高麗, 壻判承寧府事姜筮、尙州牧使權執經見仕本朝, 於 臣宗系各別, 伏望聖慈垂察, 令臣宗系得蒙改錄, 一國幸甚, 謹具 奏聞。

朝鮮使臣於建文四年(洪武三十五年)正月回返本國,其朝中國當在此前, 時成祖尚未攻取商京,則其在京師所見之祖訓,自係建文或其以前之 刻本或寫本,其所謂祖訓所載之李仁仁者卽今本之李仁人,(應作「李仁 任」)此由朝鮮使臣以同音致誤,朝鮮實緣中似此之例甚多,如李自成 作李子誠、張獻忠作張顯忠、紀昀作紀均者是,非建文問本有異於今 本也。又同書柒,四年(永樂二年)三月戊辰記成祖徇朝鮮之請,准予 改正祖訓:

> 謝恩使李彬閔無恤賀正使金定卿等回自京師,費禮部咨文來,其 文曰:一、宗嗣事。朝鮮國王李芳遠奏,洪武三十五年正月初八 日,陪臣趙温回自京師,說稱祖訓條章,內云臣宗系是李仁仁 之後,釋念臣父成桂先世本朝鮮遺種,事高麗,後國人推載權 知國事,具奏,欽蒙太祖高皇帝命為國王,賜改號,臣父成桂始改 名旦,且李仁任祖於臣宗系各別,奏乞改錄,一國幸甚。本部尚 書李至剛等欽奉聖旨,朝鮮國王奏,旣不條李仁任之後,想是

比先傳說差了,准他改正欽錄。

朝鮮於成祖郎位後,遣陪臣河崙等入賀(見太宗賈錄法武三十五年十一月乙已條),據芳遠皆錄陸,三年(永樂元年)十一月丙子,「上語近臣,予問黃儼(中國使鮮之太監)曰:皇帝何以厚我至此極也?儼曰:新登寶位,天下諸侯未有朝者,獨朝鮮造上相進賀,帝嘉其忠誠,是以厚之。」是因此頗博成祖數,故朝鮮遺使辨誣,成孤亦樂於允准,然觀朝鮮後世仍續為申請(見朝鮮實錄及問實等),今傳之本於此亦並未改正,此事至神宗時始予昭等,然所改者為萬曆會典而非皇明祖訓,豈不因祖訓為太祖手定,縱灼知其誤,有帝王諭旨,而終不能更易一字歟?(夏言桂洲文集取拾敕蠡朝鲜

至皇明祖訓雖歷經太祖修改,惟依常情判斷,成祖為貫徹其遼奉祖訓之立場,所依據者應為晚出後訂之本,今本祖訓首章朝鮮國下注:「其李仁人及子李成桂今名旦者,自洪武六年至洪武二十八年首尾凡弑王氏四王。」則此本當出自洪武二十八年以後。又大祖實錄洪武二十八年十月癸巳:

上以子孫恭衆,命名之際,慮有重複,乃於東宮諸王世系各擬二十字,每一字為一世,以某字為命名之首,其下一字則臨時取義,以為二名,編入玉牒,至二十世後,復擬續增。

令本禮儀章各王位下並有五絕一首,二十字,更可進斷此本成書在洪武 二十八年十月以後,亦即太祖晚年之定本。而以此本與成祖書檄所引 祖訓各條校,無不相同,故知成祖所依據者即介本也。 族照以上所述,則三修太祖實錄關於帝位繼承方面之改寫亦有蹤 跡可尋,靖難記嘗謂懿文以飛語誣成祖,事之然否不可知,然可見二人 之間必有芥蒂。洪武十年,詔以政事並啓太子處分,唐肅密菴稿辛卷送 陳中瑩之所陽錢季貞應水河縣丞車義初歸京師諸序,皆作於洪武間,文 中以太子與高帝並舉,具見懿文在當時之重要。迨洪武二十五年薨,計 聽政十五年,方孝孺輓詩所謂「監國裨皇政,憂勞二十年」及「文華 端國本,潛澤被寰區」者(鬼遜恋齊集),似非完全溢美,而實錄則於其 治國理獄政績,一概削去,可見成祖之深城懿文已。惟實錄不諱懿文為 嫡生長子,且不諱其為合法之繼承人,如吳元年十月乙丑遣世子標次 子樉往臨濛謁陵,諭之曰:

汝他日皆有國有家,不可不戒。

又洪武元年正月癸未, 戒康茂才等驕恣:

「今吾以直言告汝,常相警戒,非止在於汝身,汝又當以朕意 訓汝子孫,則可與國同其久長矣。」時皇太子侍側,上指謂之曰: 「太子年幼,未歷世故,朕嘗以此意誨之。使他日汝子成立,與吾 兒共享太平,常如今日,則子子孫孫無有窮也。」(茂才子傳,時侍皇 太子兼會大本堂。)

是皆以<u>懿文</u>生時,太祖欲傳以位,不似後來之欲立成祖者。實錄館臣 所以敢於書此者,固因太子早薨,已不成成祖之爭位對象,而太祖旣手 定嫡長繼統明文,太子為洪武間立,自係嫡長無疑。亦無法誣詆之也。

至對惠帝則有間,實錄洪武七年十月己未:

皇嫡長孫雄英生。

十年十一月己卯:

皇第三孫允炆生,皇太子次子也。

十五年五月己酉:

皇嫡長孫雄英薨,上國悼輟朝,葬鍾山,侍臣皆素服徒步送喪,追封虞王,諡曰懷。

是惠帝原有長兄雄英,生九歲天折,(英除遺事節本謂雄英為惠帝弟,果爾,則上女當係有意偽造者。)實錄謂太祖哀悼,實正烘瀬其不滿於惠帝,惟惠帝之立為皇太孫在洪武二十五年,自亦不能毀之為庶出,故僅削去「嫡」字,謂為「皇第三孫」,與記雄英為「嫡長孫」者,區以別矣(雄英為懿文元如常氏生,惠帝為繼如呂氏生。常如薨於洪武十一年,是惠帝生時,常如尚健在,惟呂如時與常如並受册封,同為正妃。)

至記惠帝之子則更不然,洪武二十九年十月甲寅:

皇曾孫<u>文奎</u>生,皇太孫<u>允炆</u>長子也。上曰:「十月數之終,又生 於晦日」,命內庭勿賀。

此文亦不著明文奎為正妃馬氏生,(氏於洪武二十八年斯為皇太孫妃)時太祖 已六十九歲,得生會孫之訊,例以前述嫡長繼統觀念,理應獻慰,而此言 拘牽俗禁,命內庭勿賀者,蓋偽謂太祖不欲其繼統也。

實錄洪武十五年八月丙戌馬皇后傳,記后於諸子之中,獨愛成祖:皇后生皇子五人:長曰標,懿文太子,次傳,封秦王,次棡,

封晉王,次今上,次據,封周王,……今上初生,有雲龍之祥,后 甚異之。后等事徵時騰諸子在原野間,卒遇寇至,皆紅巾,甚恐, 適今上以馬進,扶后上馬,復躍馬從,寇見今上,皆辟易遁去,后 與諸子從容而還,途覺,故獨鍾受於今上馬。

築<u>靖</u>難記問<u>懿</u>文太子失愛於父,<u>太</u>礼 欽廢之,就商於后曰:「**諸子中無**如<u>那</u>王最仁孝,且有文武才,能撫國,吾所屬意。」皇后曰:「**愼勿言恐** 泄而禍之也。」其事顯不可信,故實錄創去,僅謂成祖生有**祥徵**,后所 鍾愛,如是,則其在嫡問諸子中之地位超卓,不待言矣。洪武二十五年四 月丙子,太子薨,戊寅,實錄載:

上御東角門,召廷臣渝之曰:「朕老矣,太子不幸,遂至於此,命也。古云,國有長君 社稷之福,朕第四子賢明仁厚,英武似朕,朕欲立為太子何如?」翰林學士劉三吾進曰:「陛下言是,但置秦晉二王於何地?」上不及對,因大哭而罷。

此又偽造太祖意在長君,欲立燕王, 以格於秦晉二王而止, 迨洪武二十八年三月,秦王薨。三十一年二月,晋王又薨,故是年閏五月乙酉,太 祖病亟, 實錄又載:

即遣中使持符召令上還京,至<u>淮安</u>,用事者矯<mark>紹卻還,上不之知</mark>也。疾亟,問左右曰:「第四子來未?」言不及他。

此仍言太祖欲傳位成祖, 皆所以為後來意奪之伏筆也。

推實錄之意,以為已上諸人均有資格繼承太祖帝統,至於應立何人,則以太祖對諸人之親疎及愛情以為斷,當懿文旣薨,惠帝焚死,(臺

帝焚死與否,並無積極證據,惟焚死之說出自官書,蓋不如是,無以解成租周公輔成王之記 擊。)雖理應惠帝長子文奎繼承,惟文至以生日不吉,不為太祖所鍾愛, 雄英及秦晉二王又早物故,若惠帝幼子(文生)及弟(吳王允遜衡王允堅徐王 尤燦等),既弱不更事,且繼承太祖之統,亦較成祖為疏遠。然則律以祖訓 明文(兄終弟及),希承太祖造旨(屬謂有立燕王意),固僅有成祖應嗣立己。

明代諸帝於法祖曰號雖相沿遵守,而事實方面殊難循舊規,武宗之傳位世宗,嘉宗之傳位思宗,遺詔並引祖訓兄終弟及之交,沈德符云: 「兄終弟及,蓋指同父弟兄,如孝宗之於與獻王是也。若世宗之於武宗,乃同堂伯仲,安得援為親兄弟?」因譏楊廷和草武宗遺詔之失檢,(是緊護國民)祖訓」係)實則祖訓注重之點,不特在同父兄弟,抑且在正后嫡產,孝宗母紀后,與獻王母邵妃,(世宗即命,尊為太后。)嘉宗母王后,思宗母劉淑女,(思宗即位,道尊為太后。)故以與獻王繼孝宗之統及以思宗繼蓋宗之位,皆與祖訓不合。又光宗母王妃,而正后王氏無出,神宗之稽逞立储,固別有用心,(欲立鄭遺妃子)至所引祖訓待嫡之說,則未嘗無理,而廷臣之爭國本者,反支離其詞,曲解原義。然則祖訓眞諦,即明代淹貴故實之人,已不甚明瞭矣。明正后生子者少,庶嫡之限久不為後人重視,宜乎成祖冒嫡之久被忽略也。

第六章 惠帝與朝鮮

明清史籍之記惠帝與朝鮮關係者,以文獻無徵,致多關漏,今蔣朝 鮮方面之記載,可以據而訂補矣。請先言其國王之世系,明史叁貳拾朝 鮮傳記:

建文初,(岡王季) 且表陳年老,以子芳遠襲位,許之。(中國史籍之即李王世系者多尚此,不具事。)

據朝鮮實錄,其國王世系:太祖康獻王李旦之後,為定宗恭靖王職,(初名芳果,即位後更名。職實錄為世祖李璞時後,屬號為惠宗李淳時道奉。)職後為太宗恭定王芳遠,是旦與芳遠之間尚隔一干。職為旦第二子,於洪武三十一年八月立為世子,建文元年正月,旦請老,以職攜知國事,職實錄壹,元年(建立元年)六月丙寅,載有明禮部核准之咨文:

賀登極使右政丞企士衡、陳慰使政堂河崙、進香使判三司事便 長壽捧禮部咨文回自京師。上冕服躬迎,百官具公服上箋稱賀。 咨文曰:「建文元年四月二十五日, 准朝鮮國咨,該本國王年老 疾病,已令男職權署勾當,咨請奏聞,明降施行。本月二十六日 早朝,本部尚書陳迪等官於奉天門欽奉聖旨:已先太祖皇帝詔 諭本國儀從本俗,法守舊章,聽其自為聲教,今後彼國事務,亦 聽自為,欽此。擬合移咨,照驗施行。」

噬立二年,遜位於弟<u>芳遠</u>,即旦之第五子也,<u>惠帝</u>初以情節離奇,頗

疑其許。故禮部选咨朝鮮查詢之。<u>芳遠實錄</u>會,元年(<u>惠文三年</u>)三月 乙丑:

判三司事禹仁烈、簽書義興三軍府事李文和等費體部咨文回自 京師。咨曰:「建文三年正月初八日,欽奉敕旨,股惟天地之常道 不過乎誠,人君之為治不過乎信,苟為下者於信有所不足、人君 亦豈可以不信待之哉。近爾禮部奏朝鮮權知國事李徽欲以其弟 李芳遠繼其後,及請酷印曆日, 朕見其使來意懇切, 即可其請, 遺使獅印誥往正其名,且許以其弟為嗣。使者去不句日,忽滾東 奏至,李曔又報忽得風疾,眩於視聽,已於建文二年十一月十一 日令其弟代知國事,朕甚異焉。噫,李璥之以疾讓弟、果出於誠 心歟?抑其父李旦寵其少子而易之位歟?無乃其弟陰爲不義歟? 或者嘗試朝廷而有侮玩之意歟? 豈其國中有內難而然歟? 孔子 不逆許,不億信,然而以先覺者爲賢、已令迫使者還、復念其佇望 使臣想已至其國,待其回日,更為區處。爾禮部可追其使回、論以 朕意。如敕奉行,欽此。除欽遵外,今將欽奉旨意備書前去,合行 移咨知會。

又閏三月甲辰:

參科義與三軍府事<u>小子安、簽書義與三軍府事李</u>詹等新禮部咨 文回自京師,咨曰:「建文三年正月十六日,准本國咨,權知國事 李璥因素息風疾,眩於視聽,於建文二年十一月十一日, 令弟芳 遠權署國事,本月十七日早朝,本部官於奉天門奏,奉聖旨,朝鮮 本禮文之國。虧位襲職之事,前已敕爾禮部移文報他知道,今其 使臣到,恁禮部家再回文書去,他若果無虧天理悖人倫的事,任 他國中自主張。」

後朝鮮辨释敬之思病是實, 惠帝遂頒封誥, 同年六月己巳:

帝造通政寺丞章謹、文淵閣待詔端木禮來錫王命,謹禮持節至,設山棚結綵,備解禮百戲,上御紗帽團領。具儀仗鼓吹出迎於宣義門外,百官具公服以從,導至無逸殿宣誥命。奉天承運皇帝誥曰:古先哲王之為治,德窮施普,覆育萬方,凡厥有邦,無間內外,閔不臣服,爰樹君長,俾又其民人,以藩屏於夷夏。朕承大統,師古成憲,咨爾朝鮮權知國事李芳遠襲父兄之傳,鎮綏茲土,來效職貢,率禮克誠,以未受封,祈請勤至,茲庸命爾為朝鮮國王,錫以金印,長茲東土。嗚呼,天無常心,惟民是從,民無常戴,惟德是懷,爾其懋德,以承眷佑,孝友於家,忠順於上,仁惠於下,俾黎 以受福,後昆昭式,永輔於中國,啓土建家, 匪德莫宜,可不敬哉。」

案職雖病廢,其讓位於弟,實被迫使然。惟職之受封與芳遠嗣立均承惠 帝韶敕,本末甚明。李旦建國於洪武二十五年,遜位於三十一年,芳遠即 位在建文三年,遜位於永樂十五年(傳子蘭),其父子之通明事蹟,中國 記載雖有削删,然大部尚採入明太祖成祖兩朝實錄,獨是職之立為世 子在洪武三十一年八月,太祖已先於是年閏五月薨,請封之典自不能 載入太祖實錄,其在位年限。即由建文元年至二年,惠帝既無實錄可後, 又無他書可證,故其事請全部湮沒。建文問之政治措施多不可考,惟此 咨文詔敕以關涉朝鮮,尚得在吳國保存,故具錄之,亦以補史乘之關佚。 又皇明祖訓列朝鮮為東北不征之國,而統拠惠帝前後詔敕及禮部咨文。 文温誠虔,大抵遵守太祖「儀從本俗,法守舊章、聽其自為聲教」之 成規,此亦惠帝奉行祖法之具體例證也。

次。一般鮮在靖難期間所持之態度。成刑藩
封北平、其舊意樂師、蓋 準備已久,朝鮮地勢以與遼東戰連,互相犄角,故頭為其注意,芳遠實 錄玖,五年(永樂三年)六月辛卯平壤府院君趙浚傳:

辛未(选武二十三年)六月,入智聖節,道經北平府,太宗皇帝在燕 邸,傾意待之,浚退語人曰:「王有大志,其殆不在外藩乎?」 旦實錄陸,三年(选武二十七年)十一月乙卯:

我殿下(謂李芳遠,時赴京送明朝犯人。)回自京師。……殿下過燕府, 燕王(原注:「即天宗皇童」)親見之,旁無衛士,唯一人侍立,温言 禮接甚厚,因使侍立者饋酒食,極豐潔。殿下離燕,在道上,燕 王乘安舉朝京師,騙馬疾行,殿下下馬見於路側、燕王停駕,極 手開罷帷,温言良久乃渦。

同書捌,四生(洪武二十八年)十一月丙寅:

節日使金立堅回自京師,曰:通事宋希靖、押馬權乙於等被流遐 方。初,計稟使金乙祥道經燕邸,(明實錄法武二十三年七月甲辰,高剛遭 北臣金乙群送故元伯伯等到京。)復於上曰:燕王謂臣曰,「爾國王何不送馬於我?」上信之,立堅去時,仍附鞍馬以送,燕王受之以聞,帝曰:「朝鮮王何得私交!」乃流希靖乙松於金齒衞,再流騰衝府。

芳遠實錄肆,二年(建文四年)十一月己丑:(時成盟已即位)

上與<u>俞士吉等曰:「我國自高皇帝時臣事朝廷</u>,今聖上(<u>成</u>里)在 燕都, 燕近東方,故待我國人偏厚。」

案明制藩王出城省墓亦須奏請,二王俱不得相見,(見更史蔗王應贊)此為 後來限制較嚴之法,非其朔義。惟明初藩王不得接見外國使臣,則彰 彰可考,茲復揭芳遠實錄中一則以為例,實錄拾伍,八年(永樂六年) 四月庚辰,記世子李禔赴南京朝貢事:

世子還至北京, 詣趙王宮鮮, 王使左長史顧晟傳旨免禮, 曰:「今在衰經, 不可受禮。」(案指仁孝皇后喪, 后薨於永樂五年七月。)賜表裏各十匹, 曰:「人臣無外交之義, 來時禮物所不當受, 然以世子之誠, 受而奏聞, 今還告歸, 無以爲禮, 聊此爲贈。」

永樂初年矯建文學政, 馭諸藩尚寬, 趙王高燧為成祖愛子(時機奪儲位), 視其他諸王尤為龍異, 然尚云「人臣無外交之義, 」受物必以上聞, 則 揆之太祖峻刑嚴法之世, 更可推想, 故成祖之厚遇鮮使必非太祖所及 知, 其索馬上聞, 容為情勢所不得已, 而其所以冒茲厲禁者, 則為聯絡東 藩以示好國也。

迨靖荣兵起, 惠帝颇以朝鮮之態度為疑慮, 故亦力為拉權, 採修

柔政策,芳遠實錄壹,元年正月辛巳:

賜<u>崔潤</u>馬一匹,潤為聖節使<u>李至</u>書狀官,還啓皇帝(<u>惠</u>金)待慰 甚厚,且謂戊辰振旅之功莫大,使禮部主事<u>陸顯</u>、鴻臚行人<u>林士</u> 英寶捧詔書賞賜,已過鴨綠江。上喜,有是賜。

梁戊辰為洪武二十一年,時高麗國王辛福以大將李成桂寇遼東,成桂中叛,廢碼而立其子昌,此舉明為成桂後來篡逆之張本,而惠帝在即位兩年以後,甫盛款鮮使,獎論其十三年前未犯中國,非故示懷惠,將何以詮解乎?同書是年二月乙未,載陸顒等將詔至:

朝廷使臣禮部主事陸顯、鴻臚行人林士英奉詔書來,設山棚結 綵儺禮,上率百官以朝服迎於郊,至議政府……宣詔。「奉天承 運皇帝詔曰:中國之外,六合之內,凡有壤地之國,必有人民,有 人民必有君以統之。有土之國蓋不可以數計,然唯習詩書知禮 義,能慕中國之化者,然後朝貢於中國,而後世稱焉,否則雖 有其國,人不之知,又或不能事大,而以不善聞於四方者亦有矣。 惟爾朝鮮習箕子之教,素以好學嘉義聞於中國,自我太祖高皇 帝撫臨萬邦,稱臣奉貢,罔或怠肆。暨朕祇受遺詔,肇承丕緒,即 遺使弔賀,時在諒陰,不遑省答,及茲服除,會北澔宗室不靖,軍 旅未息,懷綏之道,迨今缺然。惟爾權知國事李璥能敦事大之 禮,以朕生長,復修貢篚,心用嘉之。今遺使賈賜建文三年大統曆 一卷,文綺紗羅四十匹,以答至意。爾尚順奉天道,恪守潘儀,毋 惑於邪,毋忧於僞、益堅忠順,以永令名、俾後世謂仁賢之教久而 有光,不亦体乎!故茲詔示,宜體眷懷。」

時職已讓位、惠帝猶未及知,故此詔載入芳遠實錄中。建文三年以前, 帝之所以未及懷級朝鮮者,蓋因燕之勢力尚未強大,此時則成祖率兵 深入,遼東孤歷。朝鮮可舉足重輕,詔文以「毋惑於邪,毋忧於偽」相 勸勉,明係懼為成祖所利誘、至「益堅忠順,以永令名」,似又希其積 極之援助,持此與上條相印證,則惠帝之懷柔政策更為明顯矣。

時朝鮮不特未被成祖所收買,終且積極佐助<u>惠帝</u>,芳遠實錄嘗載 帝遺使至朝鮮易馬,茲损錄如次:

芳遠實錄貳,元年九月丁亥朔,朝廷使臣太僕寺少卿祝孟獻、禮 部主事陸顯奉敕書來。……〈韶文見第四章第五節,時賞賽國王綺絹,譽寫 周之越裳,亦懷柔意。)

兵部咨曰:建文三年六月十二日,太僕官文武百官早朝於春天門,欽奉聖旨,朝鮮國多產馬匹,前日國王好意思進馬三千匹,已命遼東都司給與官軍騎坐了,如令再用些勘戰的馬,差人運著段匹布納藥材,就教太僕寺少卿祝孟獻,禮部主事陸顒去易換好馬一萬匹,恁兵部行文書教國王管事的官每知道,於官民有馬之家,照依那裏時價易換,將來不要虧苦他,欽此。本部今將聖旨事意備云前去,理合移咨知會,欽遵施行。易馬一萬匹,運去段匹等物,各色崇絲生銷縣布,藥材木香乳香丁香黃蓮丹砂澹礬川芎縮砂肉豆蔻良姜白花蛇。

辛丑, 朝廷國子監生宋鎬相安王威劉敬等四人費馬價來, 文綺

絹緜布九萬餘匹及藥材,用車一百五十輛、件馬三百馱入京。

十月庚申, 上如太平館, 餞監生王咸, 以咸領初運馬一千匹還 朝也。

辛未, 監生劉敬押二運馬一千匹還。

始給馬價,上等馬段子則四匹,絹則十匹,中等馬絹則八匹,蘇 布則十二匹,以白花蛇木香乳香等諸般藥材並給之。

癸未, 監生朱鎬押三運馬一千匹還。

十一月乙未、監生相安押四運馬一千匹還。

同書叁,二年(<u>建文四年</u>)二月壬午,監生柳榮押五運馬一千匹還。

三月丙午,監生董暹押六運馬一千匹而還。

五月癸未朔,監生<u>平</u>堅張緝等押七運馬而還,三運馬價段子一 千五百匹,絹一萬三千匹,縣布六千五百匹,其交易馬數一千六 百二十四匹也。又以遺在段子九百二十八匹,絹五千三百八十 匹,縣布三百八匹,易馬九百九匹,隨後入送。

粮上各項共馬七千匹,未足一萬之數,即徇朝鮮之請而停止,(芝達實錄: 二年三月丁未,朝廷兵部春久到,其春文曰:「本部欽奉聖旨,易馬七千匹,今已易來,朝鮮 不能充一萬之數,則不可強易,使臣可回來。」)然合之以前所進三千匹,則仍足 一萬之數矣。以朝鮮萬匹之馬供給遼東士兵,其勢搗虛西進,足以震越 全局,後因人謀不減,雖先後失敗,然朝鮮不為成祖利誘,始終遵奉朱 明正統,此種態度則殊可注意也。

等物,使卻而不受。又使判司農寺事度眉壽善辭以餽,越等曰: [國王以君子待吾等數?]固辭,竟不受。

後遺太僕寺少卿祝孟獻等貿馬,同書貳,是年十二月庚午又記:

太僕寺少卿祝孟獻、禮部主事陸颙等還,上率百官餞於西郊。孟獻等之將還也,以黑麻布白紵布為塵,太上王(奎旦)及上王(奎敬)亦以黑麻白紵布贈之。孟獻曰:「衣服皆國王所賜,恩已厚矣,又何如此乎。遼東人知之,則謂我受贈,不公於易馬,則累及國王矣。」

「题亦不受。

孟獻之始至也,上贈裝金束香帶,受而帶之,及歸還之,唯求買輸 上輸筋各十、銀湯罐一而歸。

建文四年,遺鴻臚寺行人潘文奎往錫國王冕服,同書叁,是年三月載:

甲申, 上贈衣一襲於潘文奎,不受,文奎但至闕陳謝而已。

丁亥,使臣<u>潘文奎</u>還,上餞於迎賓館,<u>文奎</u>温雅風流,清不近貨,唯求詩卷。

其餘如兵部主事端木智、禮部主事陸顯等,雖偶縱情妓酒,絕無徵索陋智,後天啓間姜曰廣出使,以不攜中國一物往,不取朝鮮一錢歸,至傳遍中國,譽治東藩,(見明史本傳,賴軒起京及朝鮮仁聖李倧實錄等。)上舉諸人行誼,方諸姜氏,殆無遜色,可見惠帝用人之得體。然在中國方面之記載,則一垂盛名於永久,一泯事蹟於來撰,(靈禮列瘤記藏孟獻傳,僅記其姓名醫里,無他事瞭。黃淮介養果有送端木智使朝鮮市馬詩潘文奎使朝鮮詩,皆無從知其作於建文時,至他書記諸人使鮮事者,為不詳,不具等。)非得芳遠實錄對勘,何以發此久覆乎1

又明代簡派使臣,凡關封賞之事,概以內監充任,(其餘正副使則遺廷臣之有 學行者。)檢朝鮮實錄,永樂間所派之內監最多,騷釋亦最甚,(洪武時,間亦 遙遠內監,然遠不如永樂時多。)而惠帝則於封賞詔使,亦以文臣為之,奉天婧 難記以「倚信閱豎」為惠帝罪狀之一,孰知與事實適相反乎!洪武間, 學校與科舉並重,國學出身,可選爲州縣正官,後來漸重科舉,進士為入 仕正途,監生資格不能與之相比,太祖以監生習吏事,謂之歷事監生, 惠帝詔使徵馬,豈師其遺意?此又惠帝奉行祖法之又一例證也。

由於上述種種,惠帝在鮮,似遺念甚深,芳遠實錄:「四年九月已酉, 召成石璘趙浚等議事。上曰:大抵人心懷於有仁,建文寬仁而亡,永樂 多行刑殺而與,何也?逡對曰:徒知寬仁而紀綱不立故也。」今案趙浚論 惠帝失敗之故,頗中肯綮,惟時去南京淪陷已兩年,追論舊事,猶以 「人心懷於有仁」稱道之,可見其景仰之篤。列朝詩集載芳遠獻大明永 樂皇帝詩,指斥惠帝,備極阿媚,(見第四章第三節丁項)錢氏注云:

吳人愷懋賞曰:「朝鮮乃箕子之國,然世遠教衰,三仁之風泯矣。 悲夫!」慎生評芳遠此詩,以其有「未僇鯨鯢」之句而深非之也, (此句解釋見前) 芳遠父子弑王氏四君, 殺忠臣而竊其國,其為此 也,吾無譏焉爾。殺父而訾其袗他人之兄,不以迁乎!

令以此詩與芳遠實錄對照,則知此等諂諛之言,殊違其本衷,<u>慎錢</u>兩氏 譏評,非篤論也。

第七章 漢王高煦之變與惠帝史書之推測

成祖次子漢王高煦矯健多力,端雜兵起,成祖屢頻於危,多賴營脫。 後恃功驕恣有異志,永樂十四年,封國樂安,(今山東惠民縣)宣德元年 反,宣宗率兵親征,始克平定。漢王之叛與成祖之靖難絕相似,惠帝與宣 宗之處境亦略同,特其失敗與成功適相反耳。夫治史貴有相反之記載, 始能比較互勘,藉求眞相,今惠帝史書,既久遭焚燬,漢變一案,又僅存 官書,自是一極大缺憾。茲擬從官書所載漢王史事之先後不同、及實錄 記兩案之態度互異上,推究其反對方面之記載,其事雖無明徵,或亦解 中之一法數?

奉天靖難記記高煦戰功與太宗實錄異,茲略舉數則以示例:

<u>秦天岭</u> 難記		太宗武飾	
卷二, 洪武三 十三年 四月庚 申	漢王率都指揮張玉朱能丘福等馬步齊進。上見賊濫馳馬,越堤逆之,佯以鞭後招,賊疑有伏,不敢追踰堤,止於堤傍。適漢王率精騎千餘至,上曰:「諸将正鏖戰,爾何故來?」漢王曰:「我聞至尊以數騎當 城衆,故來。」上曰:「善戰渡,爾進	卷六, 建文二 年四 年	(上)乃麾張玉朱能丘 福等馬 步齊進。上復驢馬越堤逆 之,佯以鞭招後,敵疑有伏,不 敢踰堤而止,遂相持。
卷三年 四 五 年 三 年 五 長	擊賊。」 漢王率衆接戰,彼此相持。 上命漢王守營,親李精鵬二萬人,持 模權,三日至魏河。	卷八, 四年三 月壬辰	途視率樹騎二萬人,持糗備,三 日 至淝河。

同年四	賊衆皆過橋布陣,漢王率都監法武	同年四	敵衆途度橋布陣,我將法武率
月丁卯	內官狗兒領虎貫士自林問突出擊之。	月丁卯	勇敢士自林間突出擊之。
	上命虎貧士萬人絕賊壁,間遮賊捉,		上分壯士萬人遮敵接兵,而伏
岡月已	命漢王伏馬步數萬林間,俟賊疲,突	同月已	馬步兵數萬於林間,豫戒之曰:
卯	出擊之。虎黃士與戰,稍引卻,	卯	「敵戦疲卽出撃之。」 壯士
	漢王卒衆突擊之。		爽 戟稍卻,而伏兵突出奮擊。
同月辛	上以大軍攻其壁,令漢王率諸将先	同月辛	上以大軍攻敵營鼎,而躬督諸
본	登。	면	將先登。

據此,凡靖難記所載高煦戰功,實錄或故為乙去,或改屬他人,蓋前者纂於永樂間,稅高煦戰績,尚無所諱飾,後者成於宣德五年,在高煦叛變之後故盡泯其迹。然則今本太祖實錄所載燕王寨上武功,雖有炫飾之詞,或亦有事實根據,而在建文間初修本中之記載如何,可不難想像矣。

永樂間,高煦承龍,幾奪儲位,實錄文繁茲不引,姑錄明史所載 者,如壹壹捌漢王傳:

時議建儲,洪國公邱福駢馬王寧善高煦,時時稱高煦功高,幾 奪嫡,成祖卒以元子仁賢,且太祖所立,而高煦又多過失,不果。 同書壹伍拾金忠傳:

帝起兵時, 次子高煦從戰有功, 許以為太子。至是其國公邱福等 黨高煦, 勸帝立之, 獨忠以為不可, 在帝前歷數古適孽事, 帝不能 奪, 密以告解稱黃淮尹昌隆, 續等皆以忠言為是, 於是立世子 為皇太子, 而忠為東宮輔導官。……帝北征, 留忠與蹇義黃淮楊 <u>士奇</u>輔太子監國,是時<u>高煦奪嫡謀念急,</u>蜚語讚太子十二年,北征還,悉徵東宮官屬下獄。

又登伍武都濟傳記東宮官屬遭讒事:

當是時,宮僚多得罪,徐善述王汝玉馬京梁潛輩被讒,相撒下獄死,濟積憂得疾,皇太子以書慰曰:「卿善自攝,即有不諱,當 提攜卿息,不使墜蓬蒿也。」

案以上各傳多採自太宗仁宗宣宗實錄,故頗多祖護太子語,實則成祖 所以未立漢王者,蓋因祖訓有立嫡長明文,未必因仁宗之「仁賢」與 高煦之「多過失。」成祖於洪武晚年威震北方,太祖雖無立之之心,然 假以兵柄,頗見寵信,如太祖實錄所言者,並非無故。其以此屬蹇,陰謀 大位,參以漢王故事,亦不難測知,此事初修本太祖實錄或詳載之,而 今本實錄則盡爲隱諱已。

實錄記成祖仁宗崩,高煦謀位愈急,宣宗實錄宣德元年八月壬戌: 太宗皇帝北征晏駕,高煦之子瞻圻時在北京,凡朝廷所設施曾 潛遺人馳報高煦。一晝夜六七遺行,高煦亦數十遺人,潛伏京師 伺察。……仁宗皇帝大漸時,上在南京,被召還,高煦謀伏兵邀 於路,倉卒不果。

同書洪熙元年六月辛丑:

上至自南京,先是仁宗皇帝上賓, 遺詔上早正大位, 宫中以上 未還, 祕不發喪,至是驛報上至良鄉, 宫中始出遺詔。……壬寅, 初大行皇帝上賓, 外間稍稍有聞, 上未至北京, 喧傳高煦欲舉兵 犯闕,人心詢詢,及上還始定。而京師戒嚴已久,上至之明日,召 英國公張輔等論之曰:「山陵之期尚遠,今天氣炎熱,戒嚴甚久, 將士煩勞,其悉撤之。」輔等對曰:「殿下未正大位,軍衞未可 撤。」上曰:「天下神器,非智力所能得,況祖宗有成命,孰敢萌 邪心!」途即日解嚴。

永樂間,漢王練兵整武,已作非分之圖,太宗實錄永樂十四年九月 丙申:

上聞漢王高煦於各衛選精壯軍士及有藝能者,以隨侍為名,教習武事,造作器械,心益疑之,途有還京之意。先敕右軍都督僉事歐陽青曰:「親王護衛官軍自有常數,凡各衞選撥隨侍漢王者,令各還原伍,不許稽留。」時青專典漢府兵事故也。

案歐陽青為高煦死黨,(見質錄永樂十五年十二月辛卯本傳) 故成祖敕責之語 能否發生作用,頗是疑問。惟據上述,是漢王之選練精卒,造作兵器,與 靖難記太宗實錄載成祖上書所辨析者略同,亦即成祖之行徑應亦類此, 而惠帝據祖制指責之語,(見質錄載燕王上書辨護衛官軍踰額事)亦可與成祖敕 青之語相印證也。

漢王簽纂之前,亦先通結內姦,宣宗實錄宣德四年二月辛巳冀傑

傳:

高煦反,上親征,列侯中有陰持兩端者,言高煦機變不測,用兵 若神。傑揚言於衆曰:「吾知其為人,徒尙祚而無膽,今天威臨 之,卽震慴就擒矣,何神之有!」竟如其言,衆服其明云。

又黄訓明名臣經濟錄拾貳楊士奇詔初卽位事宜:

一、在京行事校尉多有在外假公營私,挾制官府,欺騙平人,瞞眛朝廷,如此先唐賽兒及漢庶人謀反行事,官校明知其事,不報。 是當時朝廷大臣及在京校尉陰黨漢王者已甚多,與成瀨起兵之時正相似,成祖通結內姦情形惠帝方面當有顯明之紀載,特在太宗實錄中則 隱約其詞耳。

實錄宣德元年八月丁卯, 載漢王青仁宗宣宗之過失:

高煦遺百戶陳剛齋奏言,仁宗皇帝不當遠洪武永樂舊制,與文臣誥敕封贈,謂上不當修理南巡席殿等事為朝廷過。

此謂仁宗不遵洪武永樂舊制,與成祖武惠帝背葉祖訓者同,謂宣宗不當修理南巡席殿,與成祖武惠帝拆毀宮殿,大與土木者尤相類;又同 書四年四月戊寅,宣宗復寧王權書述漢王叛變事:

往者逆贼高煦在太宗文皇帝時屢造大罪,及予嗣位,加厚待之,而包藏禍心,終謀不軌,然求朝廷之過未得, 顿妄稱太祖高皇帝時未嘗頒給羣臣誥敕,以為擅改舊制,具本指斥。遂舉兵反,及被執至京,出洪武中諸司職掌示之,逆煦俛首無言,愧诲不及。

此謂宣宗未背成憲,故出太祖諸司職掌以為證,設使當年成祖生搶,惠

帶以祖訓法律第十三條全文示之(即成祖雄以起兵塘離之文,應一、奉天子密都, 二、亂平之後,最兵於營,朝天子而發返。)則其所撰之史書,(亦如宣宗東征記之類) 獨不可謂「逆棣俛首無舊,愧悔不及」乎?

漢王指斥宣宗諸臣,以夏原吉為姦首,實錄宣德元年八月壬戌記: 遂斥二三大臣為姦臣,而指夏原吉為首,並索誅之,為危語,以 越朝廷。

又王鏊文恪公集武叁夏原吉傳載:

漢庶人反, 檄輔臣姦邪亂政, 以公為首, 上夜召公等入議, 公免冠頓首曰:「臣罪當死。」上曰:「彼借卿為兵端耳。」命公坐, 屏左右密議, 楊榮首勸上親征, 上難之, 顧公, 公曰:「往事可鑒, 機不可失也。臣昨見所命將, 語臣而泣, 其臨事可知, (则史本修作:「獨不見李景隆已率耶?臣昨見所遗将, 命下即色望, 降事可知。」)兵貴神速, 卷甲趨之, 所謂先人有奪人之心也, 楊榮言是。」上意乃決, 躬率六師, 兼程而往。師隨城, 庶人欲降, 猶令人繞城罵公。罪人旣得, 大被恩賞。

此與成祖與兵,以齊秦黃子澄為姦臣首者同,齊黃諸人行性,今已無正面紀載可考,惟證以原吉之守正不阿,則靖難記太宗實錄等書所証毀者,誠如宣宗言,不過「借為兵端」而已。原吉:建文間官戶部停即,對靖難原委,自所深悉,其勸宣宗親征,以李景隆事為喻,則惠帝所遺將,必已協於成祖威棱,後來療隆叛附,或並與此有關乎?然則宣宗之平亂與惠帝之失國,固以親征與否為關鍵也。

實錄為成祖靖難作伏筆,亦為漢王之變作預示,如太宗實錄永樂 五年七月乙卯徐后傳:

初立皇太子封漢趙二王,后曰:「太子國家之本,諸王藩屏所資,願擇老成端正之士輔養德器。」上曰:「此朕所注意也。」…… (后)又曰:「長子仁厚足為令器,不添祖宗矣。二子(歷王)三子(題王)陛下宜早教之,惟陛下留意。」上曰:「吾亦知之。」……遺命皇太子曰:「……爾吾之長子,孝仁淳厚,當夙夜恪勤,敬事君父,勿以吾故過哀毀,以傷君父之心。」

案仁宗失愛君父,實錄雖儘量迴護,然參以他書,尚不難考知,至漢趙 二王之媒孽仁宗,冀圖大位,則官書之中盡為暴露,此言徐后譽仁宗為 令器,而謂二子三子宜早教之者,明係為後來漢叛作伏筆,太祖實錄初 修本馬后傳記成祖事似可以此推之也。 又太宗實錄序記太祖與高后 議立燕王事:

初蕊文太子以柔弱牽制文義,不稱太祖意,又聞其宮中過失,太祖語孝慈高皇后曰:「朕與爾同起艱難,成帝業,今長子不稱吾意,如何?」皇后曰:「天下事重,妾不敢與知,惟陛下帝之。」太祖曰:「諸子中燕王仁孝,有文武才略,能撫國安民,吾所屬意。」皇后曰:「幸勿泄言,恐禍之也。」

又太祖實錄洪武十五年八月丙戌馬后傳:

令上(成祖)初生,有雲龍之祥,后甚異之,后嘗夢微時攜諸子在 原野間,卒遇寇至,皆紅巾,甚恐,適令上以馬進,扶后上馬,復躍 馬從,寇見令上皆辟易遁去,后與諸子從容而還,遂覺,故獨鍾愛 令上焉。

此與前舉徐后傳可視為同一史事之兩面記載,如前者可視為<u>惠帝</u>記燕 王事,則後者可作為漢王記仁宗事矣。

太宗實錄永樂十五年三月丙午, 記漢王之封國樂安:

上覺其有異志,前此高煦所爲多不法,上以其長史程石琮紀善 周巽等不能匡正,皆黜爲吏交阯,其後府中有從征軍士三千餘 人,不隸兵部。又侵占各公主府牧地及民田為草場,長史蔡瑛紀 善周岐鳳數諫, 高煦積不能平, 遂假他事送岐鳳錦衣衞獄。時 皇太子監國,謂錦衣衞非王府獄,恐上聞之,重高煦之過,欲出 之,又重違高煦意,乃降岐鳳爲長洲縣教諭。自是高煦盆恣肆 無忌。己而上聞其縱衞士於京城劫掠,為兵部指揮徐野驢所執, 高煦遺人捽野驢至,以鐵爪攝殺之。又聞其支解無罪人,暗投之 江,及僧用乘輿器物,上猶隱忍未發,及車駕南還,盡得其私造兵 器,陰養死士,招納亡命,及漆皮為舟,教習水戰等事,上怒甚,召 至面詰之,又錄示不法數十事,褫其衣冠, 囚絷之西華門內, 命 中官黃儼等畫夜守之,將免為庶人,皇太子懇為救解。上屬擊曰: 「吾為爾去蟊賊、爾反欲養患自及耶!」皇太子跪曰:「彼誠無 狀,宜未必有害臣之心。」上曰:「吾為父乃不能知子耶?雖爾千 萬分友愛、彼方以世民自任,而目爾為建成,此可容耶!」不懌 而起。他日皇太子復屢言之,上曰:「汝若不從吾意,久當悔之。」

又曰:「今可置之何地耶?既不肯往青州, 決不可留於京師, 雖 畿內之地,亦不可容,今吾強徇汝意,不去其爵, 處之近畿之地, 一旦有變,可朝發而夕擒也。」於是有樂安之命。時皇太孫亦在 側,上語太孫曰:「吾為君父在上, 彼尙敢然, 將來何有於爾父 子。爾但毋忘吾言,有危宗社者,當為宗社除之,周公誅管蔡, 聖 人所為也。」

案此記漢王縣恋(如陳兵造器陵人等)須與靖難記成祖上惠帝書相參看,可見同樣事實,兩造記載,各執一詞。至漢王囚熱四華門事,是否可信,則尚待他證,蓋黃儼為漢府死黨,苟真懲處漢王,決無使之監視理。又樂安本北地練兵重鎮,時成祖尚未正式奠都北京,所謂一旦有變,朝發夕擒之語,更無著落。惟由此可以推知者,即史臣以高煦之叛為成祖早料知,仁宣二帝則故為救解,以明其寬惠。然則建文遺蹟所記燕王覬覦大位,太祖屢欲廢之,賴廷臣諫免,又幽於別苑,不許進飲食者,事雖不經,傷與初修本太祖實錄相去不遠歟?前文謂成祖倡周公輔成王口號,乃因惠帝有周公誅管藝之說(見第四章第五節),此謂成祖詔宣宗,有「周公誅管蔡,聖人所為」之語,正亦同樣情節也。又仁宗實錄洪熙元年七月庚辰載:

<u>漢王高煦</u>陳奏利國安民四事,上覽之喜,命有司施行。上復書謝之曰:「叔父忠存宗社,遠辱嘉謨,銘威于心,已悉付所司施行,惟頻惠教,是所深望。」旣而顧侍臣曰:「永樂中,皇祖當諭皇考及朕,謂此叔有異心,宜備之,然皇考待之極厚,如今日所言,

果田於誠,即是舊心已革,不可不順從也。」

此亦故示宣宗寬惠,與太宗實錄記成祖上書故作忠悃之態,而望惠帝聽 納者,用意相同,而寫法則相反,惠帝與漢王之記事,可於此中求之矣。

太宗智錄永樂十九年八月庚申, 記漢世子瞻壡薨:

計聞,上輟視朝三日,遣官賜祭,治喪葬,諡懿莊,上嘆曰:「此兒 雖循良,使不死,亦終不能匡救其父也。」皇太子親王皆遣祭。

案此文痛惊瞪整,與太祖實錄所載悼惜皇長孫雄英事(洪武十五年五月已 酉),如出一轍,前者暗示漢王叛變,後者深惡惠帝當國,實同一史事之 兩面記載。又宣宗實錄宣德元年八月癸酉:

上馬上顧謂侍臣曰:「漢高帝初封吳干濞謂其有反相,至景帝時果反,永樂中,皇祖謂高煦有異志,不宜處大國,置之樂安,今果反,何皆料之審也。然景帝提殺吳太子,又行晁錯削奪之計,故 濞反,朕待諸王皆厚,至如漢王,以其皇考至親,待之尤厚,何為 而反耶?」侍臣對曰:「彼菅反心非一日,非恩德所能馴者。」

此與<u>太祖</u>論七國叛選^(見第四章第六節),事相似而**意相反**,**惠帝所修之太** 祖實錄儻亦類是乎!

上渝羣臣曰:「吾觀史傳所載,歷代君臣,或聰明之君,樂聞忠識, 而臣下循默姦諂,不盡其誠者有之。或臣下不欺,能抗言直諫,而 君上昏愚騙暴,飾非拒諫者有之。臣不諫君,是不盡臣職,君不受 諫,是不能盡君道,臣有不幸,言不見聽,而反受其責,是雖得 罪於昏君,然有功於社稷人民也。若君上樂於聽諫,而臣下樂 於進諫,則政事豈有不善,天下豈有不治,乃知明良相逢,古今 所難。」

同年二月癸卯:

上御奉天門,謂侍臣曰:「凡人之言,有忠諫者,有讒佞者,忠諫之言,始若難聽,然其有益,如藥石之能濟病,讒佞之言,始若易聽,然其貽思不可勝言。夫小人之為讒佞也,其設心機巧,漸濱而入,始焉必以徼事可信者言於人主,以探其淺深,人主苟信之,彼他日復有言,必以為其嘗言者可信,將不復審察,讒佞者因得肆志而妨賢病國,無所不至。自古若此者甚多。而昏庸之君,卒莫之悟,由其言甘而不逆於耳也。惟剛明者審擇是非,取信於公論,不偏信人言。則讒佞之口可杜矣。」

又四年閏三月己未:

上諭省臺臣曰:「朕諸子日知務學,必擇端謹文學之臣兼宮僚之 職日與之居,講說經史,舊養德性,博通古今,庶可以承籍天下國 家之重。但人之相與,氣智易移,與正人處,則日習於正,如行康 衢,自不爲偏歧所惑,若與邪人處,則日習於邪、如由曲徑,往而 不返,不覺入荆棘中矣。」

又八年五月庚申:

上謂侍臣曰:「人君深居高位,恐阻隔聰明,過而不聞其過,闕而

不知其闕,故必有獻替之臣,忠諫之士,日處左右,以拾遺補闕。 言而是也,有褒嘉之美,言而非也,無譴責之患。故人思盡職,竭 其忠誠,無有隱諱。如此則嘉言日聞,君德日新,令聞長世,允為 賢明。若昏庸之主,吝一已之非,拒天下之善, 全軀保祿之臣,或 緘默而不言,或畏威而莫諫,塞其聰明,昧於治理,必至淪亡而 後已。由此觀之,能受諫與不能受諫之異也。」

案太祖為憂勤惕勵之主,故上引諸文,非不可信,惟如持與成祖武毀惠 帝聽信姦回、不納忠諫事合觀,則此種文字是否含有其他作用,固亦難 說。如再與前舉成祖斥青漢王事相較,則覺其為官會在不同之立場所 故作之伏筆,特前者記載明顯而後者用意隱晦而已。

綜實以上所述,成祖漢王起事全同,惠帝宣宗成敗互異,然則太宗仁宗宣宗三朝實錄所記漢王事,視作惠帝記燕王之事可,太祖太宗兩朝實錄所記成祖事,視作漢王自記之事亦無不可,明禁建文朝事,致使紀載失傳,漢下階下俘囚,更無自撰之史乘,而在官修實錄之中皆略透其梗概,此則當時史臣所未及料者也。